

# LUB MOO ZOO RAWS LI MAS TAIS

Mas Tais, Zai Npas Npis Los.

## Yes Xus lub keeb.

1 : 1 - 17.

1 1 Phau ntawv qhia txog Yes Xus  
Pleev lub keeb, uas yog Das Vis leej  
tub thiab yog Has Nplas Has leej tub :  
2 Has Nplas Has yug Is Xas Has,  
Is Xas Has yug Yas Kos,  
Yas Kos yug Yus Das thiab nws cov kwv  
tij.  
3 Yus Das poj niam hu ua Thas Mas yug  
Fas Les thiab Ntxas Las.  
Fas Les yug Es Xas Los,  
Es Xas Los yug As Las,  
4 As Las yug As Mis Nas Das,  
As Mis Nas Das yug Nas As Xoos, Nas  
As Xoos yug Xas Moos,  
5 Xas Moos poj niam hu ua Las Has yug  
Npuag Oos,  
Npuag Oos poj niam hu ua Luv yug Os  
Npes, Os Npes yug Yes Xes,  
6 Yes Xes yug tus vaj Das Vis.  
Das Vis yuav Us Lis tus poj niam, nws  
yug Xas Los Moos,  
7 Xas Los Moos yug Los Npuag, Los  
Npuag yug As Npias,  
As Npias yug As Xas,  
8 As Xas yug Yos Xa Fas,  
Yos Xas Fas yug Yos Las,  
Yos Las yug Os Xias,  
9 Os Xias yug Yos As Thas,  
Yos As Thas yug As Kas,  
As Kas yug Es Xes Kias,  
10 Es Xes Kias yug Mas Nas Xes,  
Mas Nas Xes yug As Moos,  
As Moos yug Yos Xias,  
11 Yos Xias yug Yes Kos Nias thiab  
Yes Kos Nias cov kwv tij. Thaum  
ntawd yog lub caij raug txim nyob

12 Dhau lub caij raug txim nyob Npas  
Npis Los lawm, Yes Kos Nias yug Xas  
Las Thias,  
Xas Las Thias yug Ntxos Los Npas Npes,  
13 Ntxos Los Npas Npes yug As Npis  
Yus, As Npis Yus yug Es Lias Kis,  
Es Lias Kis yug As Ntxos,  
14 As Ntxos yug Xas Dos,  
Xas Dos yug As Khis,  
As Khis yug Es Lis Us,  
15 Es Lis Us yug Es Les As Ntxas,  
Es Les As Ntxas yug Mas Thas,  
Mas Thas yug Yas Kos,  
16 Yas Kos yug Yos Xes uas yog Mab  
Liab tus txiv. Mab Liab yug Yes Xus,  
uas luag hu nws ua Leej Pleev.  
17 Tas cov tiam neeg huv tib si :  
txij Has Nplas Has los txog Das Vis,  
muaj kaum plaub tiam ; txij Das Vis los  
txog lub caij raug txim nyob Npas Npis  
Los, muaj kaum plaub tiam ; txij lub caij  
raug txim nyob Npas Npis Los txog lub  
caij Leej Pleev tuaj, muaj kaum plaub  
tiam.

## Yos Xes lees ua Yes Xus txiv.

1 : 18 - 24.

18 Yes Xus Pleev lub keeb chiv zoo li  
no : Mab Liab uas yog Yes Xus niam,  
lawv muab qhaib rau Yos Xes lawm.  
Thaum nkawd tseem tsis tau los nyob ua  
ke, Leej Ntuj Plig Ntshiab ua kom Mab  
Liab xeeb tub. 19 Yos Xes uas yog Mab  
Liab tus txiv, yog ib tug neeg ncaj, nws  
tsis xav kom zeej tsoom hais lus xaiv  
txog Mab Liab, ces nws txiav siab nravj  
Mab Liab twj ywm. 20 Thaum nws txiav  
siab nravj li ntawd, Huab Tais tus Tshiab

## Mas Tais, Zaj 1 thiab 2

tawm los ua npau suav rau nws, thiab hais rau nws tias :

"Yos Xes, Das Vis leej tub, koj txhob ntshai coj Mab Liab, koj tus poj niam, los nyob hauv koj tsev. Yog Leej Ntuj Plig Ntshiab ua kom nws xeeb tub. 21 Nws yuav yug ib tug tub, koj yuav tis nws npe hu ua Yes Xus : vim nws yuav cawm nws hauv neeg ntawm lawv cov txhaum."

22 Tas ib puas tsav yam ntawd tshwm sim raws li lo lus uas Huab Tais kom tus yaj saub xub hais tseg tias :

*23 Tus ntxhais nkauj xwb yuav xeeb tub, nws yuav yug ib tug tub. Luag yuav tis nws npe hu ua Es Mas Nus Es, txhais tias : "Tswv Ntuj nrog peb nyob".*

24 Thaum Yos Xes tsim los, nws ua raws li Huab Tais tus Tshiab qhia rau nws : nws coj nws poj niam los nyob hauv nws tsev. 25 Nws tsis paub nws poj niam mus txog hnub Mab Liab yug Mab Liab tus tub. Nws tis tus tub npe hu ua Yes Xus.

### Cov kws hnub qub tuaj hawm Yes Xus. 2 : 1 - 12.

**2** Yes Xus yug los nyob Npes Les Hes, Yus Das teb, yog lub caij Hes Los ua vaj. Muaj ib co kws hnub qub tuaj Toob Fab tuaj txog Yes Lus Xas Les. 2 Lawv nug tias :

"Tus vaj Yus Das uas nyuam qhuav yug los nyob qhov twg ? Peb pom nws lub hnub qub tawm nyob Toob Fab, peb tuaj hawm nws."

3 Tus vaj Hes Los hnov li ntawd, nws lub siab npbau npog. Tas Yes Lus Xas Les kuj nrog nws ua siab npbau npog thiab. 4 Hes Los hu cov thawj leej choj thiab pej xeem cov kws ntawv tuaj tas huv tib si. Nws nug lawv txog qhov chaw uas Leej

Pleev yuav yug los. 5 Lawv teb tias :

"Nyob Npes Les Hes, Yus Das teb, vim tus yaj saub sau tseg tias :

*6 Koj, Npes Les Hes, Yus Das thaj av, koj tsis yog lub zos Yus Das me tshaj cov, vim ib tug thawj coj yuav tawm hauv koj los, nws yuav zov kuv haiv His Xas Lais.*"

7 Hes Los hu cov kws hnub qub twj ywm tuaj. Nws kom lawv qhia meej lub sij hawm uas lub hnub qub tau tawm tuaj. 8 Ces nws cia lawv mus Npes Les Hes.

Hes Los hais rau lawv tias :

"Nej mus tshuaj tus me nyuam kom meej, thaum nej nrhiav tau nws, nej xa xov qhia kuv paub, vim kuv xav mus hawm nws thiab."

9 Tus vaj tso lus li ntawd, ces lawv sawv kev mus. Thaum ntawd, lub hnub qub uas lawv tau pom nyob Toob Fab rov mus ua lawv ntej. Nws mus nres saum qhov chaw uas tus me nyuam nyob. 10 Lawv rov pom lub hnub qub, mas lawv zoo siab kawg. 11 Lawv chaws mus hauv tsev, lawv pom tus me nyuam thiab nws niam Mab Liab, lawv pe, lawv hawm nws. Lawv qhib lawv cov phij xab, lawv cev kub, cev txab ntoo xyab, thiab cev txab txiv yoov ua paj tshab rau nws.

12 Ntuj qhia lawv hauv npau suav kom txhob rov qab mus pem Hes Los tsev. Ces lawv taug dua ib txog kev rov mus lawv teb chaws.

### Yos Xes thiab Mab Liab nkawd coj Yes Xus khiav mus Hais Nkws Tos teb. Hes Los tua cov me nyuam.

#### 2 : 13 - 18.

13 Thaum cov kws hnub qub rov qab mus lawm, Huab Tais tus Tshiab tawm tuaj ua npau suav rau Yos Xes, nws hais rau Yos Xes tias :

"Koj sawv, koj coj tus me nyuam thiab nws niam khiav mus Hais Nkws Tos teb, koj yuav nyob ntawd mus txog thaum kuv rov tuaj qhia koj, vim Hes Los tab tom nrhiav tus me nyuam tua."

14 Yos Xes sawv, nws coj tus me nyuam thiab leej niam, lawv khiav hmo ntuj mus Hais Nkws Tos teb. 15 Nws nyob Hais Nkws Tos teb mus txog hnub Hes Los tuag. Qhov ntawd tshwm sim raws li los Huab Tais kom tus yaj saub xub hais tias :

*Kuv hu kuv leej tub tim Hais Nkws Tos teb los.*

16 Hes Los pom tias cov kws hnub qub dag nws, ces nws npau taws ceev kawg. Nws xa neeg mus tua cov me nyuam uas muaj ob xyoos raws li nws hnov cov kws hnub qub hais. Nws tua cov nyob Npes Les Hes thiab nyob ib ncig ntawm Npes Les Hes tas tib si. 17 Mas muaj raws li yaj saub Yes Les Mias tau hais tias :

18 *Luag yuav hnov ib lub suab nrov nyob Las Mas, yog suab quaj suab nyiav : yog Las Nkes quaj nws cov me nyuam ; nws tsis kam luag nplij nws, vim nws cov me nyuam tsis nyob tas lawm.*

**Yos Xes thiab Mab Liab nkawd coj  
Yes Xus ntawm Hais Nkws Tos teb  
los nyob Nas Xas Les. 2 : 19 - 23.**

19 Thaum Hes Los tuag lawm, Huab Tais tus Tshiab tawm los ua npau suav rau Yos Xes nyob Hais Nkws Tos teb.

20 Tus Tshiab hais tias :

"Koj sawv, koj coj tus me nyuam thiab nws niam, nej sawv kev rov mus His Xas Lais thaj av, vim cov neeg uas xav muab tus me nyuam tua, tuag lawm."

21 Ces Yos Xes sawv, nws coj tus me nyuam thiab leej niam rov los His Xas

Lais teb. 22 Tab sis, Yos Xes hnov tias As Kes Los ua vaj hloov nws txiv Hes Los chaw kav Yus Das teb, ces Yos Xes ntshai mus Yus Das teb. Ntuj qhia nws hauv npau suav, nws thiaj tsiv mus nyob xeev Nkas Lis Lais. 23 Nws los nyob ruaj hauv ib lub zos hu ua Nas Xas Les. Qhov ntawd tshwm sim kom muaj raws li cov yaj saub xub hais tias : *Luag yuav hu nws ua neeg Nas Xaus Les.*

**Zam Ntxuav Plig qhuab qhia.**

**3 : 1 - 12.**

**3** 1 Muaj ib ntus, Zam Ntxuav Plig mus ntuaas tsoom sid nyob hauv teb chaws suab puam Yus Das. 2 Nws hais tias :

"Nej hloov siab mog, vim Ntuj lub Ceeb Tsheej los txog ze lawm."

3 Nws yog tus uas yaj saub His Xais hais txog tias : *Tus qw hauv teb chaws quav poj lub suab hais tias : Nej npaj txoj kev rau Huab Tais, nej ua kom nws txoj kev ncaj tuaj.*

4 Zam cov ris tsho yog xuas plaub ntxhuav ua, nws sia ib daim siv tawv tsiaj ncig nws lub duav. Nws noj kooj thiab zib mu qus. 5 Tas cov nyob Yes Lus Xas Les, cov nyob Yus Das teb, thiab cov nyob ib thaj tsam raws tus dej Yos Las Das puav leej tuaj cuag Zam. 6 Lawv lees txhaum, thiab thov nws ntxuav lawv nyob hauv tus dej Yos Las Das.

7 Thaum Zam pom coob tus Fas Lis Xais thiab ntua tus Xas Dus Kais tuaj txais kab ke ntxuav, nws hais rau lawv tias :

"Caj ces nab muaj taug, leej twg qhia nej khiav kom nej dim ntawm Ntuj Txoj Kev Npau Taws uas tuaj yuav txog ? 8 Nej kav tsij txi ib co txiv tsim nyog tus neeg hloov siab. 9 Nej txhob khav rau nruab

siab tias: ‘Peb muaj Has Nplas Has ua  
peb txiv.’ Kuv hais rau nej tias, Tswv  
Ntuj yuav ua kom Has Nplas Has ib co  
xeeb ntxwv tawm hauv cov pob zeb no los  
kuj tau. 10 Zaum no, rab taus twb nyob  
ntawm cag ntoo lawm, tsob ntoo twg tsis  
txi txiv zoo, yuav tsum muab txiav pov  
hlawv hauv hluav taws.

11 Ntawm kuv, mas kuv ntxuav nej nyob  
hauv dej kom nej tig los yuav ib lub siab  
tshiab ; hos tus lawv kuv qab tuaj, nws  
muaj zog dua kuv, kuv tsis tsim nyog hle  
nws nkawm khau. Tus ntawd yuav  
ntxuav nej nyob hauv Leej Ntuj Plig  
Ntshiab thiab nyob hauv hluav taws.

12 Nws txhais tes tuav rawv ib lub vab,  
nws yuav ntxuaj nws lub tshav ntaus  
nplej. Nws yuav yawm cov nplej qoos rau  
hauv txhab, hos cov npluag, nws yuav  
muab hlawv hauv cov hluav taws tsis  
txawj tuag.”

### **Yes Xus txais kab ke ntxuav.**

#### **3 : 13 - 17.**

13 Lub zim txvv ntawd, Yes Xus tawm  
hauv xeev Nkas Lis Lais mus cuag Zam  
ntawm tus dej Yos Las Das, kom Zam ua  
kab ke ntxuav rau nws. 14 Zam tsis kam,  
Zam hais tias :

“Kuv yog tus yuav tsum thov koj ntxuav  
kuv, tab sis, koj ho tuaj cuag kuv.”

15 Yes Xus teb rau Zam tias :

“Nyem no, cia koj ua rau kuv : wb thiaj  
tau ua raws txoj kev ncaj.”

Ces Zam ua raws li Yes Xus hais.

16 Yes Xus txais kab ke ntxuav tas, nws  
tawm hauv dej los tim ntug nqhuab tam  
sis ntawd. Ces ntuj qhib plho : Zam pom  
Tswv Ntuj tus Ntsuj Plig nqes xws li ib  
tug nquab los rau saum Yes Xus.  
17 Thiab ib lub suab nrov saum ntuj tuaj

hais tias :  
“Tus no yog kuv Leej Tub uas kuv nyiam.  
Nws yog kuv qhov chaw zoo siab.”

### **Yes Xus yeej kev ntxias.**

#### **4 : 1 - 11.**

4 1 Thaum ntawd, Leej Ntuj Plig coj  
Yes Xus mus rau teb chaws suab  
puam kom raug dab phem ntxias. 2 Yes  
Xus yoo mov tau plaub caug hnub plaub  
caug hmo, ces nws tshaib plab. 3 Ces  
niag ntxias neeg txav los, nws hais rau  
Yes Xus tias :

“Saib, koj yog Tswv Ntuj Leej Tub no,  
koj hais kom cov pob zeb no txia ua mov  
!”

4 Tab sis Yes Xus teb tias :

“Muaj lus sau cia tias :

*Neeg tsis kawg muab mov xwb los yug  
txoj sia, neeg tseem muab txhua lo lus  
tawm ntawm Tswv Ntuj lub ncauj los yug  
txoj sia thiab.”*

5 Dab phem tseem coj Yes Xus nrog nws  
mus hauv lub Nroog Ntshiab. Ces dab  
phem coj Yes Xus mus tso puag saum lub  
ruv Tuam Tsev Teev Ntuj, 6 dab phem  
hais tias :

“Saib, koj yog Tswv Ntuj Leej Tub no,  
koj dhia lawm puag hauv, vim muaj lus  
sau cia tias :

*Ntuj yuav txib nws cov tshiab, kom lawv  
nqa koj nyob hauv lawv txhais tes, kom  
koj ko taw txhab dawm ib lub pob zeb li.”*

7 Yes Xus hais rau dab phem tias :

“Tseem muaj lus sau cia tias :

*Koj yuav tsis txhab ntxias koj tus Huab  
Tais Tswv Ntuj.”*

8 Dab phem tseem coj Yes Xus mus txog  
saum ib lub roob siab siab. Nws taw cov  
ceeb tsheej muaj koob meej nyob ntiaj teb  
rau Yes Xus ntsia. 9 Nws hais tias :

"Yog koj txhos caug pe kuv, mas kuv yuav muab tej ntawd tas huv si rau koj."

10 Yes Xus hais rau dab phem tias :

"Xas Tas, koj kхиav mus ! Vim muaj lus sau cia tias : *Tus koj yuav pe, yog koj tus Huab Tais Tswv Ntuj.* Koj yuav teev nws tib leeg xwb."

11 Dab phem thiaj kхиav ntawm Yes Xus mus. Ces cov Tshiab txav los tsob hwb

Yes Xus.

**Yes Xus rov los Nkas Lis Lais.**

**4 : 12 - 17.**

12 Yes Xus hnov tias luag ntes Zam lawm, ces nws rov mus Nkas Lis Lais. 13 Nws tso Nas Xas Las tseg, nws mus nyob ruaj rau Kas Fas Naus, ntawm ntug dej ntuj, nyob ntawm Ntxas Npus Loos thiab Nes Tas Lis ciام teb. 14 Li ntawd muaj raws li yaj saub His Xais xub hais tias :

15 *Ntxas Npus Loos daim av, Nes Tas Lis daim av, kev mus rau dej ntuj, cov teb chaws nyob sab dej Yos Las Das tim ub, cov neeg teev pej kum dab uas nyob Nkas Lis Lais !* 16 *Haiv neeg nyob hauv kev tsaus ntuj pom ib qho pom kev cig loj loj kaj cov neeg maub hauv tub tuag lub teb chaws tsaus ntuj, ib qho pom kev ci tawm tuaj lawm.*

17 Txij ntawd los, Yes Xus pib ceeb toom hais tias :

"Nej hloov siab mog, vim Ntuj lub Ceeb Tsheej los txog ze lawm."

**Hu thawj plaub leeg thwј tim.**

**4 : 18 - 22.**

18 Yes Xus mus ko taw taug ntug dej

ntuj Nkas Lis Lais, nws pom ob kvv tij :

Xis Moos uas hu ua Pob Zeb, thiab nws tus kwv As Nres. Nkawd tseem tab tom pov vas ntses rau hauv dej ntuj, vim nkawd yog tub puav ntses. 19 Yes Xus hais rau nkawd tias :

"Neb raws kuv mus, kuv yuav tsa neb ua tub puav neeg."

20 Nkawd tso plhuav cov vas ntses tam sis ntawd, nkawd raws Yes Xus mus.

21 Yes Xus mus ntxiv, nws ho pom ob kvv tij ntxiv : Yas Kos, uas yog Ntxes Npes Dais tus tub, thiab Zam uas yog Yas Kos tus kvv, nkawd nrog nkawd txiv Ntxes Npes Dais nyob hauv nkoj, lawv tseem tab tom ntxiv lawv cov vas ntses. Yes Xus hu nkawd. 22 Tam sis ntawd, nkawd tso plhuav lub nkoj thiab nkawd txiv tseg, nkawd raws Yes Xus mus.

**Yes Xus qhia tsoom sid thiab kho sawv daws cov mob. 4 : 23 - 25.**

23 Yes Xus ncig thoob lub xeev Nkas Lis Lais, nws qhia zeej tsoom nyob hauv cov tsev txoos, nws tshaj lub Moo Zoo txog Ntuj lub Ceeb Tsheej. Nws kho tas puas tsav yam mob, tas puas tsav yam txiab nkeeg hauv tsoom pej xeem zoo tas. 24 Nws lub moo nto mus thoob Xis Lias teb. Ces sawv daws coj cov neeg raug txhua hom mob, txhua hom txiab xeeb tuaj rau nws : cov raug dab, cov qaug dab peg, cov tuag tes tuag taw huv si. Nws kho lawv sawv daws zoo tas.

25 Tej pab neeg coob coob pib raws nws : cov neeg ntawd yog cov nyob Nkas Lis Lais, nyob Des Kas Pos Lis, nyob Yes Lus Xas Les, nyob Yus Das teb, **Mas Tais, Zaj 5** nyob sab dej Yos Las Das tim ub.

**Txoj Hmoov zoo. 5 : 1 - 12.**

- 5** 1 Yes Xus pom neeg coob coob tuaj, nws nce mus saum lub roob. Nws zaum. Cov thwj tim txav los ze Yes Xus. 2 Ces Yes Xus tsa ncauj qhia lawv hais tias :
- 3 "Cov tau t xo hmoov zoo, yog cov pluag hauv nruab siab, vim Ntuj lub Ceeb Tsheej yog lawv li.
- 4 Cov tau t xo hmoov zoo, yog cov siab zoo, vim lawv yuav txais lub ntiaj teb los ua lawv tug.
- 5 Cov tau t xo hmoov zoo, yog cov quaj ntsuag, vim Ntuj yuav nplij lawv. 6 Cov tau t xo hmoov zoo, yog cov tshaib thiab nqhis t xo kev ncaj, vim Ntuj yuav daws lawv qhov nqhis.
- 7 Cov tau t xo hmoov zoo, yog cov hlub luag tej, vim Ntuj yuav hlub lawv.
- 8 Cov tau t xo hmoov zoo, yog cov siab huv, vim lawv yuav pom Tswv Ntuj.
- 9 Cov tau t xo hmoov zoo, yog cov tsim kev thaj yeeb, vim Ntuj yuav hu lawv ua Tswv Ntuj cov me nyuam.
- 10 Cov tau t xo hmoov zoo, yog cov raug luag hiam vim t xo kev ncaj, Ntuj lub Ceeb Tsheej yog lawv tug.
- 11 Thaum luag thuam nej, hiam nej, thiab liam ntau yam phem rau nej vim kuv, mas nej t xo hmoov zoo.
- 12 Nej zoo siab thiab nej hom khaj mog, vim nej yuav tau txais koob haum loj nyob saum ntuj. Cov yaj saub ua nej ntej, kuj raug luag hiam zoo li ntawd thiab.

**Cov ntsev las lub ntiaj teb.**

**Qhov pom kev ci rau ntiaj teb.**

**5 : 13 - 16.**

- 13 "Nej yog cov ntsev las lub ntiaj teb. Tab sis yog ntsev tsuag lawm, yuav muab dab tsi ua kom ntsev rov qab daw tuaj ? Ntsev tsuag tsis zoo ua dab tsi, tsuas

kawg muab pov tseg nraum zoov rau neeg tsuj xwb.

- 14 "Nej yog lub teeb ci rau lub ntiaj teb. Ib lub nroog txhim rau saum ib lub ncov roob, yuav muab zais tsis tau. 15 Hos, luag kuj tsis taws teeb coj mus zais rau hauv qab txee, luag muab txawb saum tus ncej teeb, lub teeb ci rau tas cov neeg nyob hauv tsev pom kev. 16 Li ntawd, nej lub teeb yuav tsum ci nyob ntawm zeej tsoom xub ntiaj, kom lawv pom nej cov dej num zoo, ces lawv yuav cav txog nej Txiv nyob saum ntuj.

### **Qhia Txoj Cai kom thoob.**

**5 : 17 - 19.**

- 17 Nej txhab xav tias kuv tuaj rhuav T xo Cai thiab cov Yaj Saub : kuv tsis tuaj rhuav, kuv tuaj qhia ntxiv kom thoob.
- 18 Vim tias qhov kuv hais rau nej muaj tseeb : lub ntuj lub teb yuav dua, tab sis tsis muaj ib tug txwm ntawv, los ib lub cim ntawv me me hauv T xo Cai yuav ploj. Tas ib puas tsav yam nyob hauv T xo Cai yuav tsum tshwm sim tuaj tso.
- 19 Tus twg hla ib txog cai me, thiab nws qhia kom luag ua xws li nws, mas Ntuj yuav saib tus ntawd qis tshaj cov nyob hauv Ntuj lub Ceeb Tsheej. Hos tus ua raws T xo Cai tas huv si, thiab nws qhia kom luag ua xws li nws, Ntuj yuav saib nws yog tus loj nyob hauv Ntuj lub Ceeb Tsheej.

**Txoj kev ncaj tshiab zoo dua t xo qub.** **5 : 20 - 48.**

- 20 "Kuv hais rau nej : yog nej tsis ua siab ncaj dua cov Kws Ntawv Ntshiab thiab cov Fas Lis Xais, mas nej yuav mus tsis tau hauv Ntuj lub Ceeb Tsheej.

21 "Nej hnov cov lus qhia rau tej laus thaud tias : *Koj tsis txhob tua neeg.* Tus twg tua neeg, nws yuav raug luag txiav txim rau nws. 22 Hos kuv, mas kuv hais rau nej : Leej twg npau taws rau nws tus kwv, nws yuav raug txim ntawm tsev hais plaub. Yog nws hais rau nws tus kwv tias "Niag ruam !" mas nws yuav raug txim ntawm lub rooj txwj laus Xas Nes Nrees. Yog nws hais rau nws tus kwv tias : "Niag vwm", mas nws yuav raug txim nyob hauv dab phem cov hluav taws.

23 Thaum koj cev ib co txim rau saum lub thaj txi Ntuj, yog koj nco dheeiv tias koj tus kwv tau muaj lus rau koj lawm.

24 Mas koj cia li tso koj cov txim rau ntawm lub thaj txi Ntuj, koj mus nrog koj tus kwv hais kom haum tso, koj mam rov los cev koj cov txim.

25 Thaum koj nrog tus neeg ntxub koj tseem ua ke mus kev, koj kav tsij nrog nws hais kom haum, tsam nws coj koj mus kom rau tus txiav txim, ces tus txiav txim muab koj cob rau tub ceev xwm kom muab koj kaw hauv tsev loj faj. 26 Kuv hais tseeb rau koj, koj yuav tawm tsis tau hauv tsev loj faj, mus txog thaum koj rho nyiaj qab nas txog npib kawg nkaus los them.

27 Nej hnov tej lus qhia tias : *Koj yuav tsis txhob deev luag txij luag nkawm.* 28 Hos kuv, mas kuv hais rau nej : Leej twg ntsia ib tug poj niam vim ntshaw zes nws, tus ntawd twb deev tus poj niam ntawd hauv nruab siab lawm.

29 Yog koj sab qhov muag xis coj koj mus ua txhaum, mas kav tsij muab sab qhov muag ntawd kaus pov tseg deb koj : txhiaj khoov cia ib sab qhov muag puas zoo dua tas koj lub cev poob hauv dab phem teb. 30 Yog koj sab tes xis coj koj mus ua txhaum, kav tsij muab txiav pov tseg deb

koj : txhiaj khoov cia tu ib sab tes zoo dua tas koj lub cev poob hauv dab phem teb.

31 Tseem muaj tej lus qhia tias : *Leej twg nrauj nws poj niam, yuav tsum muab ib daim ntaww nrauj rau tus poj niam.* 32 Tab sis, kuv hais rau nej : Tus txiv neej twg nrauj nws poj niam, tus ntawd tso nws poj niam rau luag deev. Qhov no tsis yog hais txog tus poj niam uas mus 'nrog lwm tus txiv neej ua dev ua npua.'

Hos leej twg yuav ib tug poj nrauj, mas tus ntawd yog ib tug deev luag txij luag nkawm.

33 Nej tseem hnov cov lus qhia rau tej laus thaud tias :

*Koj tsis txhob twv ntuj, koj yuav ua raws li cov lus koj tau cog rau Huab Tais.*

34 Tab sis kuv hais rau nej, nej tsis txhob twv ntuj ib zaug li. Txhob muab lub ntuj los ua tim khawv, vim ntuj yog Tswv Ntuj lub theej kiab ; 35 txhob muab lub ntiaj teb los ua tim khawv, vim lub ntiaj teb yog Tswv Ntuj lub rooj tiag taw ; txhob muab Yes Lus Xas Les los ua tim khawv, vim yog tus Tuam Vaj lub Nroog. 36 Txhob muab koj lub taub hau los ua tim khawv, vim koj ua tsis tau kom ib txog plaub hau dawb tuaj los dub tuaj. 37 Nej yuav hais li no : Muaj, ces hais tias muaj ; tsis muaj, ces hais tias tsis muaj. Cov lus hais tshaj, yog tuaj ntawm tus Phem tuaj.

38 Nej hnov tej lus qhia tias : *Qhov muag pauj qhov muag, kaus hniav pauj kaus hniav.* 39 Hos kuv hais rau nej : nej tsis txhob nrog tus neeg phem sib cav. Yuav ua li no : leej twg ib ncuav pias rau koj sab plhu xis, tig sab plhu laug rau nws thiab. 40 Leej twg xav ua plaub rau koj kom tau koj lub tsho, mas koj muab koj lub tsho tshaj sab ntxiv rau nws thiab. 41 Leej twg thov koj xa nws mus ib ncuas

kev, mas koj nrog nws mus ob ncuas. 42 Leej twg thov koj, mas koj pub rau nws. Leej twg xav txais nyiaj ntawm koj, mas koj txhob tig nraub quam rau nws.

43 "Nej hnov tej lus qhia tias :

*Koj yuav nyiam tus nyob ze koj, koj yuav ntxub koj tus yeeb ncuab.* 44 Tab sis, kuv hais rau nej tias : nej yuav nyiam nej cov yeeb ncuab, nej yuav thov Ntuj rau cov tsim txom nej ; 45 nej thiaj yog nej Txiv nyob saum ntuj cov tub ; vim nej Txiv ua kom lub hnub tuaj ziab cov neeg phem thiab cov neeg zoo, nws ua kom nag los rau cov siab ncaj thiab cov siab nkhaus.

46 Yog nej nyiam cov neeg nyiam nej, mas nej yuav tau koob haum dab tsi ? Tab yog cov sau se, lawv kuj txawj nyiam li ntawd. 47 Yog nej tshwj zias nej cov lus foom zoo rau nej cov kww tij xwb, mas nej tau ua dab tsi zoo tshaj luag ? Tab yog cov neeg teev pej kum dab, los lawv kuj txawj ua li ntawd. 48 Hos nej, mas nej yuav ua neeg zoo tshaj, vim nej Txiv nyob saum ntuj yog tus zoo tshaj.

#### **Thaum pub rau luag txhob ua leej twg paub. 6 : 1 - 4.**

**6** Nej ceev faj, nej txhob ua ncaj nyob ntawm neeg xub ntiag xwb, kom luag qhuas nej. Yog nej ua li ntawd, mas nej yuav tsis txais koob haum ntawm nej Txiv nyob saum ntuj. 2 Thaum koj pub rau luag, koj txhob tshuab hom ua koj ntej. Cov neeg zoo sab nraud ua li ntawd nyob hauv cov tsev txoos thiab nyob ntawm tej kev, kom sawv daws cav lus zoo txog lawv. Kuv hais tseeb rau nej, lawv twb txais lawv cov koob haum tas lawm. 3 Hos koj, mas thaum koj pub rau luag, koj txhob cia koj sab tes laug paub

qhov uas sab tes xis ua. 4 Li ntawd, tsis muaj neeg paub tias koj tau pub. Ces koj Txiv uas nws pom hauv qhov chaw nraim yuav pauj rau koj.

#### **Teev Ntuj nyob hauv qhov chaw nraim. 6 : 5-6.**

5 "Thaum nej teev Ntuj, nej txhob ua li cov neeg zoo sab nraud : lawv nyiam sawv ntsug hauv cov tsev txoos, thiab ntawm tej kev tshuam, kom sawv daws pom lawv. Kuv hais tseeb rau nej, lawv twb txais lawv cov koob haum lawm. 6 Hos koj, mas thaum koj teev Ntuj, koj mus nyob twj ywm hauv koj kem txaj, kaw koj qhov rooj ces koj teev koj Txiv uas nws nyob hauv qhov chaw nraim. Koj Txiv uas nws pom hauv qhov chaw nraim, yuav pauj rau koj.

#### **Yes Xus qhia cov thwj tim teev Ntuj. Zaj "Peb Txiv." 6 : 7 - 15.**

7 Thaum nej teev Ntuj, nej txhob ntuas mus ntuas los zoo li cov neeg teev dab : cov neeg teev dab xav tias yog lawv hais lus ntau, mas dab yuav mloog lawv zoo dua. 8 Nej txhob ua zoo li lawv. Vim nej Txiv paub tias qhov twg yog qhov nej yuav tsum muaj, tab yog nej tseem tsis tau thov, nws twb xub paub lawm.

9 Nej yuav teev Ntuj zoo li no : "Peb Txiv nyob saum ntuj, koj lub Npe ntshiaib nto moo lug.

10 Koj lub Ceeb Tsheej los txo ~~Makoffais~~, Zaj 6 muaj raws li koj nyiam nyob ntiaj teb no li nyob saum ntuj.

11 Thov koj pub mov txaus peb noj hnub no.

12 Koj zam peb cov nuj nqis zoo li peb zam rau cov tshuav nqi ntawm peb.

13 Koj txhob tso peb raug kev ntxias. Thov koj npo peb dim ntawm kev phem."

14 "Yog nej zam rau cov neeg ua txhaum rau nej, mas nej Txiv nyob saum ntuj kuj yuav zam rau nej thiab. 15 Hos yog nej tsis zam txhaum rau luag, mas nej Txiv kuj yuav tsis zam rau nej.

**Thaum yoo tshaib, txhob ua luag paub. 6 : 16-18.**

16 Thaum nej yoo mov, nej txhob ua ntsej muag ntshaus xws li cov neeg zoo sab nraud : lawv ua ntsej muag mluas mluas, kom luag pom meej tias lawv yoo mov. Kuv hais tseeb rau nej tias cov neeg ntawd twb txais lawv cov koob haum tas lawm. 17 Hos koj, mas thaum koj yoo mov, koj yuav pleev tshuaj tsw qab saum taub hau, koj ntxuav muag, 18 kom txhob muaj neeg paub tias koj yoo mov, tsuas kawg koj Txiv uas nws nyob hauv qhov chaw nraim tib leeg paub xwb. Koj Txiv pom hauv qhov chaw nraim yuav pauj rau koj.

**Lub tseem cuab tam. 6 : 19 - 21.**

19 "Nej txhob sau tej txhab cuab tam nyob ntiaj teb no, vim muaj kab rws kab lia t xo, thiab muaj tub sab tho qhov tsev tuaj nyiag. 20 Nej yuav sau tej txhab cuab tam nyob saum ntuj : nyob saud, tsis muaj kab rws kab lia t xo, tsis muaj tub sab tho qhov tsev tuaj nyiag. 21 Vim tias, koj txhab cuab tam nyob qhov twg, koj lub siab kuj yuav nyob qhov ntawd.

**Qhov muag yog lub teeb kaj lub cev. 6 : 22 - 23.**

22 "Lub teeb ua kom lub cev pom kev yog lub qhov muag. Yog koj lub qhov

muag huv, mas tas koj lub cev pom kev nrig. 23 Tab sis yog koj lub qhov muag muaj mob, mas tas koj lub cev nyob tsaus ntuj nti. Yog qhov pom kev uas nyob hauv koj twb tsaus nti, mas yuav tsaus heev. Ces qhov tsaus ntuj nyob txawm hauv koj.

**Tswv Ntuj thiab nyiaj txiag.**

**6 : 24 - 34.**

24 "Tsis muaj leej twg tsob hwb ob tug tswv tau : nws yuav ntxub ib tug, nyiam lwm tus, nws yuav npuab ib tug, thuam lwm tus. Nej ib txhij tsob hwb Tswv Ntuj thiab nyiaj txiag tsis tau.

**Tso siab rau Ntuj. 6 : 25 - 34.**

25 Yog vim li ntawd, kuv thiaj hais rau nej tias : Nej txhob txhawj txog nej t xo sia tias yuav muab dab tsi los noj, txhob txhawj txog nej lub cev tias yuav muab dab tsi los hnav. Nej t xo sia tsis muaj nqi dua txhiam xws noj lod ? Nej lub cev tsis muaj nqi dua tej tsoos hnav lod ? 26 Nej ntsia cov noog saum ntuj saib : lawv tsis tseb nplej, tsis hlais nplej, tsis sau qoob rau hauv txhab, nej Txiv nyob saum ntuj pub rau lawv noj. Nej tsis muaj nqi dua cov noog ntawd lod ?

27 Nej leej twg txhawj txhawj, nws puas rub tau t xo sia kom ntev ib tshim ntxiv ?

28 Hais txog tej tsoos tsho, nej yuav txhawj dab tsi ? Nej ntsia cov paj ntoos nyob tom tej nras saib, lawv cia li hlob xwb ! Lawv tsis khwv, tsis ua maj ua ntuag. 29 Kuv hais rau nej, tab yog Xas Los Moos, thaum nws muaj koob meej nto moo lug, tsis kav nws tsis tau hnav zoo npaum li ib lub paj ntoos. 30 Tej nroj nruab nrag, hnub no ciaj, tag kis luag twb yuav muab pov hlawv hauv qhov txos, tsis

kav Tswv Ntuj tseem muab zam zoo rau lawv hnav. Neeg ntseeg tsis ti txha, Tswv Ntuj tseem yuav tsis ua zoo tshaj rau nej lod ? 31 Nej txhob ua siab fab tias : 'Peb yuav muab dab tsi los noj ? Yuav muab dab tsi los haus ? Yuav muab dab tsi los hnav ? 32 Tej ntawd, yog tas puas tsav yam uas cov neeg teev pej kum dab nrhiav. Hos nej Txiv nyob saum ntuj paub tias nej yuav tsum muaj tej ntawd huv si.

33 Nej xub nrhiav nej Txiv lub Ceeb Tsheej thiab nws txoj kev ncaj tso, ces Ntuj yuav pub tas puav tsav yam ntawd tib si ntxiv rau nej. 34 Nej txhob ua siab fab txog tag kis : tag kis mam li txhawj rau tag kis. Vim niaj hnub twb muaj kev iab kev khvw txaus ris thawm hnub lawm.

### **Txhob txiav txim. 7 : 1 - 5.**

17 Nej txhob txiav txim, Ntuj thiaj yuav tsis txiav txim rau nej ; 2 vim tias, nej txiav txim li cas rau luag, Ntuj yuav txiav txim ib yam li ntawd rau nej. Nej luj li cas rau luag, Ntuj kuj yuav luj li ntawd rau nej.

3 Ua cas koj ntsia tus quav nplej nyob hauv koj tus kwv qhov muag ? Tab sis tus nqaj tse nyob hauv koj qhov muag, koj ho tsis pom ! 4 Koj tseem hais rau koj tus kwv tias : "Cia kuv rho tus quav nplej hauv koj qhov muag pov tseg," tab sis ib tug nqaj twb nyob hauv koj qhov muag ! 5 Neeg zoo sab nraud, koj xub rho tus nqaj hauv koj qhov muag tso, koj thiaj li pom kev rho tus quav nplej hauv koj tus kwv qhov muag.

### **Txuag tej yam ntshiab. 7 : 6.**

6 "Nej txhob muab tej yam ntshiab pub

dev noj, nej txhob muab nej cov hlaws npliag deg tso ze ntawm npua xub ntiag, tsam npua tsuj ces npua tig rov los dua nej.

### **Thov, yuav tau txais. 7 : 7 - 11.**

7 "Nej thov, ces nej yuav tau txais, nej nrhiav, ces nej yuav ntsib, nej khob qhov rooj, ces luag yuav qhib rau nej. 8 Vim tias leej twg thov, nws yuav tau txais ; leej twg nrhiav, nws yuav ntsib ; leej twg khob qhov rooj, mas yuav muaj tus qhib qhov rooj rau nws.

9 Nej leej twg tus tub taij mov, nej puas yuav muab ib lub pob zeb rau nws noj ?

10 Yog nej tus tub taij ib tug ntses, nej puas yuav muab ib tug nab rau nws ?

11 Txawm tias nej yog neeg phem, tsis kav nej txawj pub tej yam zoo rau nej cov me nyuam. Li ntawd nej Txiv nyob saum ntuj haj yam txawj pub qhov zoo tshaj rau cov neeg thov nws.

### **Txoj Cai loj tshaj cov. 7 : 12.**

12 "Tas ib puas tsav yam uas nej xav kom luag ua rau nej, mas nej yuav xub ua rau luag tso : Txoj Cai thiab cov Yaj Saub chia li ntawd.

### **Ob txog kev. 7 : 13 - 14.**

13 "Nej mus hauv lub qhov **Maoj Taisim Zaj** 7 thiab 8 mog. Txoj kev coj neeg mus rau qhov

tuag yog txoj kev loj kev dav, muaj coob leej taug txoj kev ntawd. 14 Hos txoj kev coj neeg mus rau txoj sia, yog txoj kev nqaim kev ti. Muaj tsawg leej nrhiav tau txoj kev ntawd taug."

### **Cov yaj saub cuav. 7 : 15 - 20.**

15 "Nej ceev faj txog cov yaj saub cuav, lawv txia ua ib co yaj tuaj cuag nej, tab sis nyob sab hauv, lawv yog ib co hma nrhiav ncauj. 16 Nej ntsia lub txiv lawv txi, nej yuav paub lawv. Luag puas de txiv cawv saum ib tsob pos ? Thiab luag puas de txiv ncuav pias saum ib tsob nrhab ? 17 Li ntawd, tus ntoo zoo, txi ib co txiv zoo, hos tus ntoo lwj, txi ib co txiv phen. 18 Tsob ntoo zoo, txi tsis tau txiv phen. Hos tsob ntoo lwj, txi tsis tau txiv zoo. 19 Tsob ntoo twg tsis txi txiv zoo, luag muab ntov mus hlawv. 20 Li ntawd, thaum nej pom lawv cov txiv, ces nej paub lawv."

### **Cov tseem thwj tim. 7 : 21 - 27.**

21 "Tsis yog cov uas hu kuv ua : "Huab Tais, Huab Tais," yuav tau mus hauv Ntuj lub Ceeb Tsheej. Yog cov ua raws li kuv Txiv nyob saum ntuj lub siab nyiam.  
 22 Hnub ntawd, yuav muaj coob leej hais rau kuv tias : "Huab Tais, Huab Tais, thaud, tsis yog peb tuav koj lub npe ua yaj saub lod ? Tsis yog peb tuav koj lub npe ntiaab dab lod ? Peb ua hwj huam yees ntxwv ntau zaus, tsis yog peb tuav koj lub npe los ua lod ?" 23 Ces kuv yuav ncaj qha teb rau lawv tias :  
 "Kuv tsis paub nej ! Nej cov tau ua phen, nej txav mus deb kuv."  
 24 Leej twg mloog cov lus uas kuv nyuam qhuav hais, thiab nws ua raws li cov lus no, mas tus neeg ntawd piv tau rau ib tug neeg xyuam xim uas nws txhim tsev rau saum tsua. 25 Thaum los nag hlob, dej sab siv huam, cua tshuab ntsawj lub tsev, tab sis tsev tsis vau, vim lub tsev cog rau saum tsua.

26 Hos leej twg hnov cov lus kuv nyuam qhuav hais, tab sis nws tsis ua raws li cov lus ntawd, tus neeg ntawd piv tau rau ib tug neeg ruam txhim tsev rau saum tej av suab puam. 27 Thaum los nag hlob, dej sab siv huam, cua tshuab ntsawj lub tsev, ces lub tsev vau. Nws raug xwv txheej loj."

### **Tsoom sid qhuas Yes Xus cov lus qhia. 7 : 28 - 29.**

28 Thaum Yes Xus hais cov lus ntawd tas, tsoom sid qhuas nws cov lus qhia. 29 Vim nws qhia lawv zoo li neeg muaj peev xwm, tsis zoo li lawv cov Kws Ntawv Ntshiab.

### **Kho ib tug neeg mob ruas zoo. 8 : 1 - 4.**

**8** 1 Thaum Yes Xus nqes saum roob los, ib pab neeg coob pib raws nws.  
 2 Ces ib tug neeg mob ruas txav los ze, nws pe ntawm Yes Xus xub ntiag, nws hais tias :  
 "Huab Tais, yog koj xav, mas koj ua tau kom kuv rov huv tuaj."  
 3 Yes Xus cev tes kov tus mob ruas, nws hais tias :  
 "Kuv xav kom koj lub cev rov huv tuaj."  
 Nws tus mob ruas zoo hlo tam sis ntawd.  
 4 Yes Xus hais rau nws tias :  
 "Koj tsis txhab qhia qhov ntawd **Musle Tais, Zaj 8** twg. Koj mus thws koj lub cev rau leej choj saib, thiab koj mus cev paj tshab raws li Mais Xes qhia : ua puav pheej rau lawv."

### **Kho ib tug xab txheeb tus me nyuam zoo. 8 : 5-13.**

5 Thaum Yes Xus mus hauv Kas Fas Naus, ib tug xab txheeb txav los ze Yes Xus, nws thov tias :

6 "Huab Tais, kuv tus tub txib pw tom tsev, nws tes taw tuag tas. Nws mob heev kawg."

7 Yes Xus teb tias :

"Kuv yuav mus kho nws."

8 Tus xab txheeb hais ntxiv tias : "Huab Tais, kuv tsis tsim nyog koj chaws los hauv kuv tsev, tsuav yog koj hais ib los lus xwb ces kuv tus tub txib yuav zoo hlo.

9 Txawm tias kuv yog ib tug neeg zwm rau luag tej, kuv kuj muaj ib co tub rog zwm rau kuv thiab. Yog kuv hais rau ib tug tias : 'Koj mus !' nws cia li mus, kuv

ho hais rau lwm tus tias : 'Koj los,' nws kuj cia li los. Kuv hais rau kuv tus tub txib tias : 'Koj ua qhov no !' nws cia li ua." 10 Yes Xus hnov nws hais li ntawd, Yes Xus qhuas. Yes Xus hais rau cov neeg raws nws tias :

"Kuv hais tseeb rau nej, kuv tsis tau pom ib tug neeg ntseeg npaum li ntawd hauv cov His Xas Lais.

11 Kuv hais rau nej, yuav muaj neeg coob tuaj Toob Fab thiab Xib Fab tuaj nrog Has Nplas Has, nrog His Xas Has thiab Yas Kos noj rooj qav hauv Ntuj lub Ceeb Tsheej. 12 Hos Ntuj yuav muab cov tub hauv Ceeb Tsheej rho mus pov rau hauv qhov tsaus ntuj nraum zoov : nyob nraud, sawv daws yuav quaj tom hniav nkaww. 13 Yes Xus hais rau tus xab txheeb tias :

"Koj rov mus ! Xav kom koj tau raws li koj lub siab ntseeg !" Ces tam sis ntawd, tus tub txib zoo hlo.

**Yes Xus kho Pob Zeb niam tais zoo. 8 : 14 - 15.**

14 Yes Xus tuaj hauv Pob Zeb tsev. Nws pom Pob Zeb niam tais pw saum txaj, mob kub cev. 15 Yes Xus tuav nws txhais tes, tus mob kub cev thim hlo. Ces Pob Zeb niam tais sawy, nws tsob hwb Yes Xus.

**Yes Xus kho ntau hom mob zoo.**

**8 : 16 - 17.**

16 Yav tsaus ntuj, luag coj ib co neeg raug dab coob leej tuaj cuag Yes Xus. Yes Xus hais ib lo lus ntiab cov dab ntawd, nws kho cov neeg mob zoo tas huv si. 17 Ua li mas muaj raws li Yaj Saub His Xais lo lus tias :

*Nws tshem peb tej kev ceg tawv, nws cug nraub qaum ris peb tej kev mob kev ntsaj.*

**Txoj kev tshaj Ntuj Ius tsis yooj yim. 8 : 18 - 22.**

18 Yes Xus pom neeg coob tuaj ntsauv nws, nws kom lawv mus lawm sab ntug dej tim ub. 19 Ces muaj ib tug Kws Ntawv Ntshiab txav los hais rau nws tias : "Xib Hwb, txawm koj mus qhov twg, los kuv yuav raws koj mus."

20 Yes Xus hais rau nws tias :

"Hma muaj hma lub qhov nkaum, cov noog saum ntuj, lawv kuj muaj lawv lub zes, hos Neeg Leej Tub tsis muaj chaw rau ncoo."

**Mas Tais, Zaj 8 thiab 9**

21 Nyob hauv cov thwj tim, muaj ib tug hais rau Yes Xus tias :

"Huab Tais, thov koj cia kuv mus faus kuv txiv tso."

22 Tab sis Yes Xus hais rau nws tias : "Koj raws kuv mus, koj cia cov tuag mam li faus lawv cov tuag."

## **Cua daj cua dub rov tus yees.**

**8 : 23 - 27.**

23 Yes Xus nce mus hauv nkoj, cov thwj tim lawv nws qab nce mus hauv thiab.  
24 Ces dej sawv npbau tej niag twv hauv dej ntuj tuaj. Cov nplaim dej npbau tuaj npog nkaus lub nkoj. Hos Yes Xus tsaug zog lawm.

25 Cov thwj tim los ze Yes Xus, lawv tsa nws tias :

"Huab Tais, koj cawm peb, peb yuav tuag !"

26 Yes Xus hais rau lawv tias :

"Vim li cas nej ntshai, ua cas nej ntseeg me ua luaj ?"

Ces Yes Xus sawv ntsug, nws txvv cua thiab dej ntuj. Dej cia li rov tus yees. 27 Cov neeg ntawd nyob hab nuv cia ; lawv sib hais zom zaws tias : "Tus ntawd yog leej twg ? Tab yog cua thiab dej ntuj los yeej mloog nws lus !"

## **Cov neeg raug dab nyob**

**Nkas Das Las. 8 : 28 - 34.**

28 Thaum Yes Xus tuaj txog sab ntug dej tim ub, txog rau Nkas Das Las teb chaws, muaj ob tug neeg raug dab tawm hauv cov ntxa tuaj cuag Yes Xus. Nkawd tsiv tsaim kawg, tsis muaj leeg twg muaj cuab kav taug txoj kev ntawd li.

29 Ob tug ntawd qw nrov nrov tias : "Tswv Ntuj Leej Tub, koj xav ua dab tsiv rau wb ? Tsis tau txog lub caij, koj txawm siv tuaj tsim txom wb lod ?"

30 Nyob tsis deb ntawd, muaj ib pab npua coob tab tom noj zaub. 31 Cov dab thov Yes Xus tias :

"Yog koj ntiab peb tawm, thov koj cia peb mus nyob hauv pab npua tod."

32 Yes Xus teb tias :

"Kav tsij mus."

Cov dab tawm plaws nkag mus nyob hauv cov npua, ces tas pab npua dhia puag saum tsag rau hauv dej ntuj. Pab npua tuag tas rau hauv dej. 33 Cov tub zov npua tso tes khiau mus hauv nroog, lawv mus piav tej xwm tshwm sim rau ob tug neeg raug dab ntawd huv tib si.

34 Ces tas lub nroog tawm tuaj cuag Yes Xus. Thaum lawv pom nws, lawv thov kom nws tawm hauv lub teb chaws mus.

## **Yes Xus kho ib tug tuag ceg.**

**9 : 1 - 8.**

**9** 1 Yes Xus nce mus hauv nkoj, nws hla dej rov los txog nws lub nroog.  
2 Thaum ntawd, luag nqa ib tug tuag ceg pw saum ib lub txaj tuaj rau Yes Xus. Yes Xus pom lawv ntseeg, nws hais rau tus tuag ceg tias : "Me tub, koj tso siab mog ! Koj cov txhaum daws tas lawm."

3 Thaum ntawd, muaj ob peb tug Kws Ntawv Ntshiab xav twj ywm hauv nruab siab tias : 'Tus neeg ntawd thuam Ntuj.'  
4 Tab sis Yes Xus paub qhov lawv xav, nws hais tias :

"Vim li cas nej xav tej yam phem rau nruab siab ? 5 Lo lus twg hais yooj yim dua, puas yog lo tias : 'Koj cov txhaum daws tas lawm,' los yog lo tias 'koj sawv mus kev ?' 6 Nej yuav paub tias Neeg Leej Tub muaj lub hwj huam Mas Tais, Zaj 9 txhaum tau nyob ntiaj teb no."

Yes Xus hais ntxiv rau tus tuag ceg tias : "Nqa koj lub txaj, koj rov mus tsev".

7 Ces tus tuag ceg sawv, thiab nws rov mus tsev. 8 Tsoom sid pom li ntawd, sawv daws ntshai. Lawv cav txog Tswv Ntuj vim nws pub lub hwj huam loj npaum li no rau neeg.

### **Yes Xus hu Mas Tais. 9 : 9.**

9 Yes Xus tawm mus nraum zoov. Thaum nws tab tom mus kev, nws pom ib tug neeg zaum ntawm lub rooj sau se. Tus ntawd hu ua Mas Tais. Yes Xus hais rau nws tias :  
 "Koj raws kuv mus !"  
 Ces tus neeg ntawd sawv tsees raws Yes Xus mus.

### **Yes Xus nrog cov neeg txhaum noj mov. 9 : 10 - 13.**

10 Thaum Yes Xus zaum noj mov hauv (Mas Tais) tsev, muaj ib co neeg sau se thiab ib co neeg txhaum coob tuaj nrog Yes Xus thiab cov thwj tim noj mov.  
 11 Cov Fas Lis Xais pom li ntawd, ces lawv hais rau cov thwj tim tias :  
 "Vim li cas nej tus Xib Hwb nrog cov sau se thiab cov neeg txhaum noj mov ?"  
 12 Tab sis Yes Xus twb hnov qhov lawv hais, nws thiaj teb tias :  
 "Tsis yog cov neeg noj qab nyob zoo yuav vam txog kws kho mob, tsuas yog cov neeg mob thiaj vam txog.  
 13 Nej yuav kawm lo lus no lub ntsiab cia : 'Qhov kuv xav yuav yog txoj kev khuv leej, tsis yog thaj txi Ntuj.'  
 Vim kuv tsis tuaj hu cov neeg ncaj, kuv tuaj hu cov neeg txhaum."

### **Nug txog kev yoo mov.**

#### **9 : 14 - 17.**

14 Zam cov thwj tim tuaj cuag Yes Xus, lawv hais tias :  
 "Peb yoo mov, cov Fas Lis Xais kuj yoo.  
 Vim li cas koj cov thwj tim tsis yoo ?"  
 15 Yes Xus teb tias :  
 "Thaum nraug vauv tseem nrog nws cov

phooj ywg nyob, mas lawv puas ntoo xyom ? Hos muaj ib hnub, luag coj nraug vauv lawm, mas lawv yuav yoo mov.

16 Tsis muaj leej twg ntxiv ib daim ntaub tshiab rau ib lub qub tsho. Vim daim ntaub ntxiv ntawd yuav rub lub qub tsho, ces haj yam ntuag loj. 17 Luag kuj tsis xuas hnab tawv qub los ntim cawv tshiab ; vim cov hnab tawv qub yuav tawg, ces cawv yuav nchuav tas, cov hnab kuj yuav puas tas. Luag thiaj muab cawv tshiab ntim hauv hnab tshiab, cov hnab thiab cov cawv thiaj yuav kav ntev."

### **Kho ib tug tsob ntshav.**

### **Tsa ib tug nom tus ntxhais ciaj rov los. 9 : 18 - 26.**

18 Yes Xus tseem tab tom hais lus rau lawv, muaj ib tug nom tuaj txog, nws txhos caug ntua ntawm Yes Xus, nws thov tias :  
 "Kuv tus ntxhais txoj sia nyuam qhuav tu. Thov koj tuaj tsa tes rau saum nws, ces nws yuav rov muaj txoj sia."

19 Yes Xus sawv, cov thwj tim nrog Yes Xus lawv tus nom qab mus. **Mas Tais, Zaj 9**  
 20 Muaj ib tug poj niam tsob ntshav tau kaum ob xyoos lawm, nws txav los ze ntawm Yes Xus nraub quam, nws kov Yes Xus lub tw tsho. 21 Vim nws xav hauv siab tias : 'Tsuav yog kuv kov tau nws lub tsho xwb, mas kuv yuav dim**Mas Tais, Zaj 9** thiab 10 Xus tig ntsia, nws pom tus poj niam, ces nws hais rau tus poj niam tias :  
 "Phauj, koj tso siab mog ! Koj lub siab ntseeg cawm koj lawm."

Tus poj niam cia li dim plaws ntawm tus mob txij ntawd los.  
 23 Yes Xus tuaj txog tus nom lub tsev, nws pom cov txiv raj thiab pom neeg coob ua ntxhov hnyo. Yes Xus hais tias :

24 "Nej tawm mus. Tus me ntxhais tsis tuag, nws tsaug zog xwb."

Sawv daws luag Yes Xus. 25 Thaum cov neeg tawm nraum zoov tas, Yes Xus chaws mus hauv, nws tuav tus ntxhais

txhais tes, ces tus ntxhais sawv los. 26 Lub moo ntawd nto mus thoob thaj tsam ntawd.

### **Kho ob tug neeg dig muag.**

**9 : 27 - 31.**

27 Thaum Yes Xus tawm ntawm qhov chaw ntawd mus, muaj ob tug neeg dig muag raws nws qab. Nkawd qw qw hais tias :

"Das Vis Leej Tub, thov koj khuv leej wb."

28 Thaum Yes Xus los txog hauv tsev, ob tug dig muag los ze Yes Xus, ces Yes Xus hais rau nkawd tias : "Neb puas ntseeg tias kuv ua tau qhov ntawd ?"

Nkawd teb tias :

"Huab Tais, wb ntseeg."

29 Ces Yes Xus kov nkawd qhov muag, nws hais tias :

"Xav kom muaj rau neb raws li neb ntseeg."

30 Ces nkawd qhov muag qhib los. Yes Xus txwv nkawd nruj nruj tias :

"Neb ceev faj ! Kom txhob muaj neeg paub !"

31 Tab sis, thaum nkawd tawm mus lawm, nkawd tshaj rau ib cheeb tsam ntawd paub tas huv si.

### **Kho ib tug raug dab nplaig txhav.**

**9 : 32 - 34.**

32 Yes Xus lawv tawm mus, luag txawm coj ib tug neeg raug dab nplaig txhav tuaj cuag Yes Xus. 33 Yes Xus ntiab tus dab, ces tus neeg nplaig txhav cia li hais lus

tau. Tas tsoom sid qhuas kawg, lawv hais tias :

"Tsis tau muaj dua tej yam zoo li ntawd tshwm sim hauv haiv His Xas Lais ib zaug li."

34 Tab sis cov Fas Lis Xais hais tias : "Nws hu tus Tuam Thawj dab tuaj ntiab dab."

### **Tsoom pej xeem zoo li tej qoob uas tsis muaj neeg sau.**

**9 : 35 - 37.**

35 Yes Xus mus ncig txhua cov nroog thiab cov zos huv si, nws qhia sawv daws nyob hauv cov tsev txoos, nws tshaj lub Moo Zoo txog Ntuj lub Ceeb Tsheej, nws tseem kho sawv daws tej txiab xeeb thiab tej mob nkeeg tas huv si. 36 Yes Xus pom tsoom pej xeem, nws hlub lawv, vim lawv sawv daws sab thiab qaug zog zoo li ib co yaj tsis muaj tsw zov. 37 Yes Xus thiaj hais rau nws cov thwj tim tias :

"Qoob loo ntau kawg, tab sis cov tub zog tsawg. 38 Nej thov tus Tswv qoob kom nws xa ib co tub zog tuaj sau nws cov qoob."

### **Kaum ob leeg thwj tim mus tshaj Ntuj lus. 10 : 1 - 16.**

**10** 1 Yes Xus hu nws kaum ob leeg thwj tim los cuag nws. NwMaualDais, Zaj 10  
hwj huam kom lawv ntiab tau dab tawm, thiab kho tau tej txiab xeeb thiab tej mob nkeeg kom thim.

2 Kaum ob leeg Hauv Paus Xa Lus muaj npe li no :

3 thawj tug, yog Xis Moos uas sawv daws hu nws ua Pob Zeb,  
As Nres, Xis Moos tus kwv,  
Yas Kos, yog Ntxes Npes Dais tus tub,

Zam, Yas Kos tus kww,  
Fis Lis Pos,  
thiab Npas Tos Los Mas Yos,  
Tos Mas,  
thiab Mas Tais, tus sau se.  
Yas Kos, uas yog As Fas Yos tub,  
Thas Dais Yos,  
4 Xis Moos, tus Ntxes Los,  
Yus Das Kas Lis Yaus, tus muab Yes Xus  
muag rau luag.

5 Yes Xus xa kaum ob leeg no mus tshaj  
lub Moo Zoo, nws qhia lawv tias :  
“Nej tsis txhob mus cuag cov neeg teev  
dab, txhob mus hauv ib lub nroog Xas  
Mas Lias li. 6 Nej xub mus cuag cov yaj  
ploj hauv haiv His Xas Lais. 7 Thaum  
nej mus kev, nej ceeb toom tias Ntuj lub  
Ceeb Tsheej tuaj txog ze lawm. 8 Nej  
kho cov mob kom zoo, nej tsa cov tuag  
kom ciaj rov los, nej kho cov mob ruas  
kom huv, nej ntiab dab kom khiav. Nej  
tau txais dawb, nej rov pub dawb. 9 Nej  
txhob muab kub, muab nyiaj, los muab  
xim nyiaj qhwv rau hauv duav siv.  
10 Txhob ris hnab taug kev, txhob nqa ob  
lub tsho, txhob nqa khau los nrig pas : vim  
tias tus tub zog tsim nyog txais nws pluas  
mov los noj.”

11 “Nej mus hauv lub nroog los lub zos  
twg, nej nug kom tau ib tug neeg muaj  
meej mom, nej nyob hauv nws tsev mus  
txog hnub nej rov qab. 12 Thaum nej  
chaws mus hauv luag tsev, nej foom kev  
kaj lug rau lub tsev ntawd. 13 Yog lub  
tsev ntawd tsim nyog txais, mas nej txoj  
kev kaj lug yuav nqes los nyob hauv lawv.  
Yog lub tsev ntawd tsis tsim nyog txais,  
ces nej txoj kev kaj lug yuav rov los roos  
nej.

14 Leej twg tsis txais nej, thiab tsis mloog  
nej cov lus, nej cia li tawm hauv lub tsev  
ntawd los lub nroog ntawd mus. Nej yuav

nchos cov plua av lo nej ko taw pov tseg.  
15 Kuv hais tseeb rau nej : Hnub Txiat  
Txim, teb chaws Xos Dos Mas thiab Nkos  
Mos Las yuav raug txim hnyav tsis cuag  
li lub nroog uas tsis txais nej.  
16 Kuv xa nej xws li ib co yaj mus nyob  
hauv nruab nrab ib co hma. Mas nej ua  
neeg xyuam xim xws li nab, ua siab dawb  
xws li nquab.”

**Cov tshaj ntuj lus raug luag hiam.  
10 : 17 - 25.**

17 Nej ceev faj txog neeg : lawv yuav  
mus kom nej rau cov rooj txwj laus txiat  
txim, lawv yuav nplawm nej hauv cov tsev  
txoos. 18 Luag yuav coj nej mus rau cov  
nom thiab cov vaj vim kuv, kom nej ua  
tim khawv txog kuv nyob ntawm cov nom  
tswv thiab cov teev pej kum dab xub  
ntiag. 19 Thaum luag ntes nej, mas nej  
tsis txhob txhawj tias yuav hais li cas  
thiab yuav teb dab tsi. Lub sij hawm  
ntawd, Ntuj yuav muab cov lus teb rau  
nej. 20 Li ntawd, yuav tsis yog nej hais  
lus, yog nej Txiv tus Ntsuj Plig yuav hais  
tawm hauv nej los.

21 "Tus tij yuav muab tus kww muag rau  
luag tua, leej txiv yuav mus kom nws tus  
me nyuam rau luag. Tej me nyuam yuav  
sawv tiv niam thiab txiv, thiab yuav muab  
nkawd tua. 22 Sawv daws yuav  
nej vim kuv lub npe. Tab sis, tus twg ua  
siab ntev nyiaj txog qhov kawg, mas nws  
yuav txais kev cawm.

23 "Yog luag caum nej hauv lub nroog  
no, mas nej khiav mus rau lwm lub. Yog  
luag tseem caum nej hauv lub nroog  
ntawd thiab, nej yuav khiav ntxiv rau lwm  
lub nroog. Kuv hais tseeb rau nej, thaum  
Neeg Leej Tub los txog, nej tseem khiav  
tsis tau txhua cov nroog hauv His Xas

**Mañ Pais, Zaj 10**

Lais teb.

24 "Tus thwj tim tsis loj dua nws tus xib hwb, tus tub txib tsis loj dua nws tus tswv. 25 Tus thwj tim txaus siab heev thaum nws zoo cuag li nws tus xib hwb. Tus tub txib txaus siab heev thaum nws zoo cuag li nws tus tswv. Yog lawv hu tus tswv tsev ua Npes Ntxes Npus, mas lawv yuav hu nws tsev neeg li cas !

### **Txhob ntshai, tab meeg hais.**

**10 : 26 - 33.**

26 "Nej txhob ntshai luag hem ! Vim tsis muaj ib yam npog rawv uas yuav tsis qhib tawm, tsis muaj ib yam zais ntshis uas yuav tsis tawm los rau sawv daws paub. 27 Tej yam uas kuv hais rau nej hauv qhov tsaus ntuj, nej yuav hais tawm nruab hnub nrig. Hos yam nej hnov ntxhi rau hauv nej pob ntseg, mas nej yuav nce mus tshaj saum ruv tsev.

28 "Nej txhob ntshai cov neeg tua nej lub cev, tab sis lawv tua tsis tau nej tus plig. Nej yuav ntshai tus muaj peev xwm rhuav nej lub cev thiab tus plig hauv hav hluav taws.

29 Ob tug noog tsig txhuv, luag tsuas muag tau ib npib xwb. Tsis kav, tsis muaj ib tug poob hauv av tau, yog nej Txiv tsis tso lus. 30 Nej kuj ib yam li ntawd, tab yog nej cov plaub hau, nej Txiv yeej suav tas huv si lawm. 31 Nej tsis txhob ntshai dab tsi mog, nej muaj nqis tshaj tej pab tsig txhuv coob coob ua ke.

32 "Leej twg lees rau sawv daws tias nws paub kuv, mas kuv kuj lees rau kuv Txiv nyob saum Ntuj tias kuv paub nws. 33 Hos tus tsis lees rau sawv daws tias nws paub kuv, kuv kuj yuav tsis lees rau kuv Txiv nyob saum ntuj tias kuv paub nws.

### **Yes Xus ua chaw sib cav.**

**10 : 34 - 35.**

34 "Nej txhob xav tias kuv coj kev thaj yeeb tuaj rau lub ntiaj teb. Kuv tsis coj kev thaj yeeb tuaj, kuv coj hniav ntaj hniav riam tuaj. 35 Kuv tuaj ua kom tub sawv los tiv txiv, ntxhais sawv los tiv niam, nyab sawv los tiv poj.

36 Ua li mas yus cov yeeb ncuab yog cov neeg nyob hauv yus tsev.

### **Tso ib puas tsav yam tseg, los raws Yes Xus. 10 : 37 - 39.**

37 "Tus nyiam nws niam nws txiv dua kuv, nws tsis tsim nyog nrog kuv. Tus nyiam nws tej tub tej ntxhais dua kuv, mas nws tsis tsim nyog nrog kuv.

38 Tus tsis kwv nws tus ntoo cuam thiab tsis raws kuv qab, mas nws tsis tsim nyog nrog kuv. 39 Tus nrhiav nws txoj sia, nws ua nws txoj sia ploj, hos tus ua nws txoj sia ploj vim kuv, mas nws nrhiav tau nws txoj sia lawm.

### **Xaus lus qhuab qhia.**

**10 : 40 - 42.**

40 "Tus txais nej, mas yog nws txais, Zaj 10 thiab 11 kuv. Tus txais kuv, mas yog nws txais Tus xa kuv tuaj. 41 Tus txais ib tug yaj saub, vim tus ntawd yog yaj saub, nws yuav txais koob haum phim tus yaj saub. Tus txais ib tug neeg ncaj, vim tus ntawd yog neeg ncaj, mas nws yuav txais koob haum phim tus neeg ncaj.

42 "Kuv hais tseeb rau nej, leej twg pub dej rau ib tug neeg me me no haus, vim tus no yog ib tug thwj tim, tab yog ib khob dej txiag xwb, tsis kav, nws yuav tau txais koob haum."

**Zam Ntxuav Plig xa neeg mus nug  
Yes Xus. 11 : 1 - 15.**

1 Thaum Yes Xus qhia nws kaum ob leeg thwj tim tas lawd, nws tso qhov chaw ntawd tseg, nws mus qhia thiab nthuav lub Moo Zoo rau hauv lawv cov nroog.

2 Thaum ntawd, Zam nyob hauv tsev loj faj, nws hnov hais txog Leej Pleev cov hauj lwm. Zam xa nws ib co thwj tim tuaj nug Yes Xus tias :

3 "Koj puas yog tus yuav tuaj ? Los peb tseem yuav tos dua lwm tus ?"

4 Yes Xus teb rau lawv tias :

"Nej rov mus qhia qhov nej hnov thiab qhov nej pom rau Zam : 5 cov dig muag rov pom kev, cov ceg tawv mus taus kev, cov mob ruas rov huv lawm, cov lag ntseg hnov lus, cov tuag sawv rov los, cov pluag tau hnov lub Moo Zoo lawm. 6 Tus uas nws tsis ntog vim kuv, mas nws txoj hmoov zoo."

7 Thaum Zam cov thwj tim rov mus lawm, Yes Xus hais txog Zam rau cov pab neeg li no :

"Nej mus xyuas dab tsi hauv teb chaws suab puam ? Nej puas mus xyuas ib tsob tauj raug cua nplawm ? 8 Nej tawm mus xyuas dab tsi ? Puas yog mus xyuas ib tug neeg hnay tsoos tsuj tsoos npuag ? Tab sis cov neeg hnay tsoos tsuj tsoos npuag nyob hauv vaj ntxwv tej tsev xwb. 9 Ua li mas nej tawm mus xyuas dab tsi ? Puas yog mus xyuas ib tug yaj saub ? Muaj tseeb tiag, kuv hais rau nej tias nws tseem loj dua ib tug yaj saub. 10 Ntawv sau txog nws li no :

*Kuv tso kuv tus tub xa xov mus ua koj ntej, nws yuav npaj txoj kev tom koj hauv ntej.*

11 Kuv hais tseeb rau nej, tas cov tub uas

tsoom poj niam yug huv tib si, tsis muaj ib tug sawv loj dua Zam Ntxuav Plig. Tab sis, tus me tshaj hauv Ntuj lub Ceeb Tsheej, tseem loj dua Zam thiab. 12 Txij Zam Ntxuav Plig los txog tav no, Ntuj lub Ceeb Tsheej raug luag sib txeeb : cov neeg siab ceev txeeb lub Ceeb Tsheej. 13 Cov yaj saub thiab Txoj Cai puav leej tau ceeb toom lo lus los txog lub caij Zam tuaj. 14 Nej ntseeg kuv mog ! Zam yog tus Es Lias uas yuav rov los.

15 Leej twg muaj pob ntseg, cia nws mloog."

**Yes Xus txiav txim rau nws tiam neeg. 11 : 16 - 19.**

16 "Kuv yuav muab tiam neeg no piv rau leej twg ? Tiam neeg no zoo li ib pab me nyuam yaus zaum tom tshav puam ; lawv rov sib hu tias :

17 "Peb twb tshuab raj, nej tsis dhia ! Peb cuab suab nyiav, nej tsis ntaus hauv siab !"

18 Zam tuaj, nws tsis noj mov, tsis haus cawv, luag hais tias : 'Nws raug dab !'

19 Neeg Leej Tub tuaj, nws noj mov haus cawv, luag hais tias :

"Saib tus ntawd ! Nws hu da ~~Mia~~ ~~Ta~~ ~~av~~ ~~Zaj~~ 11 thiab 12 cawv, nws nrog cov sau se thiab cov neeg txhaum ua phooj ywg !"

Tab sis, Tus Thoob Tsib cov hauj lwm ua kom luag pom tias nws yog txoj kev ncaj.

**Hmoov phem los txog cov nroog ntawm ntug pas dej Tis Npes Lias.**

**11 : 20 - 24.**

20 Yes Xus cem cov nroog uas tau pom nws ua hwj huam yees ntxwv ntaw tshaj, tab sis lawv tsis hloov siab. 21 Kos Las Ntxis, koj txoj hmoov phem ! Npes Xais

Das, koj txoj hmoov phem ! Vim tias, cov hwj huam yees ntxwv uas kuv tau ua hauv neb, kheev lam yog ua nyob Tws Los thiab nyob Xis Doos, mas ob lub nroog ntawd twb hnay ntaub tsaj thiab muab plua av los nphoo lawv, lawv twb hloov siab lawm ntxov. 22 Kuv hais meej rau neb, hnub txiav txim, Tws Los thiab Xis Doos yuav raug txim sib dua neb.

23 Thiab koj, Kas Fas Naus, koj xav tias koj yuav sawv siab txij ntuj puas yog ? Koj twb nqes yuav txog tub tuag teb. Vim tias cov hwj huam yees ntxwv kuv tau ua nyob hauv koj, kheev lam yog ua nyob Xos Dos Mas, mas lub nroog ntawd tseem yuav nyob txog tav no. 24 Kuv hais meej rau koj, hnub txiav txim, Xos Dos Mas teb yuav raug txim sib dua koj."

**Qhib lub Moo Zoo rau cov me neeg. Leej Txiv thiab Leej Tub.**

**11 : 25 - 27.**

25 Lub caij ntawd, Yes Xus hais tias : "Txiv, kuv cav lus zoo txog koj, Huab Tais kav lub ntuj lub teb, vim koj zais tej yam ntawd rau cov neeg thoob tsib thiab cov neeg ntse, koj ho qhib rau cov me nyuam yaus. 26 Muaj tseeb tiag, Txiv, koj lub siab nyiam li ntawd. 27 Kuv Txiv muab tas ib puas tsav yam rau kuv. Tsis muaj leej twg paub Leej Tub, tsuas kawg Leej Txiv thiaj paub. Kuj tsis muaj leej twg paub Leej Txiv, tsuas kawg Leej Tub thiaj paub, thiab tus uas Leej Tub pom zoo qhia rau kom paub.

**Yes Xus lub nra. 11 : 28 - 30.**

28 "Tas nej sawv daws uas nej khvw, thiab ris nra hnyav, nej tuaj cuag kuv mog ! Kuv yuav cia nej so los siav.

29 Nej txais kuv tus quab. Nej kawm ntawm kuv mog, vim kuv siab zoo, kuv tsis muab hlob, nej tus plig yuav nrhiav tau chaw so los siav. 30 Vim kuv tus quab kwv yooj yim, thiab kuv lub nra sib.

**Cov thwj tim de tej hnab nplej.**

**12 : 1 - 8.**

1 Muaj ib hnub Xas Npas Tos, Yes Xus hla ib co teb npleg. Cov thwj tim tshaib plab, ces lawv pib de tej hnab nplej los noj. 2 Cov Fas Lis Xais pom qhov ntawd, lawv hais rau Yes Xus tias :

"Saib, koj cov thwj tim ua tej yam txwv tsis pub ua hnub Xas Npas Tos !"

3 Tab sis, Yes Xus hais rau lawv tias : "Nej tsis tau nyeem qhov Das Vis ua thaum Das Vis thiab nws cov npawg tshaib plab lod ? 4 Lawv tau chaws mus hauv Tswv Ntuj lub tsev li cas, thiab lawv noj cov ncuav mov txi Ntuj, tab sis Das Vis thiab nws cov npawg noj tsis nyog cov mov ntawd, kawg yog cov leej choj xwb thiaj noj tau ? 5 Nej puas tau nyeem hauv Txoj Cai tias, hnub Xas Npas Tos, cov leej choj uas nyob hauv lub Tuam Tsev Tais, Zaj 12

Teev Ntuj tsis caiv hnub Xas Npas Tos,

tsis kav lawv tsis txhaum. 6 Kuv qhia

meej rau nej, nyob ntawm no, muaj ib yam

loj dua lub Tuam Tsev Teev Ntuj. 7 Lo

Lus hais tias :

*Qhov kuv xav yuav, yog txoj kev khuv leej, tsis yog thaj txi Ntuj.*

Yog nej paub lo lus no lub ntsiab, mas nej yuav tsis muab txim rau cov neeg tsis txhaum. 8 Vim tias, Neeg Leej Tub yog tus tswv kav hnub Xas Npas Tos."

**Kho ib tug neeg qhuav tes.**

**12 : 9 - 14.**

9 Yes Xus tso qhov chaw ntawd tseg, nws mus hauv lawv lub tsev txoos.

10 Muaj ib tug neeg uas txhais tes qhuav nyob ntawd. Lawv xav liam rau Yes Xus, ces lawv nug Yes Xus tias :

"Hnub Xas Npas Tos, puas kheev kho neeg mob ?"

11 Yes Xus teb rau lawv tias :

"Yog nej leej twg tsuas muaj tib tug yaj xwb ; hnub Xas Npas Tos, tus yaj ntawd mus poob hauv ib lub qhov. Nws puas yuav mus muab, mus rub tawm los ?

12 Neeg muaj nqi dua ib tug yaj lawm pes tsawg npaug ? Vim qhov ntawd, hnub Xas Npas Tos, yeej kheev kom ua ib yam hauj lwm zoo." 13 Ces Yes Xus hais rau tus qhuav tes tias :

"Koj xyab koj txhais tes."

Tus neeg ntawd xyab tes, txhais tes cia li zoo hlo, muaj zog ib yam li lwm sab.

14 Cov Fas Lis Xais tawm mus sab laj nrhiav saib yuav muab Yes Xus tua zoo li cas.

### **Yes Xus yog Tswv Ntuj tus Tub Txib. 12 : 15 - 21.**

15 Yes Xus paub qhov lawv xav ua, ces nws tawm mus. Muaj neeg coob raws nws, Yes Xus kho lawv sawv daws zoo tas. 16 Nws txwv tsis pub lawv qhia leej twg paub. 17 Ua li mas, muaj raws li Yaj Saub His Xais tau hais tseg tias :

18 *Nej ntsia, tus Tub Txib uas kuv xaiv. Nws yog tus kuv nyiam, kuv lub siab nyiam nyob hauv nws. Kuv yuav tso kuv lub Tswv Yim rau saum nws. Nws yuav tshaj Txoj Kev Ncaj rau tsoom kuj cuab.*

19 *Nws yuav tsis cav, tsis nthe nrov, tsis muaj leej twg hnov nws lub suab tom tej tshav puam.*

20 *Tus tauj qaung, nws tsis muab lov,*

*tus teeb xeeb cig qauj les, nws tsis muab tshuab. Nws yuav ua li ntawd mus txog hnuh nws coj Txoj Kev Ncaj mus txais kev yeej. 21 Tsoom kuj cuab tso siab lug rau nws lub npe.*

### **Yes Xus thiab Npes Ntxes Npus.**

#### **12 : 22 - 32.**

22 Thaum ntawd, luag coj ib tug neeg raug dab tuaj rau Yes Xus, nws yog ib tug dig muag thiab nplaig txhav. Yes Xus kho nws, ces tus neeg nplaig txhav hais lus tau thiab pom kev tuaj. 23 Tsoom neeg nyob ntawd ntshai kawg, sawv daws nug tias : 'Tej zaum tus ntawd yog Das Vis leej Tub ?'

24 Tab sis cov Fas Lis Xais hnov cov lus ntawd, lawv hais tias :

"Tus neeg ntawd kawg hu txog tus tuam thawj dab Npes Ntxes Npus los ntia dab xwb."

25 Yes Xus paub lawv xav li cas, nws hais rau lawv tias :

"Lub teb chaws twg tawm tsam rov sib ntaus, yeej yuav liam sim tas. Tsis muaj ib lub nroog, los ib tse neeg up **Masav Tas, Zaj 12** tsam rov sib ntaus, yuav nyob ruaj ua ke tau. 26 Li ntawd, yog Xas Tas rov ntia Xas Tas, mas nws rov tawm tsam tiv nws : yog li ntawd, nws lub teb chaws yuav ua cas nyob ruaj tau ?

27 Yog kuv hu txog Npes Ntxes Npus los ntia dab, ua li nej cov tub hu txog leej twg los ntia dab ? Nej cov tub yuav txiav txim rau nej. 28 Hos yog kuv hu txog Tswv Ntuj Leej Ntuj Plig los ntia dab, qhov ntawd ua kom paub tias Tswv Ntuj lub Ceeb Tsheej tuaj txog nej lawm.

29 "Leej twg yuav ua cas nkag tau mus hauv tus neeg muaj zog lub tsev, lwg nws lub cuab tam, yog tsis xub muab tus muaj

zog ntawd khi tso, nws mam lwg lub tsev ?

30 "Tus twg tsis tuaj kuv tog, mas nws tiv kuv. Tus twg tsis nrog kuv sau, nws muab pov rau ob cag.

31 Li ntawd, kuv hais rau nej, Ntuj yuav zam neeg tej txhaum thiab tej lus thuam Ntuj ; tab sis, tej lus thuam Leej Ntuj Plig, mas Ntuj yuav tsis zam rau neeg. 32

Leej twg hais ib lo lus phem txog Neeg Leej Tub, mas Ntuj yuav zam rau nws. Tab sis, leej twg hais lus phem txog Leej Ntuj Plig Ntshiab, mas Ntuj yuav tsis zam rau nws tiam no thiab fab lwm tiam.

### **Neeg cov lus qhia txog neeg lub siab. 12 : 33 - 37.**

33 "Yog nej tu ib tsob ntoo kom zoo, nws cov txiv yuav zoo nkauj. Nej cia ib tsob ntoo lwj, mas nws cov txiv kuj yuav lwj. Pom cov txiv, ces paub tsob ntoo.

34 Caj ces nab muaj taug ! Nej yeej phem, nej yuav ua cas hais tau cov lus zoo ? Vim neeg lub ncauj hais yam phwj hauv neeg lub siab tuaj.

35 Tus neeg zoo, thau tej yam zoo tawm hauv nws lub siab zoo los. Hos tus neeg phem thau tej yam phem tawm hauv nws lub siab phem los. 36 Thiab kuv tseem hais rau nej tias : Hnub Txiat Txim, neeg yuav tsum ris lawv tej lus dag lus cuav. 37 Vim Ntuj yuav ntsuas koj cov lus, ces Ntuj thiaj yuav saib tias koj siab ncaj, los koj yuav raug txim vim koj cov lus."

### **Yos Nas lub cim. 12 : 38 - 42.**

38 Ces ib co Kws Ntawv Ntshiab thiab ib co Fas Lis Xais hais rau Yes Xus tias : "Xib Hwb, peb xav kom koj ua ib lub cim rau peb pom."

39 Yes Xus teb rau lawv hais tias : "Tiam neeg phem thiab fav xeeb ! Lawv taij ib lub cim, tab sis lub cim uas lawv yuav pom, kawg yog Yaj Saub Yos Nas lub cim xwb. 40 Raws nkaus li Yos Nas tau nyob peb hnub peb hmos hauv tus vaj ntses lub plab, Neeg Leej Tub kuj yuav nyob hauv plawv av peb hnub peb hmos thiab.

41 Hnub Txiat Txim, cov neeg nyob Nis Nis Vas yuav nrog tiam neeg no sawv los, lawv yuav muab txim rau tiam neeg no, vim thaum Yos Nas ntuas lawv, lawv hloov siab. Hos nyob ntawm no twb muaj ib qho loj dua Yos Nas ! 42 Hnub Txiat Txim, tus poj huab tais nyob Qab Teb kuj yuav nrog phaj neeg no sawv los, nws yuav muab txim rau lawv, vim nws tuaj tim npoo ntiaj teb tuaj mloog Xas Los Moos cov lus thoob tsib. Hos nyob ntawm no, twb muaj ib qho loj dua Xas Los Moos !

### **Dab tsis huv rov los rob caub.**

#### **12 : 43 - 45.**

43 Thaum dab tsis huv tawm **Mata Tais, Zaj** 12 thiab 13

mus lawd, nws ua loj leeb mus rau tej teb chaws qhuav qhawv, nrhiav chaw so, tab sis nrhiav tsis tau. 44 Ces nws hais tias :

"Kuv yuav rov qab mus nyob hauv lub tsev uas kuv tawm tuaj."

Nws rov los txog, pom lub tsev khab seeb, cheb huv, tu du lug cia. 45 Ces nws mus coj xya tus dab uas tseem phem tshaj nws, nrog nws los. Cov dab nkag los nyob hauv lub qub tsev. Zaum no ces tus neeg ntawd haj yam raug lub neej phem dua qhov qub. Tiam neeg phem no, kuj yuav raug ib yam li ntawd thiab.

### **Yes Xus cov kwv tij. 12 : 46 - 49.**

46 Yes Xus tseem tab tom hais lus rau tej pab neeg, ces Yes Xus niam thiab nws cov kwv tij tuaj sawv nraum zoov, lawv xav nrog nws txuas lus. [47 Muaj ib tug hais rau Yes Xus tias : koj niam thiab koj cov kwv tij tuaj txog nraud, lawv xav nrog koj txuas lus.]

48 Yes Xus teb rau tus neeg tuaj qhia nws tias :

"Leej twg yog kuv niam, thiab leej twg yog kuv cov kwv tij ?"

49 Yes Xus taw tes rau nws cov thwj tim, nws hais tias :

"Kuv niam thiab kuv kwv tij yog cov ntawd. Vim tias tus twg ua raws kuv Txiv nyob saum ntuj lub siab, tus ntawd yog kuv ib tug kwv, ib tug muam, los ib leeg niam."

### **Yes Xus zaum hauv nkoj qhia sawv daws. 13 : 1 - 3.**

**13** 1 Muaj ib hnub, Yes Xus tawm hauv tsev mus zaum ntawm ntug dej ntuj. 2 Tej pab neeg coob tuaj ntsauv nws, ces nws nce mus zaum hauv ib lub nkoj, hos tas tsoom neeg nyob ntawm ntug dej. 3 Yes Xus ua paj lug qhia lawv txog ntau yam.

### **Zaj paj lug txog tus tseb nplej. 13 : 4 - 9.**

Yes Xus hais li no :

"Tus tseb nplej tawm mus tseb.

4 Thaum nws tseb, muaj ib co noob poob ntawm ntug kev, noog ya tuaj noj tas huv si lawm. 5 Ib co noob poob rau hauv cov av pob zeb, nyob ntawd tsis muaj av ntau, ces noob tuaj kaus sai, vim av tsis tob.

6 Thaum hnub tuaj, tshav ziab, cov yub nkig, vim tsis muaj cag ces cov yub qhuav tas. 7 Tseem muaj ib co noob poob hauv cov pos. Pos hlob tuaj laum cov yub. 8 Hos muaj ib co noob poob rau hauv thaj av zoo, cov noob ntawd txhawv hnab, tej lub noob txi ib puas lub, tej lub txi rau caum lub, tej lub txi peb caug lub. 9 Leej twg muaj pob ntseg, cia nws mloog."

### **Vim li cas Yes Xus ua paj lug hais.**

#### **13 : 10 - 17.**

10 Cov thwj tim txav los ze Yes Xus, lawv hais rau nws tias :

"Vim li cas koj ua paj lug hais rau lawv ?"

11 Yes Xus teb rau lawv tias :

"Vim Ntuj pub kom nej paub tej yam tob hauv Ntuj lub Ceeb Tsheej, tab sis Ntuj tsis tau pub rau cov ntawd. 12 Tus uas twb muaj lawm, mas Ntuj yuav pub rau nws kom nws muaj ntau tshaj. Hos ntawm tus tsis muaj, ces Ntuj tseem yuav thau qhov nws muaj tawm mus. **Mas Tais, Zaj 13** li ntawd, kuv thiaj ua paj lug hais rau lawv : vim tias lawv ntsia, los lawv tsis pom, lawv mloog, los lawv tsis hnov, thiab tsis to taub. 14 Li ntawd, thiaj muaj raws li cov lus uas Yaj Saub His Xais xub hais tseg tias :

*Nej pob ntseg hnov, los nej yuav tsis to taub ; nej ntsia, tab sis nej yuav tsis pom.*

**15** *Yog vim haiv neeg no lub siab qhwv lawm : lawv pos pob ntseg, lawv qi qhov muag,*

*lawv ntshai tsam lawv qhov muag pom, tsam lawv pob ntseg hnov, ces lawv lub siab to taub.*

*tsam lawv yuav tsum hloov siab, thiab kuv yuav kho tau lawv zoo.*

16 Hos nej, mas nej qhov muag tau txoj hmoov zoo, vim nej qhov muag pom kev. Nej pob ntseg tau txoj hmoov zoo, vim nej pob ntseg hnov lus. 17 Kuv hais tseeb rau nej, cov yaj saub thiab cov neeg siab ncaj thaud coob leej ntshaw pom yam uas nej pom, tab sis lawv tsis tau pom, ntshaw hnov yam uas nej hnov, tab sis lawv tsis tau hnov !

### **Txhais zaj paj lug tseb nplej.**

**13 : 18 - 23.**

18 Nej mloog zaj paj lug hais txog tus tseb nplej lub ntsiab.

19 Tus neeg uas tau hnov Lo Lus qhia txog Ntuj lub Ceeb Tsheej, nws tsis to taub, tus Phem tuaj txog, nws txeeb yam uas Ntuj tseb hauv tus ntawd lub siab : tus ntawd yog tus txais cov noob poob ntawm ntug kev.

20 Cov noob poob rau hauv cov av pob zeb, yog tus neeg uas thaum nws hnov Ntuj Lo Lus, nws zoo siab txais. 21 Tab sis nws tsis muaj cag nyob hauv nws, vim nws yog neeg tsis ruaj : thaum muaj kev txom nyem, los muaj kev raug luag hiam vim Lo Lus, ces nws ntog tam sis ntawd.

22 Cov noob uas poob rau hauv cov pos, yog tus uas hnov Lo Lus, tab sis ntaj teb kev txob xeeb, nyiaj txiag tej kev ntxias laum Lo Lus, ces Lo Lus txi tsis taus txiv.

23 Cov noob uas poob rau hauv cov av zoo, yog tus uas hnov Lo Lus, nws to taub Lo Lus ntawd, ces nws txi txiv. Ib tug txi ib puas lub, ib tug txi rau caum lub, hos lwm tus txi peb caug lub.

### **Zaj paj lug hais txog nroj.**

**13 : 24 - 30.**

24 Yes Xus tseem hais dua ib zag paj lug

tias :

"Ntuj lub Ceeb Tsheej zoo li ib tug neeg tseb ib co noob zoo rau hauv nws daim teb. 25 Thaum sawv daws tsaug zog tas, nws tus yeeb ncuab tuaj tseb ib co noob nroj rau hauv cov nplej tas ces nws rov qab mus. 26 Txij thaum nplej hlob txog nplej txhawv, nroj kuj tawm tuaj thiab. 27 Cov tub txib tuaj hais rau tus tswv qoob tias :

"Huab Tais, koj tau tseb ib co noob qoob zoo rau hauv koj daim teb los tsis sub ? Vim li cas thiaj muaj nroj ?" 28 Tus tswv qoob teb rau lawv tias : "Yog ib tug yeeb ncuab ua qhov ntawd."

Cov tub txib hais rau tus tswv tias :

"Koj puas xav kom peb mus sau cov nroj pov tseg ?"

Tus tswv teb tias :

29 "Kuv tsis xav ! Tsam thaum nej sau nroj, nej rho tau nplej nrog thiab. 30 Nej cia nroj nrog nplej hlob ua ke mus txog lub caij sau nplej. Thaum txog caij sau qoob, kuv mam hais rau cov sau nplej tias : Nej xub sau nroj pav ua tej teg cia hlawv, hos nej sau cov nplej rau **Max Tais, Zaj 13** lub txhab."

### **Zaj paj lug hais txog lub noob zaub roj.**

**13 : 31 - 33.**

31 Yes Xus tseem hais ib zag paj lug li no :

"Ntuj lub Ceeb Tsheej zoo li ib lub noob zaub roj uas ib tug neeg nqa mus tseb hauv nws daim teb. 32 Lub noob ntawd me tshaj txhua hom noob, tab sis thaum nws hlob, nws siab dua lwm cov zaub huv tib si. Nws loj luaj li ib tsob ntoo. Ces tej noog ya saum ntuj los nkaum hauv nws cov ceg."

**Zaj paj lug hais txog poov xab.****13 : 33.**

33 Yes Xus tseem hais ib zag paj lug tias :

"Ntuj lub Ceeb Tsheej zoo li ib co poov xab uas ib tug poj niam muab tso rau hauv peb kawg hmoov nplej mus txog thaum uas tas cov hmoov ntawd su tuaj.

**Yes Xus tsuas ua paj lug hais xwb.****13 : 34 - 35.**

34 Yes Xus qhia ib puas tsav yam ntawd rau zeej tsoom, mas nws ua paj lug hais. Tsis muaj ib yam uas nws tsis ua paj lug hais. 35 Li ntawd, mas muaj raws li tus yaj saub cov lus tias :

*Kuv yuav qhib ncauj hais ib co paj lug. Tej yam zais txij thaum ntuj tsim teb raug los, kuv yuav muab tshaj tawm.*

**Txhais zaj paj lug hais txog nroj.****13 : 36 - 43.**

36 Yes Xus tso tsoom sid tseg, nws rov los tsev. Cov thwj tim txav los hais rau nws tias :

"Koj txhais zaj paj lug hais txog nroj tuaj hauv daim teb rau peb saib."

37 Yes Xus teb rau lawv tias :

"Tus tseb cov noob zoo, yog Neeg Leej Tub. 38 Daim teb, yog lub qab ntuj neeg. Cov noob zoo, yog cov tub hauv lub Ceeb Tsheej. Cov nroj, yog tus Phem cov tub.

39 Tus yeeb ncuab uas tseb cov noob nroj, yog Dab Phem. Lub caij sau nplej, yog lub zim txwv kawg. Cov tub sau nplej, yog cov Tshiab. 40 Lawv yuav sau cov nroj los hlawv. Lub zim txwv kawg, yuav zoo ib yam li ntawd : 41 Neeg Leej Tub yuav xa nws cov Tshiab, lawv yuav

thau tej kev ntxias ua txhaum thiab cov neeg ua phem tas huv si tawm hauv nws lub Ceeb Tsheej. 42 Cov Tshiab yuav muab lawv pov rau hauv lub qhov hluav taws. Nyob hauv, sawv daws yuav quaj tom hniav nkawv. 43 Ces cov neeg siab ncaj yuav ci ntsa iab zoo li lub hnub nyob hauv lawv Txiv lub Ceeb Tsheej. Leej twg muaj pob ntseg, cia nws mloog.

**Zaj paj lug hais txog hub nyiaj thiab lub hlaws npiliag deg.****13 : 44 - 46.**

44 Ntuj lub Ceeb Tsheej zoo li ib hub nyiaj faus rau hauv ib daim teb. Muaj ib tug neeg mus nrhiav tau. Nws rov muab zais, nws zoo siab, nws muag nws lub cuab tam, ces nws mus muas daim teb ntawd.

45 "Ntuj lub Ceeb Tsheej tseem zoo li ib tug tub luam nrhiav cov hlaws npiliag deg zoo nkauj. 46 Thaum nws nrhiav tau ib lub hlaws nphiag deg muaj nqi loj, nws mus muag nws lub cuab tam tas huv si, ces nws mus muas lub hlawv Mapit Taisdeg Zaj 13 thiab 14 ntawd.

**Zaj paj lug hais txog lub vas puav ntses. 13 : 47 - 50.**

47 "Ntuj lub Ceeb Tsheej tseem zoo li ib lub vas uas luag pov rau hauv dej ntuj. Lub vas puav tau ntau tsav ntau hom ntses. 48 Thaum lub vas puv lawd, cov tub puav ntses rub lub vas los tim ntug nqhuab, lawv zaum, lawv mam li xaiv cov zoo rau hauv tawb, hos muab cov tsis zoo pov tseg. 49 Thaum lub zim txwv kawg, kuj yuav zoo ib yam li ntawd thiab : cov tshiab tuaj txog, lawv yuav cais cov neeg phem ntawm cov neeg ncaj. 50

Lawv yuav muab cov neeg phem pov tseg  
rau hauv lub qhov hluav taws : nyob hauv,  
sawv daws yuav quaj tom hmiav nkawv.

### Xaus Ius. 13 : 51 - 52.

51 "Nej puas to taub tas ib puas tsav yam  
ntawd ?"

Lawv teb rau Yes Xus tias :  
"Peb to taub."

52 Yes Xus hais rau lawv tias :  
"Ua li mas, thaum ib tug Kws Ntawv  
Ntshiab los ua thwj tim hauv Ntuj lub  
Ceeb Tsheej, nws zoo li ib tug tswv tsev  
uas rho tau tej yam qub thiab tej yam  
tshiab hauv nws lub cuab tam los."

### Yes Xus rov mus Nas Xas Les.

#### 13 : 53 - 58.

53 Thaum Yes Xus hais cov paj lug no  
tas, nws tso qhov chaw ntawd tseg.  
54 Yes Xus rov mus txog lub zos nws  
hlob, nws qhia tsoom sid nyob hauv lawv  
lub tsev txoos. Lawv qhuas, ces sawv  
daws hais tias :

"Lub tswv yim thoob tsib, thiab cov hwj  
huam yees ntxwv ntawd, nws tau qhov  
twg los ? 55 Tus ntawd, tsis yog tus kws  
ntoo tus tub lod ? Nws niam tsis yog tus  
hu ua Mab Liab no lod ? Thiab nws cov  
kwv tij tsis yog Yas Kos, Yos Xes, Xis  
Moos thiab Yus Das lawv lod ? 56 Hos  
tas nws cov muam tib si, tsis yog cov nrog  
peb nyob ua ke ntawm no lod ? Tas ib  
puas tsav yam nws ua tau ntawd, los qhov  
twg los ?"

57 Yes Xus ua lawv poob siab. Nws hais  
rau lawv tias :

"Ib tug yaj saub, tsuas yog nyob hauv lub  
zos nws hlob thiab nyob hauv nws tsev  
neeg, luag thiaj saib nws tsis muaj nqis."

58 Yes Xus tsis ua hwj huam yees ntxwv  
ntau nyob ntawd, vim lawv tsis ntseeg.

### Hes Los thiab Yes Xus.

#### 14 : 1 - 2.

**14** 1 Muaj ib ntus, Yes Xus lub moo  
nto ncha mus txog vaj txheeb Hes  
Los pob ntseg, 2 ces Hes Los hais rau  
nws cov tub txib tias :  
"Tus ntawd yog Zam Ntxuav Plig ! Nws  
sawv hauv cov tuag rov los : vim li ntawd  
cov hwj huam yees ntxwv thiaj tawm hauv  
nws los.

### Hes Los muab Zam Ntxuav Plig tua.

#### 14 : 3 - 12.

3 Ua ntej ntawd, Hes Los kom lawv ntes  
Zam, thiab xuas saw hlau khi Zam mus  
kaw hauv tsev loj faj vim Hes Los Dias.  
Hes Los Dias yog Hes Los tij laug Fis Lis  
Pos tus poj niam. 4 Vim Zam hais rau  
Hes Los tias : "Koj tsis muaj cai yuav tus  
poj niam ntawd."

Mas Tais, Zaj 14

5 Hes Los twb xav muab Zam tua, tab sis  
nws ho ntshai tsoom pej xeem, vim sawv  
daws saib Zam yog ib tug yaj saub.

6 Ua li mas, thaum txog Hes Los hnub  
tsuj xeeb, Hes Los Dias tus ntxhais tuaj  
dhia seev cev rau sawv daws saib, nws  
dhia tau ntxim Hes Los siab kawg.

7 Hes Los thiaj cog lus tias yuav pub  
yam nws thov rau nws. 8 Leej niam cob  
tus ntxhais, ces tus ntxhais hais tias :

"Thov koj muab Zam Ntxuav Plig lub  
taub hau txawb hauv ib lub phaj nqa los  
rau kuv ntawm no."

9 Tus vaj tu siab, tab sis vim nws tau cog  
lus, thiab cov qhua tuaj koom rooj qav kuj  
tau hnov. Tus vaj thiaj txib kom lawv  
muab rau tus ntxhais raws li nws thov. 10

Ces tus vaj xa neeg mus txiat Zam caj dab hauv tsev loj faj. 11 Lawv muab Zam lub taub hau txawb hauv ib lub phaj cev rau tus ntxhais, tus ntxhais nqa mus cev rau nws niam.

12 Zam cov thwj tim tuaj nqa Zam lub cev mus faus. Ces lawv mus hais qhia Yes Xus.

**Ua kom mov ntsu tuaj thawj zaug.  
14 : 13 - 21.**

13 Yes Xus hnov li ntawd tas, nws caij nkoy mus rau ib qhov chaw xu kev, tsis muaj neeg. Zeej tsoom hnov, lawv tawm hauv tej nroog, mus ko taw raws nws qab.

14 Thaum Yes Xus nqes nkoy, nws pom ib pab neeg coob, ces nws hhub lawv ; nws kho lawv cov neeg uas muaj mob muaj nkeeg.

15 Yuav tsaus ntuj, cov thwj tim txav los hais rau nws tias :

"Thaj tsam no, tsis muaj neeg nyob, thiab lig lawm ; koj tso tsoom neeg rov mus hauv tej zos kom lawv tau kev mus muas mov noj."

16 Yes Xus teb rau lawv tias :

"Tsis tas lawv yuav mus qhov twg li : yog nej yuav muab rau lawv noj."

17 Cov thwj tim hais rau Yes Xus tias :

"Ntawm no, peb tsuas muaj tsib lub ncuav mov thiab ob tug ntses xwb."

Yes Xus hais tias :

18 "Nej nqa los rau kuv."

19 Yes Xus kom cov thwj tim hais sawv daws zaum saum tej nroj tsuag. Ces Yes Xus tuav tsib lub ncuav mov thiab ob tug ntses, nws tsa muag ntsia saum ntuj, nws hais zaj foom hmoov zoo, nws muab cov ncuav mov ntais. Nws cev rau cov thwj tim, kom lawv muab rau sawv daws.

20 Sawv daws noj tsau tas, lawv khaws

tej sab mov seem puv kaum ob tawb ! 21 Cov neeg noj mov ntawd muaj ze ntawm tsib txhiab leej txiv neej, tsis xam poj niam me nyuam.

**Yes Xus mus ko taw saum nplaim dej. 14 : 22 - 33.**

22 Tam sis ntawd, Yes Xus txhib cov thwj tim kom nce nkoy ua nws ntej mus lawm sab ntug dej tim ub, hos nws nyob xa tsoom sid rov qab. 23 Thaum Yes Xus xa zeej tsoom rov qab mus tas lawd, nws nce mus saum roob, rau ib qho chaw xu kev, ces nws teev Ntuj. Thaum tsaus ntuj, tshuav nws tib leeg xwb.

24 Lub nkoy twb mus deb ntawm ntug nqhuab lawm ntau ntsua muag. Dej nphau nphwv tuaj nplawm lub nkoy, vim cua tshuab tom hauv ntej tuaj. 25 Thaum yuav kaj ntug, Yes Xus mus ko taw saum nplaim dej, nws tuaj caum cov thwj tim.

26 Lawv pom Yes Xus mus ko taw saum dej ntuj, lawv ib ce xob : lawv hais tias : "Yog poj ntxoog".

**Mas Tais, Zaj 14 thiab 15**

Lawv ntshai kawg, ces lawv qw qw. 27 Tam sis ntawd Yes Xus hais rau lawv tias :

"Nej tso siab mas ! Yog kuv ! Txhob ntshai."

28 Pob Zeb teb rau Yes Xus tias : "Huab Tais, yog koj tiag no, koj kheev kom kuv tsuj nplaim dej tuaj cuag koj."

29 Yes Xus teb tias : "Tuaj mas !"

Ces Pob Zeb nqes nkoy tso ko taw tsuj saum nplaim dej mus cuag Yes Xus.

30 Tab sis nws pom cua hlob, nws ntshai, ces nws pib tog hauv dej, nws qw tias : "Huab Tais, cawm kuv mas !"

31 Yes Xus cev tes tam sis ntawd tuav Pob Zeb, nws hais rau Pob Zeb tias :

"Neeg ntseeg tsawg, ua cas koj ua xyem

xyav ?"

32 Thaum Yes Xus nkawd nce hlo rau hauv nkoj, ces cua tu nrho. 33 Cov nyob hauv nkoj pe Yes Xus, lawv hais tias : "Koj yog Tswv Ntuj Leej Tub tiag !"

**Yes Xus kho neeg mob nyob Zes  
Nes Xas Les. 14 : 34 - 36.**

34 Yes Xus lawv hla dhau dej, lawv mus nqes rau Zes Nes Xas Les. 35 Cov neeg nyob txawm ntawd cim tau Yes Xus, ces lawv mus qhia ib thaj tsam ntawd paub. Sawv daws coj lawv cov neeg mob tuaj rau Yes Xus. 36 Lawv thov Yes Xus kom nws cia cov neeg mob kov Yes Xus tw tsho. Txhua tus uas tau kov, puav leej dim ntawm lawv tus mob.

**Sib cav txog cov Fas Lis Xais  
tej kab ke. 15 : 1 - 9.**

**15** 1 Ib co Fas Lis Xais thiab ib co Kws Ntawv Ntshiab nyob Yes Lus Xas Les tuaj cuag Yes Xus, lawv hais rau Yes Xus tias :

2 "Vim li cas koj cov thwj tim hla cov yawg koob tej kab ke ? Vim thaum lawv noj mov, lawv tsis xub ntxuav tes ?"

3 Yes Xus teb rau lawv tias :

"Ua cas nej hla Tswv Ntuj cov lus qhia vim tej qub kev cai ? 4 Tswv Ntuj twb hais tias : "Koj yuav hwm yuav saib koj niam koj txiv, tus hais phen txog nws niam nws txiv, yuav raug lub txim tuag."

5 Tab sis nej, mas nej hais tias tus twg hais rau nws niam nws txiv tias 'tej nyiaj txiag uas kuv yuav muab pab koj, kuv muab qee rau Ntuj lawm.' 6 Mas tus ntawd tsis tas yuav saib xyuas niam thiab txiv kuj tau. Nej muab nej tej kev cai los rhuav Tswv Ntuj lo lus. 7 Neeg zoo sab

nraud ! His Xais hais raug nej kawg, thaum nws hais tias :

8 *Haiv neeg no tsuas hwm kuv saum di ncauj, lawv lub siab nyob deb kuv.*

9 *Lawv lam teev hawm kuv dag :*  
*Cov zaj lawv qhia tsuas yog neeg tej kab ke xwb.*"

**Qhia txog yam huv thiab tsis huv.  
15 : 10 - 20.**

10 Yes Xus hu tsoom sid kom txav los ze nws. Nws hais rau lawv tias :

"Nej mloog kom nej to taub ! 11 Tsis yog tej yam nkag hauv neeg lub ncauj ua kom neeg tsis huv ; yog tej yam uas tawm hauv lub ncauj los ua kom neeg tsis huv."

12 Cov thwj tim txav ze Yes Xus, lawv hais tias :

"Koj puas paub tias cov Fas Lis Xais hnov koj hais li ntawd, mas lawv tsis txaus siab ?"

13 Yes Xus teb tias :

"Tus yub twg tsis yog kuv **TMas Ylis, Zaj 15** saum ntuj cog, mas yuav muab dob pov tseg. 14 Cia lawv chim lawv : lawv yog ib co neeg dig muag coj ib pab dig muag kev ! Vim tias yog ib tug dig muag coj lwm tus dig muag kev, mas nkawd ob leeg yuav ua ke mus poob qhov."

15 Pob Zeb hais rau Yes Xus tias : "Koj txhais lo paj lug ntawd rau peb." 16 Yes Xus thiaj hais tias :

"Nej tsis muaj tswv yim thiab lod ? 17 Nej tsis to taub tias tas ib puas tsav yam uas nkag hauv qhov ncauj, dhau mus rau hauv plab, ces mus xaus rau nraum chaw tawm rooj.

18 Hos yam uas tawm hauv qhov ncauj los, yog xeeb hauv nruab siab tuaj, mas yam ntawd ua kom neeg tsis huv. 19 Tej yam uas xeeb hauv nruab siab tuaj : yog

kev ntaus tswv yim ua phem, tua neeg, deev luag txij nkawm, ua dev ua npua, ua tub sab, ua tim khawv cuav, thuam Ntuj. 20 Tej no ua kom neeg tsis huv. Tab sis noj mov tsis ntxuav tes, tsis ua kom neeg tsis huv."

**Tus poj niam Kas Nas Has ntseeg.**  
**15 : 21 - 28.**

21 Yes Xus tawm ntawm qhov chaw ntawd, nws mus rau Tws Los thiab Xis Doos teb. 22 Muaj ib tug poj niam Kas Nas Has nyob hauv teb chaws ntawd tuaj. Nws hu nrov tias : "Huab Tais, Das Vis Leej Tub, thov koj khuv leej kuv : kuv tus ntxhais raug ib tug dab phem tsiv kawg."

23 Yes Xus tsis teb ib los li. Cov thwj tim txav los thov tias :  
"Koj ua rau nws, vim nws pheej hu nrov nrov lawv peb qab."

24 Yes Xus teb rau lawv tias :  
"Ntuj xa kuv tuaj cawm cov yaj ploj hauv His Xas Lais tsev neeg xwb."

25 Tab sis tus poj niam twb tuaj txog ze lawm, nws txhos caug ntawm Yes Xus xub ntiag, nws thov tias :  
"Huab Tais, thov koj pab kuv !"

26 Yes Xus teb rau nws tias :  
"Tsis phim muab me nyuam tej mov pov rau me nyuam dev."

27 Tus poj niam teb tias :  
"Huab Tais, yog li koj hais. Tab sis cov me nyuam dev tsuas noj tej tsig mov txeej ntawm lawv tus tswv lub rooj los xwb !"

28 Ces Yes Xus teb rau nws tias : "Niam phauj, koj lub siab ntseeg loj kawg. Kom koj tau raws li koj lub siab xav."  
Ces nws tus ntxhais zoo hlo tam sis ntawd.

**Yes Xus kho coob leej neeg mob**

**nyob ze ntug dej ntuj. 15 : 29 - 31.**

29 Yes Xus mus dhau qhov chaw ntawd lawm, nws tuaj txog ntawm ntug dej ntuj Nkas Lis Lais. Nws nce mus saum roob, nws zaum. 30 Tej pab neeg coob tuaj cuag nws, lawv coj tej tus ceg tawv, tej tus tuag ceg, tej tus dig muag, tej tus nplaig txhav, thiab tseem coj lwm cov mob tuaj tso ntawm Yes Xus ko taw, Yes Xus kho sawv daws zoo tas huv tib si. 31 Ib zeej tsoom sawv daws qhuas kawg, vim lawv pom cov nplaig txhav hais tau lus, cov tuag ceg rov muaj zog, cov deeg pauv rov mus taus kev, hos cov dig muag rov pom kev tuaj. Ces lawv cav txog His Xas Lais tus Tswv Ntuj lub koob meej.

**Ua kom mov ntsu tuaj zaum ob.**  
**15 : 32 - 39.**

32 Yes Xus hu cov thwj tim los cuag nws, nws hais rau lawv tias :  
"Kuv hlub pab neeg no, vim lawv twb nrog kuv nyob tau peb hnul Mas Tais, Vaj tsis muaj dab tsi noj. Kuv tsis xav cia lawv tshaib plab rov mus tsev. Tsam lawv tsaus muag tom kev."

33 Cov thwj tim hais rau nws tias : "Peb yuav nrhiav mov qhov twg hauv lub teb chaws quav poj no kom txaus ib pab neeg coob npaum no noj ?"

34 Yes Xus hais rau lawv tias :  
Nej muaj pes tsawg lub ncuav mov ?  
Lawv teb tias :  
Muaj xya lub thiab ob peb tug me nyuam ntses.

35 Yes Xus kom tsoom sid zaum pem teb. 36 Nws tuav xya lub ncuav mov thiab cov ntses, nws ua Ntuj tsaug. Nws muab cov ncuav mov ntais, nws cev rau cov thwj tim, ces cov thwj tim coj mus

**15 thiab 16**

faib rau tsoom sid. 37 Thaum sawv daws  
noj tsau tas, lawv khaws tej sab mov seem  
puv xya tawb ! 38 Cov neeg uas tau noj  
cov mov ntawd muaj plaub txhiab leej,  
tsis suav cov poj niam me nyuam.  
39 Thaum Yes Xus tso tsoom sid rov  
qab mus tsev tas, nws caij nkoy mus teb  
chaws Mas Nkas Das.

### **Luag kom Yes Xus ua ib lub cim nyob saum ntuj. 16 : 1 - 4.**

**16** 1 Cov Fas Lis Xais thiab cov Xas  
Dus Kais tuaj cuag Yes Xus.  
Lawv xav sim Yes Xus, ces lawv thov  
kom Yes Xus ua ib lub cim tuaj saum ntuj  
tuaj rau lawv pom. 2 Yes Xus teb rau  
lawv tias :  
"Thaum hnub yuav poob qho, nej hais tias  
'ntuj yuav tshav,' vim qab ntug liab tshiab.  
3 Thaum kaj ntug, nej hais tias 'hnub no  
yuav los nag xob nag cua,' vim ntuj liab  
dub nciab. Nej ntsia lub ntuj, nej ntsuas  
tau tias dab tsi yuav tshwm sim tuaj. Tab  
sis cov cim qhia txog lub hnub nyoog, nej  
ho tsis paub ntsuas ! 4 Tiam neeg phen  
thiab fav xeeb no ! Lawv taij ib lub cim,  
tab sis lawv kawg yuav pom Yos Nas lub  
cim xwb."  
Ces Yes Xus tso lawv tseg, nws mus.

### **Poov xab Fas Lis Xais thiab Xas Dus Kais. 16 : 5 - 12.**

5 Yes Xus lawv hla mus rau sab ntug dej  
tim ub, cov thwj tim tsis nco qab ntim  
mov. 6 Yes Xus hais rau lawv tias :  
" Nej ceev faj mog ! Txhob tso siab rau  
cov poov xab Fas Lis Xais thiab Xas Dus  
Kais."  
7 Cov thwj tim txawm xav twj ywm tias :  
"Nws hais li ntawd, vim peb tsis ntim

mov."  
8 Yes Xus paub qhov lawv xav, nws hais  
tias :

"Neeg ntseeg tsawg, ua cas nej thiab xav  
txog tias yog vim nej tsis ntim mov ? 9  
Nej tseem tsis to taub lod ? Nej tsis nco  
qab tsib lub ncuav mov uas yug tsib  
txhiab leej, nej tseem khaws tau pes tsawg  
tawb ? 10 Thiab xya lub ncuav mov uas  
yug plaub txhiab leej, thiab nej tseem  
khaws tau pes tsawg tawb ? 11 Ua cas  
nej tsis to taub tias kuv cov lus tsis yog  
hais txog mov ? Kuv hais kom nej tsis  
txhob tso siab rau cov poov xab Fas Lis  
Xais thiab Xas Dus Kais !"

12 Ces cov thwj tim mam to taub tias tsis  
yog Yes Xus hais kom txhob tso siab rau  
cov poov xab ua ncuav mov. Yog nws  
qhia kom txhob tso siab rau cov Fas Lis  
Xais thiab cov Xas Dus Kais tej lus qhuab  
qhia.

### **Pob Zeb lees ntseeg. Yes Xus tsa**

**Pob Zeb ua tus coj. 16 : 13 - 20** Tais, Zaj 16

13 Yes Xus tuaj txog cheeb tsam ntawm  
Xes Ntxas Les Fis Lis Pos, ces nws nug  
cov thwj tim li no :

"Luag tej hais tias Neeg Leej Tub yog leej  
twg ?"

14 Lawv teb tias :

Ib txhia hais tias : Yog Zam Ntxuav Plig.  
Ib txhia hais tias, yog Es Lias. Tseem  
muaj lwm cov hais tias yog Yes Les Mias  
los yog ib tug hauv cov yaj saub. Yes  
Xus hais tias :

15 "Nej ne, nej hais tias kuv yog leej twg  
?"

16 Xis Moos Pob Zeb teb tias :

"Koj yog Leej Pleev, yog tus Tswv Ntuj  
Muaj Txoj Sia Leej Tub."

17 Yes Xus teb rau Pob Zeb tias : "Xis

Moos, Yos Nas tus tub, koj txoj hmoov zoo, vim qhov koj paub no, tsis yog nqaij thiab ntshav qhia koj. Yog kuv Txiv nyob saum ntuj qhia koj. 18 Ua li mas kuv hais rau koj : Koj yog Pob Zeb, kuv yuav txhim kuv lub Koom Txoos rau saum lub pob zeb no. Dab phem teb cov qhov rooj yuav tiv tsis taus lub pob zeb no. 19 Kuv yuav muab Ntuj lub Ceeb Tsheej cov yawm sij rau koj. Koj khi yam twg nyob ntiaj teb no, Ntuj yuav saib yam ntawd yog khi nyob saum ntuj. Koj daws yam twg nyob ntiaj teb no, Ntuj yuav saib yam ntawd yog daws nyob saum ntuj."

20 Ces Yes Xus txwv cov thwj tim tsis pub qhia leej twg tias nws yog Leej Pleev.

**Yes Xus qhia thawj zaug tias nws yuav raug luag tsim txom.**

**16 : 21 - 23.**

21 Txij hnub ntawd los, Yes Xus pib qhia nws cov thwj tim tias nws yuav tsum mus Yes Lus Xas Les. Nyob ped, nws

yuav raug cov txwj laus, cov thawj leej choj thiab cov Kws Ntawv Ntshiab tsim nws. Lawv yuav muab nws tua. Hnub peb, nws yuav sawv rov los. 22 Pob Zeb rub Yes Xus los ntawm nws, nws nroo rau Yes Xus tias :

"Huab Tais, xav kom Tswv Ntuj txuag koj ! Tsis pub kom tej yam ntawd tuaj raug koj !"

23 Tab sis, Yes Xus fee hlo, nws hais rau Pob Zeb tias :

"Xas Tas, koj lawv kuv qab. Koj thaiv kuv kev. Vim qhov koj xav, tsis yog qhov Tswv Ntuj xav, yog tej yam neeg xav xwb."

**Cov los raws Yes Xus yuav ua li**

**cas. 16 : 24 - 28.**

24 Yes Xus hais rau nws cov thwj tim tias :

"Yog leej twg xav los raws kuv, nws yuav tsum nrauj nws, nws yuav kwv nws tus ntoo cuam, nws yuav lawv kuv qab. 25 Vim leej twg xav cawm nws txoj sia, mas nws yuav plam nws txoj sia. Hos leej twg plam nws txoj sia vim kuv, mas nws yuav rov tau nws txoj sia."

26 Yog ib tug neeg txeeb tau tas lub ntiaj teb huv tib si los ua nws tug, tab sis yog nws txoj sia ploj lawm, mas nws tau dab tsi ? Neeg yuav muab dab tsi los pauv tau nws txoj sia ?

27 Vim tias Neeg Leej Tub yuav nrog nws cov Tshiab los, muaj Leej Txiv lub hwj chim, ces nws yuav pauj rau nyias raws li nyias cov hauj lwm. 28 Kuv hais tseeb rau nej : nej ib txhia uas nyob ntawm no, yuav tsis tau saj txoj kev tuag, lawv yuav xub tau pom Neeg ~~Lais~~ Mais Tais, Zaj 17 nrog nws lub Ceeb Tsheej los txog tso."

**Yes Xus lub hwj chim tawm los.**

**17 : 1 - 8.**

17 Tau rau hnub tom qab, Yes Xus coj Pob Zeb, Yas Kos thiab nws tus kwv Zam mus rau ib qho, ces lawv nce mus saum ib lub roob siab. 2 Yes Xus ib ce hloov tas nyob ntawm lawv xub ntiag : nws lub ntsej muag ci ntsa iab zoo li lub hnub, nws cov ris tsho ci dawb paug li qhov pom kev. 3 Ces Mais Xes thiab Es Lias nkawd tawm los rau lawv pom. Nkawd nrog Yes Xus tham.

4 Pob Zeb hais rau Yes Xus tias : "Huab Tais, peb nyob ntawm no mas zoo tas nrho. Yog koj kheev no, kuv yuav ua peb lub tsev tsam phooj, ib lub rau koj, ib lub

rau Mais Xes, ib lub rau Es Lias."

5 Pob Zeb tseem tab tom hais li ntawd, ces muaj ib tw huab ci dawb paug los ntxoov npog nkaus lawv, ces ib lub suab hais hauv twv huab tuaj tias :

"Tus no, yog kuv leej tub uas kuv nyiam, nws yog kuv qhov chaw zoo siab, nej mloog nws mog !"

6 Cov thwj tim hnov lub suab ntawd, lawv khoov ntsej muag ti av, lawv ntshai kawg. 7 Tab sis Yes Xus txav los plhws lawv, thiab nws hais rau lawv tias :

"Nej sawv, nej txhob ntshai."

8 Ces lawv tsa muag ntsia, tsis pom leej twg li, kawg tshuav Yes Xus tib leeg xwb.

### **Nug txog Es Lias. 17 : 9 - 13.**

9 Thaum lawv nqes saum roob los, Yes Xus txwv lawv tias :

"Nej txhob qhia qhov nej tau pom no rau leej twg li, nej tos kom Neeg Leej Tub sawv hauv cov tuag rov los tso." 10 Cov thwj tim nug Yes Xus li no : "Ua cas cov Kws Ntawv Ntshiab hais tias Es Lias yuav xub los tso ?"

11 Yes Xus teb tias :

"Yog. Es Lias yuav los, nws yuav kho ib puas tsav yam. 12 Thiab kuv hais rau nej : Es Lias twb los lawm, tab sis lawv zeem tsis tau nws, lawv ua lwj ua liam rau nws raws lawv siab. Neeg Leej Tub kuj yuav raug lawv tsim ib yam nkaus."

13 Ces cov thwj tim thiaj to taub tias Yes Xus hais txog Zam Ntxuav Plig.

### **Tus tub qaug dab peg.**

**17 : 14 - 21.**

14 Thaum lawv rov los nrog tsoom sid, muaj ib tug neeg tuaj txog ntawm Yes Xus, nws txhos caug ntua hais rau Yes

Xus tias :

15 "Huab Tais, thov koj hhub kuv tus tub, nws qaug dab peg heev kawg. Nws ntog rau hauv hluav taws thiab rau hauv dej ntawzaus. 16 Kuv twb coj nws tuaj rau koj cov thwj tim, tab sis lawv kho tsis tau."

17 Yes Xus teb tias :

"Caj ces neeg tsis ntseeg thiab siab phem, kuv yuav nrog nej nyob txog tav twg ? Kuv yuav nyiaj nej txog thaum twg ? Nej coj nws los rau kuv ntawm no."

18 Yes Xus cem tus dab, ces tus dab phem tawm hauv tus me nyuam mus. Tus me nyuam zoo hlo tam sis ntawd.

19 Thaum cov thwj tim thiab Yes Xus lawv nyob ib cag, cov thwj tim txav los ze Yes Xus, lawv nug twj ywm tias :

"Vim li cas peb ntiab tsis tau tus dab ntawd ?"

20 Yes Xus hais rau lawv tias :

"Vim nej ntseeg tsawg. **Litawv Lais, kuv Zaj 17 thiab 18** hais tseeb rau nej, yog nej ntseeg luaj li lub noob zaub roj, mas nej hais rau lub roob ntawd tias : 'koj txav ntawm no mus lawm tod saib,' lub roob kuj yuav txav mus. Yuav tsis muaj ib yam uas nej ua tsis tau..." [21]

### **Yes Xus qhia zaum ob tias nws yuav raug luag tsim txom.**

**17 : 22 - 23.**

**18**

22 Muaj ib zaug Yes Xus lawv rov los Nkas Lis Lais, nws hais rau lawv tias :

"Neeg Leej Tub yuav raug luag muag rau hauv tsoom neeg txhais tes. 23 Lawv yuav muab nws tua, hnub peb nws yuav sawv rov los."

Tas cov thwj tim sawv daws ntxhov siab.

### **Yes Xus thiab Pob Zeb nkawd them**

**se rau lub Tuam Tsev Teev Ntuj.**  
**17 : 24 - 27.**

24 Thaum Yes Xus lawv rov qab los rau Kas Fas Naus, cov sau se rau lub Tuam Tsev Teev Ntuj tuaj cuag Pob Zeb, lawv hais rau nws tias :

"Nej tus xib hwb puas them se pab lub Tuam Tsev Teev Ntuj ?"

25 Pob Zeb teb tias :

"Nws them."

Thaum Pob Zeb los txog hauv tsev, mas Yes Xus xub ua ntej nug Pob Zeb tias :

"Xis Moos, koj xav li cas ? Cov vaj kav ntiaj teb sau se ntawm leej twg ? Ntawm lawv cov tub los ntawm luag tej qhua ?"

26 Pob Zeb teb tias :

"Lawv sau se ntawm luag tej qhua." Yes Xus hais rau Pob Zeb tias :

"Yog li, mas cov tub tsis them se. 27

Tab sis, wb yuav tsis txhob ua kom luag to taub yuam kev. Ua li mas, koj mus nram dej ntuj, koj pov nuv mus rub thawj tug ntses tawm tuaj. Koj nthos nkaus nws. Koj rua nws lub qhov ncauj : Koj yuav pom ib lub txiaj nyiag, koj muab rau lawv kom tau them se rau wb."

**Leej twg yog tus loj dua.**

**18 : 1 - 5.**

1 Lub caij ntawd cov thwj tim los cuag Yes Xus, lawv hais rau nws tias :

"Leej twg yog tus loj dua nyob hauv Ntuj lub Ceeb Tsheej ?"

2 Yes Xus hu ib tug me nyuam los ntawm nws, nws coj tus me nyuam los nyob hauv nruab nrab lawv, 3 nws hais tias :

"Kuv hais tseeb rau nej, yog nej tsis hloov rov los ua xws li ib co me nyuam, mas nej yuav mus tsis tau hauv Ntuj lub Ceeb

Tsheej. 4 Leej twg rov saib nws me xws li tus me nyuam no, tus ntawd yog tus loj dua nyob hauv Ntuj lub Ceeb Tsheej.

5 Leej twg txais ib tug me nyuam zoo li tus no, vim kuv lub npe, mas yog nws txais kuv."

**Kev coj luag ua txhaum.**

**18 : 6 - 11.**

6 "Leej twg cob ib tug me nyuam ntseeg txog kuv kom ua txhaum, mas txhiaj khoov cia luag muab luj lub zeb zom dai ntawm nws caj dab, thiab muab nws pov rau hauv dej ntuj. 7 Lub qab ntuj neeg tau txais txoj hmoov phem, vim tej kev cob kom neeg ua txhaum. Yeej yuav muaj kev cob kev qhia luag ua txhaum, tab sis tus neeg cob luag ua txhaum, yuav tau txoj hmoov phem.

**Mas Tais, Zaj 18**

8 Yog koj txhais tes los txhais taw coj koj mus ua txhaum, muab txiav pov tseg deb koj : txhiaj khoov cia tu tes los deeg pauv mus hauv Txoj Sia, zoo dua koj muaj ob txhais tes ob txhais taw, tab sis koj poob hauv cov hluav taws kub tas ib txhiab ib txhis. 9 Yog koj sab qhov muag coj koj mus ua txhaum, muab kaus pov tseg deb koj : txhiaj khoov cia dig ib sab qhov muag mus hauv Txoj Sia, zoo dua muaj ob sab qhov muag, tab sis poob hauv dab phem lub qhov hluav taws.

10 Nej ceev faj, tsis txhob thuam ib tug me nyuam yaus li : kuv hais rau nej li ntawd, vim nyob saum ntuj, cov Tshiab zov lawv ntsia ntsoov kuv Txiv nyob saum ntuj lub ntsej muag mus li." [11...]

**Tus yaj poob zoo. 18 : 12 - 14.**

12 "Raws li nej xav, yog ib tug neeg muaj ib puas tus yaj, ib tug mus poob zoo

lawm. Nws puas yuav tsis tso cuaj caum cuaj tug ntawd cia saum roob, mus nrhiav tus uas poob zoo lawd ? 13 Kuv hais tseeb rau nej, thaum nws nrhiav tau tus yaj poob zoo, mas nws zoo siab rau tus ntawd tshaj rau cuaj caum cuaj tug uas tsis tau poob zoo. 14 Nej Txiv nyob saum ntuj, kuj zoo ib yam li ntawd thiab : nws tsis xav kom ib tug me nyuam yaus no ploj li.”

### **Kev sib qhia sib ntuas.**

**18 : 15 - 18.**

15 “Yog koj ib tug kwv tij ua txhaum, koj yuav mus cuag nws. Thaum neb ob leeg nyob ua ke, koj yuav ntuas nws. Yog nws mloog koj, mas koj pab tau nws lawm. 16 Yog nws tsis mloog koj, koj yuav coj ib leeg los ob leeg nrog koj mus dua, kom ob tug los peb tug tim khawv nrog tu tej lus ntawd. 17 Yog nws tsis mloog cov nrog koj thiab, koj yuav qhia lub Koom Txoos paub. Yog nws tseem tsis mloog lub Koom Txoos hais thiab, ces koj yuav saib nws zoo li ib tug neeg teev pej kum dab los ib tug sau se.

18 Kuv hais tseeb rau nej : nej khi yam twg nyob ntiaj teb no, mas Ntuj yuav saib yam ntawd yog khi nyob saum ntuj. Nej daws yam twg nyob ntiaj teb no, mas Ntuj kuj yuav saib yam ntawd yog daws nyob saum ntuj.”

### **Sib koom teev ntuj. 18 : 19 - 20.**

19 “Kuv hais tseeb rau nej tias : yog muaj ob leeg hauv nej koom suab thov dab tsi nyob ntiaj teb no, mas kuv Txiv nyob saum ntuj yuav pub yam ntawd rau nkawd. 20 Thaum ob leeg los peb leeg sib sau ua ke tuav txog kuv lub npe, mas

kuv nyob hauv nruab nrab lawv.”

### **Txoj kev sib zam. 18 : 21 - 22.**

21 Thaum ntawd, Pob Zeb txav los hais rau Yes Xus tias :

“Huab Tais, yog kuv tus kwv ua txhaum rau kuv, kuv yuav zam pes tsawg zaus ? Kuv puas yuav zam txog xya zaus ?”

22 Yes Xus hais rau Pob Zeb tias : “Kuv tsis hais rau koj tias 'xya zaus'. Kuv hais rau koj tias, 'xya caum xya zaus'.”

### **Tus tub txib tsis hlub luag.**

**18 : 23 - 35.**

23 “Li ntawd, Ntuj lub Ceeb Tsheej yog zoo li ib tug vaj uas xav nrog nws cov tub txib txheeb nws tej nyiaj txiag.

24 Thaum lawv pib txheeb <sup>Mas Tais, Zaj</sup> tsis luag <sup>ces</sup> ntawd. ib tug tub txib uas tshuav nuj nqis ib vam nras nyiaj, tuaj rau tus vaj. 25 Tus tub txib tsis muaj dab tsi them, ces tus vaj kom luag muab nws thiab nws poj niam, nws cov me nyuam thiab tas nws lub cuab tam huv si muag, los them cov nuj nqis ntawd. 26 Tus tub txib txhos caug ntua ntawm tus tswv ko taw, nws pe tus tswv, nws hais tias :

“Thov koj ua siab ntev rau kuv, kuv yuav them kom tas rau koj.”

27 Tus tswv hlub tus tub txib, ces nws tso tus tub txib mus thiab tseem zam cov nuj nqis huv tib si rau nws. 28 Thaum tus tub txib tawm rov qab mus, nws ntsib nws ib tug npawg, uas tshuav nqi ntawm nws ib puas lub txiaj nyiaj. Tus tub txib ntawd nthos nkaus nws tus npawg caj dab, zawm tus npawg caj pas, thiab hais tias : “Them koj cov nqi.”

29 Nws tus npawg txhos caug ntua ntawm nws ko taw thov tias :

“Thov koj ua siab ntev rau kuv, kuv yuav them rau koj.”

30 Tab sis tus tub txib ntawd tsis kam li, nws kom luag muab nws tus npawg kaw hauv tsev loj faj mus txog hnub tus npawg them nuj nqis tas huv tib si rau nws. 31

Tus tub txib cov phoqj ywg pom nws ua li ntawd, lawv chim kawg, lawv mus qhia tej ntawd rau lawv tus tswv. 32 Ces tus vaj hu tus tub txib tuaj, nws hais rau tus tub txib ntawd tias :

“Tub txib siab phem dab tsi ! Cov nuj nqis uas koj tshuav ntawm kuv, kuv twb zam tas huv si rau koj, vim koj thov kuv. 33 Ua cas koj tsis hlub koj tus npawg zoo li kuv tau hlub koj ?” 34 Ces tus vaj npau taws heev, nws muab tus tub txib rau cov tub hiam neeg mus txog hnub nws them nws cov nuj nqis tas huv tib si.

35 Nej txhua tus, yog nej tsis zam hauv nruab siab rau nej ib tug kwv tij, mas kuv Txiv nyob saum Ntuj kuj yuav ua ib yam li ntawd rau nej thiab.

### Nug txog kev sib nrauj.

19 : 1 - 9.

19 Haum Yes Xus hais cov lus ntawd tas, nws tso Nkas Lis Lais teb tseg, nws mus rau Yus Das teb sab dej Yos Las Das tim ub. 2 Tej pab neeg coob raws nws, nws kho lawv nyob ntawd. 3 Ib co Fas Lis Xais los cuag Yes Xus, lawv xav sim nws, lawv hais rau nws tias :

“Puas muaj cai nrauj yus poj niam vim qhov ub qhov no ?”

4 Yes Xus teb tias :

“Nej tsis tau nyeem tias, thaum chiv lub keeb, tus Tsim neeg, nws tsim kom muaj txiv neej thiab poj niam, 5 thiab nws hais tias : Vim qhov ntawd, mas txiv neej yuav tso nws niam nws txiv tseg mus npuab

nws poj niam, ob tug ntawd yuav ua ib lub cev nqaij xwb ? 6 Vim li ntawd, nkawd tsis yog ob leeg lawm, nkawd yog ib lub cev nqaij xwb. Qhov uas Tswv Ntuj sau los ua ke, mas neeg tsis txhob muab cais.”

7 Lawv teb rau Yes Xus tias :

“Vim li cas Mais Xes ho hais kom ua ntawv nrauj thaum yus nrauj yus poj niam ?”

8 Yes Xus hais rau lawv tias :

“Yog vim nej lub siab twm xeeb, ces Mais Xes thiaj kheev kom nej nrauj poj niam. Tab sis thaum chiv lub keeb, mas tsis yog li ntawd. 9 Kuv hais rau nej : tus twg nrauj nws poj niam, nws ho rov yuav dua ib tug, nws yog ib tug muaj txij nkawm mus deev hluas. Qhov no tsis hais txog tus poj niam uas mus nrog lwm tus txiv neej ua dev ua npua.”

Mas Tais, Zaj 19

### Kev nyob tab seeb. 19 : 10 - 12.

10 Cov thwj tim hais rau Yes Xus tias:

“Yog txiv neej yuav tsum ua zoo li ntawd rau nws tus poj niam, mas txhob yuav poj niam zoo dua.”

11 Yes Xus hais rau lawv tias :

“Tsis yog sawv daws yuav to taub cov lus no, tsuas yog cov uas Ntuj pub rau, mas lawv thiaj to taub. 12 Muaj ib co neeg nyob tab seeb, vim lawv yug los ua tsis taus txiv neej. Muaj ib co nyob tab seeb, vim neeg muab lawv sam. Hos muaj ib co neeg txhob txwm nyob tab seeb vim Ntuj lub Ceeb Tsheej. Leej twg txawj to taub, mas cia nws to taub.

### Yes Xus thiab cov me nyuam.

19 : 13 - 15.

13 Thaum ntawd, muaj neeg coj ib co me

nyuam yaus tuaj rau Yes Xus kom Yes Xus tsa tes thov Ntuj rau lawv, tab sis cov thwj tim cem cov neeg ntawd. 14

Yes Xus thiaj hais tias : “Nej cia cov me nyuam no tuaj cuag kuv mas, nej txhob txwv lawv ; vim cov yuav tau Ntuj lub Ceeb Tsheej yog cov neeg zoo li cov me nyuam no.”

15 Ces Yes Xus tsa tes rau saum cov me nyuam ntawd tas, nws mam mus ntxiv.

### Tus hluas nplua nuj.

19 : 16 - 22.

16 Muaj ib tug neeg tuaj cuag Yes Xus, nws hais rau Yes Xus tias :

“Xib Hwb, kuv yuav ua dab tsi zoo, kuv thiaj tau txoj sia nyob mus li ?”

17 Yes Xus teb rau tus hluas tias :

“Vim li cas koj nug kuv txog qhov zoo ? Tsuas muaj tib leeg xwb thiaj yog Tus Zoo. Yog koj xav muaj txoj sia, koj yuav ua raws li cov lus qhia.”

18 Tus hluas hais tias :

“Cov lus qhia twg ?

Yes Xus hais rau nws tias :

“Koj txhob tua neeg, koj txhob zes luag txij luag nkawm, koj txhob ua tub sab, koj txhob ua tim khawv cuav, 19 koj hwm koj niam koj txiv, koj yuav nyiam tus nyob ze koj ib yam li koj nyiam koj.”

20 Tus hluas hais rau Yes Xus tias :

“Kuv yeej ua raws li ntawd tas huv tib si lawm. Tshuav dab tsi kuv tsis tau ua ?”

21 Yes Xus hais rau nws tias :

“Yog koj xav kom koj zoo tshaj, mas koj rov mus muab txhua txhia yam uas yog koj tug muag, muab pub rau cov pluag, ces koj yuav muaj ib lub cuab tam muaj nqis loj nyob saum ntuj. Ua qhov ntawd tas, mas koj los raws kuv.”

22 Tus hluas hnov cov lus no tas, nws tu

siab, nws rov mus tsev, vim nws muaj cuab yeej cuab tam ntau.

### Nyiaj txiag khuam txoj kev raws

Yes Xus qab. 19 : 23 - 26.

23 Yes Xus thiaj hais rau nws cov thwj tim tias :

“Kuv hais tseeb rau nej : ib tug neeg nplua nuj yuav ceeb laj nkag mus hauv Ntuj lub Ceeb Tsheej. 24 Kuv tseem rov hais dua rau nej : ib tug ntxhuav yuav nkag hauv ib lub qhov koob, mas tseem yooj yim dua ib tug neeg nplua nuj mus hauv Ntuj lub Ceeb Tsheej.”

25 Cov thwj tim hnov cov lus ntawd, lawv yoob tas, lawv hais tias :

“Yog li leej twg thiaj yuav tau txais kev cawm ?”

26 Yes Xus ntsia lawv, nws hais rau lawv tias :

Mas Tais, Zaj 19 thiab 20

“Yog neeg ua neeg xwb mas yeej tsis tau li. Tab sis, ntawm Tswv Ntuj, mas nws ua tau tas ib puas tsav yam.”

### Tso ib puas tsav yam tseg, yuav tau dab tsi ? 19 : 27 - 30.

27 Ces Pob Zeb teb rau Yes Xus tias :

“Peb, mas peb tso ib puas tsav yam tseg, peb los raws koj, peb yuav tau dab tsi ?”

28 Yes Xus hais rau lawv tias :

“Kuv hais tseeb rau nej cov uas raws kuv : lub zim txwv uas txhua tsav txhua yam yuav rov plhis tshiab, mas Neeg Leej Tub yuav zaum saum nws lub theej kiab muaj hwj chim, ces nej kuj yuav zaum saum kaum ob lub theej kiab, txiav txim rau kaum ob xeem lub His Xas Lais.

29 Tus uas tau tso vaj tse, kwv tij, muam, niam txiv, me tub me nyuam thiab tso liaj teb tseg, vim kuv lub npe, mas tus ntawd

yuav tau txais ntau tshaj qhov nws tso tseg, thiab nws tseem yuav tau t xoq sia nyob mus li los ua nws tug.

30 Cov ua ntej, muaj coob leej yuav tuaj tom qab ; hos muaj coob leej tuaj tom qab, yuav tau ua ntej.”

**Zaj paj lug txog tus tswv teb siab zoo. 20 : 1 - 16**

**20** 1 Vim tias Ntuj lub Ceeb Tshee piv tau rau ib tug tswv teb uas thaum kaj ntug, nws tawm mus nrhiav tub zog tuaj ua nws daim teb txiv cawv. 2 Nws nrog cov tub zog hais haum ib hnub ib lub txiaj nyiag, ces nws xa lawv mus tom daim teb txiv cawv. 3 Ze cuaj teev, nws tawm mus ncig, nws pom ib co neeg nyob dag tom tshav puam. 4 Nws hais rau lawv tias : “Nej mus ua num tom kuv daim teb txiv cawv, kuv yuav muab nqi kom haum nej.” 5 Ces lawv mus.

Kwv yees tav su, nws rov tawm mus ncig, thaum hnub qaij peb teev nws rov mus ua li qub. 6 Thaum hnub qaij ze li tsib teev, nws rov tawm mus ncig dua, nws tseem pom ib co nyob dag, nws hais rau lawv tias : “Vim li cas nej nyob dag tas hnub ntawm no, tsis ua num dab tsi li ?”

7 Lawv hais rau nws tias :  
“Vim tsis muaj neeg ntiaj peb.”  
Tus tswv hais tias :  
“Nej mus ua num tom kuv daim teb txiv cawv thiab mas.”

8 Thaum tsaus ntuj, tus tswv teb hais rau tus tswj nyiaj txiag tias :  
“Koj hu cov tub zog los, koj muab nyias tus nqe zog rau nyias. Koj xub hu cov tuaj tom qab zuj zus los xaus rau cov xub tuaj.”

9 Cov tub zog uas tuaj thaum tsib teev

hnub qaij los txog, lawv ib leeg tau ib lub txiaj nyiag. 10 Cov xub tuaj los txog, lawv xav tias lawv yuav tau txais nqi zog ntau dua, tab sis lawv ib leej kuj tau ib lub txiaj nyiag thiab. 11 Thaum lawv txais lawv tus nqi, lawv yws rau tus tswv teb tias :

12 “Cov tuaj tom qab ua num ib teev xwb, koj muab rau lawv ib yam li muab rau peb, hos peb, mas peb kwv nra thiab tiv tshav ib hnub.”

13 Ces tus tswv teb hais rau cov xub tuaj ib tug tias :

“Npawg, kuv tsis tau ua tsis ncaj rau koj : wb tsis tau hais haum tias ib hnub ib lub txiaj nyiag no lod ? 14 Txais koj tus nqi zog, koj cia li mus. Kuv xav muab rau tus tuaj tom qab no, ib yam li muab rau koj : 15 kuv tsis muaj cai rho kuv tej nyiaj txiag raws kuv siab lod ? Los yog koj khib vim kuv siab zoo ?”

**Mas Tais, Zaj 20**

16 Cov tuaj tom qab yuav tau ua ntej,

hos cov ua ntej yuav tuaj tom qab zoo li no.

**Yes Xus qhia tias nws yuav raug luag tsim txom, zaum peb.**

**20 : 17 - 19.**

17 Thaum Yes Xus lawv mus pem Yes Lus Xas Les, Yes Xus coj Pab Kaum Ob mus rau ib cag. Lawv tab tom mus kev, ces Yes Xus hais rau lawv tias :

18 “Peb mus pem Yes Lus Xas Les. Neeg Leej Tub yuav raug luag muag rau cov thawj leej choj thiab cov Kws Ntawv Ntshiab. Lawv yuav txiav lub txim tuag rau nws. 19 Lawv yuav muab nws rau cov neeg teev pej kum dab kom lawv thuam nws, nplawm nws thiab muab nws tsa saum ntoo cuam. Hnub peb, nws yuav

sawv rov los.”

**Niam Ntxes Npes Dais thov  
Yes Xus. 20 : 20 - 23.**

20 Thaum ntawd, niam Ntxes Npes Dais nrog nws ob tug tub los ze Yes Xus, niam Ntxes Npes Dais txhos caug thov ib yam ntawm Yes Xus.

21 Yes Xus hais rau nws tias :

“Koj xav tau dab tsı ?”

Leej niam hais rau Yes Xus tias :

“Thov koj cia kuv ob tug tub no, ib tug zaum ntawm koj sab xis, ib tug zaum ntawm koj sab laug nyob hauv koj lub Ceeb Tsheej.”

22 Yes Xus teb tias :

“Nej tsis paub qhov nej thov. Neb puas haus taus lub ntim uas kuv yuav haus ?”

Nkawd teb tias :

“Wb haus taus.”

23 Yes Xus hais rau nkawd tias :

“Kuv lub ntim, mas neb yuav haus, tab sis qhov yuav tau zaum ntawm kuv sab xis thiab sab laug, tsis yog kuv yuav muab rau neb. Kuv Txiv npaj qhov ntawd rau leej twg, mas yog leej twg tug.”

**Cov thawj coj yuav tsob hwb luag.  
20 : 24 - 28.**

24 Kaum leej thwj tim hnov cov lus thov ntawd, lawv npau taws rau nkawd ob kww tij. 25 Ces Yes Xus hu lawv kom txav los ze nws, nws hais tias :

“Nej paub tias cov thawj tswj tsoom kuj cuab kav pej xeem nruij, cov loj ua kom luag pom tias lawv muaj peev xwm tswj pej xeem. 26 Tab sis nyob hauv nej, mas yuav tsis txhob muaj li ntawd : leej twg xav ua tus loj nyob hauv nej, mas nws yuav ua nej tus tub txib. 27 Leej twg xav

ua nej tus thawj, mas nws yuav ua nej tus qhev. 28 Yog vim li ntawd, Neeg Leej Tub tsis tuaj nyob ntiaj teb no kom luag tsob hwb nws. Nws tuaj tsob hwb sawv daws, thiab muab nws txoj sia los ua nqi txhiv coob leej.

**Ob tug neeg dig muag nyob  
Yes Lis Kos. 20 : 29 - 34.**

29 Thaum lawv tawm hauv lub tsheej Yes Lis Kos, ib pab neeg coob raws Yes Xus mus. 30 Muaj ob tug neeg dig muag zaum ntawm ntug kev. Thaum nkawd hnov tias Yes Xus hla ntawd mus, ces nkawd hu nrov nrov tias :

“Huab Tais, Das Vis Leej Tub, thov koj khuv leej wb !”

31 Cov neeg cem nkawd kom ua twj ywm. Tab sis ob tug dig ~~muag~~ <sup>Mas</sup> Tais, ~~Zaj~~ <sup>hla</sup> 20 thiab 21 hu nrov dua tias :

“Huab Tais, Das Vis Leej Tub, thov koj khuv leej wb !”

32 Yes Xus nres, nws hu nkawd tias : “Neb xav kom kuv ua dab tsı rau neb ?”

33 Nkawd hais rau Yes Xus tias : “Huab Tais, thov koj qhib wb qhov muag !”

34 Yes Xus hlub nkawd, nws kov nkawd qhov muag, nkawd rov pom kev tam sis ntawd. Ces nkawd raws Yes Xus mus.

**Yes Lus Xas Les txais Yes Xus xws  
li Leej Pleev. 21 : 1 - 11.**

**21** 1 Thaum Yes Xus lawv tuaj yuav txog Yes Lus Xas Les, thiab twb tuaj txog Npes Fas Zes ntawm lub roob txiv ntoo roj lawm, Yes Xus xa ob tug thwj tim mus ua ntej. 2 Nws hais rau nkawd tias :

“Neb mus hauv lub zos nyob tom neb hauv ntej, neb yuav pom ib tug maum luij

khi nrog nws tus me nyuam. Neb daws tus maum luj, neb cab ob niam tub luj los rau kuv. 3 Yog muaj neeg hais dab tsi rau neb, ces neb hais rau lawv tias :

“Huab Tais yuav siv. Ib me ntsis, nws yuav xa rov los.”

4 Qhov ntawd tshwm sim tuaj raws li tus yaj saub xub hais tseg tias :

5 Nej hais rau tus ntxhais Xis Yoos tias :  
Saib, koj tus vaj tuaj cuag koj.

Nws siab zoo. Nws zaum saum ib tug luj,  
nws caij ib tug me nyuam luj,  
yog tus luj thauj nra tus me nyuam.

6 Ob tug thwj tim mus ua raws li Yes Xus tau hais. 7 Nkawd cab ob niam tub luj los. Nkawd muab nkawd ob lub tsho tshaj sab pua luj nrob qau, ces Yes Xus zaum saud. 8 Muaj neeg coob coob hle lawv tej tsho tshaj sab los pua kev. Tseem muaj lwm cov txiav ceg ntoo los pua kev thiab. 9 Tas tsoom neeg uas mus ua Yes Xus ntej thiab lawv Yes Xus qab qw tias : “Das Vis Leej Tub, thov koj cawm peb.  
Tus uas Huab Tais xa tuaj, nto koob meej ! Tus nyob saum cov txheej ntuj siab, thov koj cawm peb !”

10 Thaum Yes Xus los hauv Yes Lus Xas Les, mas tas lub nroog ua nphoo ntxoj nphoo ntxuas. Lawv hais tias : “Yog leej twg ?”

11 Tas tsoom sid hais tias :

“Yog tus Yaj Saub Yes Xus, uas tuaj ntawm Nas Xas Les, xeev Nkas Lis Lais tuaj.”

### **Yes Xus ntiab cov tub luam tawm hauv lub Tuam Tsev Teev Ntuj. 21 : 12 - 17.**

12 Yes Xus mus hauv lub Tuam Tsev Teev Ntuj, nws ntiab cov tub luam tuaj muag thiab cov tuaj yuav toob xib huv si

tawm. Nws ntxeev cov neeg pauv nyiaj tej rooj thiab cov muag nquab cov tog zaum. 13 Ces nws hais rau lawv tias :

“Ntawv sau hais tias : *Kuv lub tsev yuav hu ua tsev teev Ntuj. Hos nej, nej muab kuv lub tsev ua tub sab lub qhov nkaum !*”

14 Muaj ib co neeg dig muag thiab ib co ceg tawv los cuag Yes Xus hauv lub Tuam Tsev Teev Ntuj, Yes Xus kho lawv zoo.

15 Cov thawj leej choj thiab cov Kws Ntawv Ntshiab pom cov hwj huam yees ntxwv Yes Xus nyuam qhuav ua, thiab tseem hnov me nyuam yaus qw hauv lub Tuam Tsev Teev Ntuj tias : “Das Vis leej Tub, thov koj cawm peb”, mas lawv khib kawg, 16 lawv hais rau Yes Xus tias :

“Koj puas hnov cov tod hais ~~Nas~~ **Tais, Zaj 21**  
Yes Xus teb lawv tias :

“Hnov. Nej tsis tau nyeem cov lus hais tias : *Koj ua kom cov me nyuam yaus thiab cov mos liab lub ncauj cav txog koj lub koob meej ?*”

17 Yes Xus tso lawv tseg, nws tawm hauv nroog mus rau Npes Tas Nias, nws pw ib hmos nyob Npes Tas Nias.

### **Tsob txiv ncuav piás tsis txi txiv. 21 : 18 - 22.**

18 Yes Xus sawv ntxov rov los hauv nroog, nws tshaib plab. 19 Nws pom ib tsob txiv ncuav piás nyob ze ntawm ntug kev. Nws mus xyuas, tab sis tsuas pom nplooj xwb. Yes Xus hais rau tsob txiv ncuav piás tias :

“Txij no mus, koj yuav tsis txi txiv ib zaug ntxiv lawm !”

Ib sij huam, tsob txiv ncuav piás cia li qhuav kiag. 20 Cov thwj tim pom li ntawd, lawv yoob tas, lawv hais tias :

“Ua cas tib pliag xwb, tsob txiv ncuav  
pias cia li qhuav ?”

21 Yes Xus hais rau lawv tias :

“Kuv hais tseeb rau nej, yog nej lub siab  
ntseeg tsis ua xyem xyav li, mas tsis yog  
nej yuav ua tau Yam uas kuv nyuam  
qhuav ua rau tsob txiv ncuav pias ntawd  
xwb, nej tseem yuav hais tau rau lub roob  
no tias : “Koj sawv, koj dhia lawm hauv  
dej ntuj”, los yeej muaj taus li ntawd. 22  
Tas txhua Yam uas nej thov thaum nej  
teev Ntuj vim nej ntseeg tiag, mas nej  
yuav tau txais Yam ntawd.”

**Cov Yus Das nug saib Yes Xus  
muaj cai los qhov twg los.**

**21 : 23 - 27.**

23 Yes Xus mus hauv lub Tuam Tsev  
Teev Ntuj. Thaum nws qhia sawv daws,  
cov thawj leej choj thiab pej xeem cov  
laus neeg txav los ze Yes Xus, lawv hais  
rau nws tias :

“Koj muaj cai qhov twg los, koj thiaj ua  
tej ntawd ? Leej twg pub cai rau koj ua li  
ntawd ?”

24 Yes Xus teb lawv tias :

“Hos ntawm kuv, mas kuv kuj yuav nug  
nej ib los thiab. Yog nej teb kuv, kuv mam  
yuav qhia nej tias leej twg pub cai rau kuv  
ua li ntawd. 25 Zam lub cim ntxuav tuaj  
qhov twg tuaj ? Puas tuaj ntawm Ntuj  
tuaj los tuaj ntawm neeg tuaj ?”

Cov thawj leej choj thiab cov laus neeg  
xav tswv yim hauv siab tias : 26 “Yog  
peb hais tias ‘tuaj ntawm Ntuj tuaj’ ; nws  
yuav nug peb tias : “Yog li, uas cas nej  
tsis ntseeg nws ?” Hos yog peb hais tias  
‘Tuaj ntawm neeg tuaj,’ peb kuj ntshai  
tsoom pej xeem, vim sawv daws saib Zam  
yog ib tug yaj saub.”

27 Ces lawv teb rau Yes Xus li no : “Peb

tsis paub.”

Yes Xus teb rau lawv tias :

“Kuv kuj ib Yam, kuv tsis qhia nej tias  
kuv tau cai ntawm leej twg los ua tej  
ntawd.”

**Zaj paj lug txog ob tug tub.**

**21 : 28 - 32.**

28 “Nej sim hais saib, nej xav li cas. Ib  
tug neeg muaj ob tug tub. Nws hais rau  
thawj tug tias :

“Me tub, hnub no koj mus ua num tom teb  
txiv cawv.”

29 Tus tub ntawd teb tias :

“Kuv tsis xav mus.”

Tab sis, ib me ntsis, nws khuv xim, ces  
nws cia li mus ua teb. 30 **May Taisku Zaj 21 thiab 22**

hais rau lwm tus tub ib Yam li rau thawj  
tug thiab. Tus tub ntawd teb tias :

“Huab tais, kuv yuav mus.”

Tab sis nws tsis mus.

31 Ob tug tub no, tus twg tau ua raws li  
leej txiv xav kom ua ? Lawv teb tias :

“Yog thawj tug.”

Yes Xus hais rau lawv tias :

“Kuv hais tseeb rau nej, cov sau se thiab  
cov niam ntiau xub mus hauv Ntuj lub  
Ceeb Tsheej dua nej. 32 Vim tias, Zam  
tuaj qhia Txoj Kev ncaj rau nej, tab sis nej  
tsis ntseeg txog nws. Hos cov sau se, thiab  
cov niam ntiau ntseeg txog nws.

Tab txawm nej pom lawv tus qauv zoo,  
tom qab no, nej kuj tsis hloov siab los  
ntseeg txog nws.”

**Zaj paj lug txog cov tub zog zov  
teb tua neeg. 21 : 33 - 46.**

33 “Nej mloog dua ib zag paj lug li no.  
Muaj ib tug tswv teb, nws cog tau ib thaj  
txiv cawv. Nws xov laj kab ncig nws thaj

teb. Nws txaug ib lub zeb zom txiv cawy, thiab tseem txhim tau ib lub lawj siab siab cia. Nws ntiav ib co neeg zov, ces nws tawm rooj mus kev deb.

34 Thaum yuav txog caij de txiv, nws xa nws cov tub txib mus nqa txiv caww ntawm cov zov teb. 35 Cov neeg zov teb ntes cov tub txib, muab ib tug ntaus, muab ib tug tua, muab pob zeb los txawb lwm tus kom tuag. 36 Tus tswv rov xa ib co tub txib coob dua thawj cov mus, cov zov teb kuj ua ib yam li lawv ua rau thawj cov. 37 Qhov kawg, nws xa nws tus tub mus cuag lawv, nws xav tias : “Lawv yuav hwm kuv tus tub.”

38 Tab sis cov zov teb pom dheev tus tub, lawv sib tham tias : “Tus ntawd yog tus yuav txais cuab tam. Tsuag tsuag ! Peb muab nws tua. Lub cuab tam thiaj yuav yog peb tug.” 39 Ces lawv ntes ntho tus tub, coj nws mus pov rau tom ntug teb thiab muab nws tua. 40 Thaum tus tswv teb txiv caww tuaj txog, nws yuav ua dab tsi rau cov zov teb ?”

41 Lawv teb rau Yes Xus tias :

“Nws yuav ua kom cov zov teb siab phem ntawd tuag txom nyem ntsuav, ces nws yuav ntiav lwm cov neeg zov nws daim teb. Thaum txog caij txiv caww siav, cov ntawd yuav xa cov txiv rau tus tswv.”

42 Yes Xus hais rau lawv tias :

“Nej puas tau nyeem ib zaug li txog cov lus hauv Ntawv tias :

*Lub pob zeb uas cov tub txhim tsev muab pov tseg, yog lub pob zeb txheem lub ncov ruv tsev. Qhov ntawd yog tuaj ntawm Huab Tais tuaj. Yog ib yam zoo nkauj zoo saib rau ntawm peb qhov muag.*

43 Vim li ntawd, kuv hais rau nej : Ntuj yuav thau lub Ceeb Tsheej ntawm nej los

cev rau ib haiv neeg uas yuav muab siab rau tu kom txi txiv.” [44]

45 Cov thawj leej choj thiab cov Fas Lis Xais hnov Yes Xus cov zaj paj lug, lawv to taub tias Yes Xus hais txog lawv.

46 Lawv nrhiav kev ntes Yes Xus. Tab sis lawv ho ntshai tsoom sid, vim sawv daws saib Yes Xus yog ib tug yaj saub.

### **Zaj paj lug hais txog lub ntees tshoob. 22 : 1 – 14.**

**22** 1 Yes Xus tsa ncauj rov ua paj lug hais rau lawv ntxiv tias :

2 “Ntuj lub Ceeb Tsheej zoo li ib tug vaj uas nws ua tshoob rau nws tus tub.

3 Nws xa tub txib mus nqua hu neeg tuaj noj tshoob, tab sis lawv tsis xav **Mas Tais, Zaj 22** Nws rov xa dua ib pab tub txib mus, nws hais li no :

“Nej hais rau cov raug caw tias : Nej saib, kuv twb npaj kuv rooj qav tiav tas, kuv tej heev nyuj thiab cov tsiaj rog puav leej tua tas lawm. Txhua yam npaj txhij tas. Nej kav tsij tuaj nrog noj tshoob !”

5 Tab sis cov neeg ntawd tsis quav ntsej, lawv nyias mus nyias : ib tug mus tom teb, ib tug mus ua luam. 6 Hos lwm cov tseem nthos nkaus cov tub txib ntes, hiam lawv, muab lawv tua pov tseg. 7 Tus vaj npau taws, nws xa nws cov tub rog mus tua cov neeg txo luag siav ntawd thiab hlawv lawv lub nroog. 8 Ces nws hais rau nws cov tub txib tias :

“Rooj tshoob npaj tau txhij, tab sis cov neeg kuv caw tsis tsim nyog noj. 9 Nej mus tom tej ncauj ke, nej pom tsawg leej, nej nqua hu kom tuaj noj rooj tshoob.”

10 Cov tub txib mus txhua txoj kev, lawv sau tas txhua leej txhua tus uas lawv ntsib, cov phem cov zoo tuaj huv tib si. Neeg tuaj puv nkaus lub tsev noj tshoob.

11 Tus vaj chaws los xyuas cov neeg tuaj koom lub ntees tshoob. Nyob ntawd, nws pom ib tug tsis hnav tsoos noj tshoob. 12 Tus vaj hais rau nws tias :

“Npawg, koj tsis hnav tsoos noj tshoob, ua cas koj los hauv no ?”

Tus neeg ntawd nyob ntsiag to. 13 Ces tus vaj hais rau cov tub txib tias : “Nej muab nws pav tes pav taw, muab nws pov rau nraum zoov, hauv qhov tsaus ntuj : nyob ntawd, yuav quaj tom hniav nkawv.” 14 Vim tias Ntuj hu ntaw leej tuaj, tab sis tsawg leej raug xaiv.”

### Puas them se rau Xes Ntxas.

22 : 15 - 22.

15 Ces cov Fas Lis Xais mus sab laj saib lawv yuav lem Yes Xus li cas kom nws hais lus yuam kev. 16 Lawv thiaj xa lawv cov thwj tim nrog cov tuaj Hes Los tog mus hais rau Yes Xus tias :

“Xib Hwb, peb paub tias koj yog ib tug neeg hais qhov tseeb, thiab koj qhia Tswv Ntuj txoj kev raws nraim li qhov tseeb, koj tsis tsa leej twg cai, tsis ntsia saib yog tus loj los tus yau. 17 Koj sim qhia peb saib, raws li koj xav, Txoj Cai puas kheev them se rau Xes Ntxas los tsis kheev ?”

18 Tab sis Yes Xus twb paub lawv lub siab nkhaus, ces nws hais tias : “Neeg zoo sab nraud, vim li cas nej sim kuv ? 19 Muab nej lub nyiaj them se rau kuv saib.”

Lawv cev ib lub txiaj nyiag los.

20 Ces Yes Xus hais rau lawv tias : “Tus duab hauv no yog leej twg tus ? Thiab cov npe ntawv hauv no yog leej twg li ?”

Lawv teb tias :

21 “Yog Xes Ntxas li.”

Ces Yes Xus hais rau lawv tias :

“Yam twg yog Xes Ntxas tug, mas nej

muab rov rau Xes Ntxas. Yam twg yog Tswv Ntuj tug, mas nej muab rov rau Tswv Ntuj.” 22 Lawv hnov cov lus ntawd, lawv nyob hab nuv, ces lawv tso Yes Xus tseg, lawv rov qab mus.

### Cov tuag yuav sawv rov los.

22 : 23 - 33.

23 Cov Xas Dus Kais hais tias neeg tuag tsis sawv rov los. Hnub ntawd lawv tuaj cuag Yes Xus, lawv nug nws tias :

24 “Xib Hwb, Mais Xes qhia tias : *Yog ib tug neeg tuag tsis tau muaj tub ki, nws tus kww yuav tsum qaws tus niam tij, kom tsa tau tus kww tij lub keeb sawv.* 25 Yog li, nyob tim peb, muaj xya leej twg tij

Mas Fas, Zaj

22 thiab 23

Thawj tug yuav poj niam, nws tuag tsis tau muaj tub ki, tseg nws poj niam rau tus kww qaws. 26 Tus kww kuj tuag, tus peb kuj tuag, lawv xya leej puav leej tuag tas li ntawd. 27 Thaum kawg, tus poj niam kuj tuag lawv qab thiab. 28 Hnub sawv rov los, nyob hauv lawv xya leej ntawd, tus poj niam yuav yog leej twg poj niam ? Vim lawv puav leej tau yuav nws.”

29 Yes Xus teb lawv tias :

“Nej yuam kev, vim nej tsis paub Ntawv Ntshiab thiab tsis paub Tswv Ntuj lub hwj huam. 30 Thaum neeg yuav sawv rov qab los, sawv daws yuav tsis yuav poj niam, tsis yuav txiv, sawv daws yuav zoo li cov Tshiab nyob saum ntuj. 31 Hais txog neeg tuag yuav sawv rov qab los, nej tsis tau nyeem cov lus Tswv Ntuj hais rau nej tias : 32 *Kuv yog Has Nplas Has tus Tswv Ntuj, His Xas Has tus Tswv Ntuj, Yas Kos tus Tswv Ntuj ?* Nws tsis yog cov tuag tus Tswv Ntuj, nws yog cov neeg ciaj tus Tswv Ntuj.” 33 Cov pab neeg coob hnov Yes Xus hais li ntawd, lawv qhuas txog nws cov lus qhia.

**Txoj cai loj tshaj cov.****22 : 34 - 40.**

34 Cov Fas Lis Xais hnov tias Yes Xus teb rau cov Xas Dus Kais tws lus, ces lawv sib sau sab laj. 35 Lawv ib tug tuaj sim Yes Xus, nws yog ib tug kws lij choj, nws nug tias :

6 "Xib Hwb, nyob hauv Txoj Cai, lo lus qhia twg loj dua cov ?

37 Yes Xus hais rau nws tias :

"*Koj yuav muab tas koj lub siab, tas koj tus ntsuj plig, tas koj lub tswv yim los nyiam koj tus Huab Tais Tswv Ntuj .*

38 Lo lus qhia no yog lo lus qhia loj tshaj cov, yog thawj lo lus qhia. 39 Lo lus qhia ob kuj zoo ib yam thiab : *koj yuav nyiam tus nyob ze koj ib yam nkaus li koj nyiam koj.*

40 Tas Txoj Cai thiab cov Yaj Saub puav leej dai ncuv rau ob lo lus qhia no."

**Leej Pleev yog Das Vis leej tub thiab Das Vis tus Huab Tais.****22 : 41 - 46.**

41 Lub caij cov Fas Lis Xais sib sau ua ke, Yes Xus nug lawv zoo li no :

42 "Nej xav li cas txog Leej Pleev ? Nws yog leej twg tub ? Lawv hais rau Yes Xus tias : "Yog Das Vis tub." 43 Yes Xus hais tias : Vim li cas, Ntuj tshoj Das Vis siab, Das Vis hu Leej Pleev ua Huab Tais, thaum nws hais tias :

44 *Huab Tais hais rau kuv tus Huab Tais tias : Koj zaum ntawm kuv sab xis mus txog hnub kuv tso koj cov yeeb ncuab rau hauv koj qab xib taws ?*

45 Yog Das Vis hu Leej Pleev ua Huab Tais, ua cas Leej Pleev ho yog Das Vis tub ?"

46 Tsis muaj leej twg teb tau Yes Xus ib los li. Txij hnub ntawd los, tsis muaj neeg muaj cuab kav nug Yes Xus.

**Cov Fas Lis Xais thiab cov Kws Ntawv Ntshiab siab tsis ncaj thiab muab hlob. 23 : 1 - 12.**

**23** 1 Yes Xus qhia tsoom sid thiab nws cov thwj tim. Nws hais tias :

2 "Cov Kws Ntawv Ntshiab thiab cov Fas Lis Xais zaum Mais Xes lub theej kiab lawm. 3 Nej ua tas txhua yam lawv qhia nej, thiab nej khaws huv tib si tseg, tab sis nej txhob ua raws li lawv. Vim lawv qhia, tab sis lawv tsis ua raws. 4 Lawv nog tej lub nra hnyav yuam rau tsoom ~~Max~~ Mais, Zaj 23 pwg, tab sis lawv tsis kam cev ib tug ntiv tes los kov.

5 Lawv ua txhua tsav txhua yam kom luag qhuas. Yog li ntawd, lawv thiaj coj tej txws ntim Txoj Cai dav dav, thiab dai tej tw ntxhoo ntev ntev. 6 Thaum lawv mus noj nqaij haus cawv, lawv nyiam zaum thawj lub rooj. Nyob hauv cov tsev txoos, lawv nyiam zaum cov rooj pem hauv ntej.

7 Lawv nyiam kom luag hawm lawv tom tej tshav puam, nyiam hnov sawv daws hu lawv ua "Xib Hwb".

8 Hos nej, mas nej txhob cia luag hu nej ua "Xib Hwb", vim nej tsuas muaj tib tug Xib Hwb xwb, thiab nej sawv daws yog ib co kww tij. 9 Nej txhob hu leej twg nyob ntiaj teb no ua "Txiv", vim nej tsuas muaj tib leeg Txiv xwb, yog tus nyob saum ntuj. 10 Nej txhob cia luag hu nej ua "Thawj Tswj", vim nej tsuas muaj tib tug Tswj xwb, yog Leej Pleev. 11 Tus loj dua cov nyob hauv nej, yuav ua nej tus tub txib. 12 Tus twg tsa nws siab, Ntuj yuav txa nws qis. Tus twg txa nws qis,

Ntuj yuav tsa nws siab.

**Ib co lus tsawm cov Kws Ntawv**

**Ntshiab thiab cov Fas Lis Xais.**

**23 : 13 - 32.**

13 Tsoom Kws Ntawv Ntshiab thiab tsoom Fas Lis Xais zoo nraum daim tawv, nej txoj hmoov phem, vim nej muab Ntuj

lub Ceeb Tsheej kaw rau neeg ! Nej tsis chaws mus hauv, nej kuj tsis pub kom cov xav mus, tau kev chaws mus hauv. [14]

15 Tsoom Kws Ntawv Ntshiab thiab tsoom Fas Lis Xais zoo nraum daim tawv, nej txoj hmoov phem, nej hla hiav txwy, hla tej tuam teb mus nrhiav kom tau ib tug neeg los hwm ntuj. Thaum nej tau ib tug lawd, nej ua kom nws tsim nyog mus hauv dab phem cov hluav taws tshaj nej ob npaug.

16 Nej yog ib co dig muag coj kev. Nej txoj hmoov phem, vim nej hais tias : "Yog tus twg tuav txog lub chaw hwm Ntuj los cog lus, mas nws tsis ua raws lo lus nws cog kuj tau. Tab sis tus twg tuav txog cov kub hauv lub chaw hwm Ntuj los cog lus, mas nws yuav tsum ua raws li lo lus nws tau cog."

17 Neeg vwm thiab dig muag, dab tsi muaj nqes dua ? Puas yog kub los yog lub chaw hwm Ntuj uas ua kom kub ntshiab tuaj ?

18 Nej tseem hais tias : "Yog tus twg tuav txog lub thaj txi Ntuj los cog lus, mas nws tsis ua raws lo lus nws cog kuj tau. Tab sis yog tus twg muab cov txim saum thaj txi Ntuj los cog lus, mas nws yuav ua raws li lo lus nws tau cog."

19 Neeg dig muag, qhov twg yog qhov loj tshaj ? Puas yog cov txim los yog lub thaj txi Ntuj uas ua kom cov txim ntawd ntshiab ? 20 Tus tuav txog lub thaj txi

Ntuj los cog lus, kuj yog tuav txog lub thaj thiab tas txhia yam uas nyob saum lub thaj huv si. 21 Tus tuav txog lub chaw hwm ntuj los cog lus, kuj yog tuav txog lub chaw thiab Tus nyob hauv lub chaw ntawd. 22 Tus tuav txog lub ntuj los cog lus, kuj yog tuav txog Tswv Ntuj lub theej kiab thiab Tus zaum saum lub theej kiab ntawd tib si.

23 Tsoom Kws Ntawv Ntshiab thiab tsoom Fas Lis Xais zoo nraum daim tawv, nej txoj hmoov phem, vim nej them se ib feem kaum ntawm cov pum hub, txheej txhaim, thiab zaub txhwbg nyug. Tab sis nej tso tej yam loj nyob hauv **Mas Fas, pZaj** tseg : yam li kev ncaj, kev hhub luag, thiab kev ntseeg. Yuav tsum muab siab rau coj tej lus no, thiab tsis tso tej se tod tseg. 24 Neeg dig muag coj kev, nej lim tus yoov tshaj cum, nej ho cia li nqos tus ntxhuav.

25 Tsoom Kws Ntawv Ntshiab thiab tsoom Fas Lis Xais zoo nraum daim tawv, nej txoj hmoov phem, nej ntxuav khob ntxuav phaj sab nraud, tab sis kev tub sab thiab kev hu dab nyob puv sab hauv.

26 Fas Lis Xais dig muag, koj ntxuav khob sab hauv tso, ces sab nraud yuav huv tuaj.

27 Tsoom Kws Ntawv Ntshiab thiab tsoom Fas Lis Xais zoo nraum daim tawv, nej txoj hmoov phem, nej zoo li ib co ntxa pleev hmoov zeb sib : sab nraud, zoo nkauj zoo saib, tab sis sab hauv, pob txha tuag thiab kua lwj nyam puv nkaus.

28 Nej zoo ib yam li ntawd, tuaj sab nraud saib, nej zoo li neeg ncaj, tab sis, kev dag thiab kev phem nyob puv nkaus sab hauv.

29 Tsoom Kws Ntawv Ntshiab thiab tsoom Fas Lis Xais zoo nraum daim tawv, nej txoj hmoov phem, nej txhim cov yaj saub tej ntxa thiab tu cov neeg ncaj tej

**23 thiab 24**

ntxa zoo nkauj, 30 nej hais tias : “Yog peb ua neej nyob lub zim txwv peb cov yawg koob nyob, mas peb yuav tsis nrog lawv koom tes hliv cov yaj saub tej roj ntsha.”

31 Ua li mas nej lees tias nej yog cov neeg txo cov yaj saub txoj sia cov tub.

32 Nej tseem ua phem dua nej cov yawg koob thiab.

### **Yuav raug txim raug nplua.**

**23 : 33 - 36.**

33 “Cov niag nab ! Caj ces nab muaj taug ! Nej yuav ua cas khiav tau dim ntawm txoj kev raug txim hauv dab phem cov hluav taws ? 34 Yog vim li ntawd, kuv thiaj xa ib co yaj saub, ib co thoob tsib, thiab ib co Kws Ntawv Ntshiab tuaj cuag nej : tab sis nej yuav muab ib txhia tua, yuav muab ib txhia dai saum ntoo cuam, nej yuav nplawm ib txhia hauv cov tsev txoos thiab tseem yuav caum lwm cov ib lub nroog dhau lwm lub nroog. 35 Vim nej ua li ntawd, mas cov siab ncaj tej ntshav uas tau nchuav rau hauv pem teb yuav poob rov los rau saum nej : txij As Npes siab ncaj cov ntshav los txog Npas Las Kias tus tub Ntxas Kas Lias cov ntshav uas nej tau t xo nws t xoja sia hauv nruab nrab lub thaj txi Ntuj thiab Kem Ntshiab. 36 Kuv hais tseeb rau nej, txhua yam ntawd yuav poob rov los rau saum tiam neeg no.

### **Yes Xus cem Yes Lus Xas Les.**

**23 : 37 - 38.**

37 “Yes Lus Xas Les, Yes Lus Xas Les, koj muab cov yaj saub tua, thiab txawb pob zeb tua cov uas Ntuj xa tuaj cuag koj. Muaj pes tsawg zaus, kuv xav sau koj cov

me nyuam los ua ke xws li ib tug poj qaib sau nws cov me nyuam qaib rau hauv nws qab tis... tab sis koj tsis kam ! 38 Ntsia saib, Ntuj yuav cia koj lub tsev nqha nrig rau koj. Kuv hais rau nej, txij no mus, nej yuav tsis pom kuv, mus txog thaum nej yuav hais tias : Tus uas Huab Tais xa tuaj nto koob meej.

### **Yes Lus Xas Les yuav raug xwv txheej. 24 : 1 - 3.**

**24** 1 Thaum Yes Xus tawm hauv lub Tuam Tsev Teev Ntuj mus, cov thwj tim los ze nws, lawv kMasTais, Zaj 24 ntsia cov tsev txhim rau hauv lub loog teev Ntuj.

2 Yes Xus teb rau lawv tias : “Nej puas pom txhua yam ntawd ? Kuv hais tseeb rau nej, yuav tsis tshuav ob lub pob zeb nyob sib tshooj ua ke, uas tsis pob rau pem teb.”

3 Thaum Yes Xus zaum pem roob txiv ntoo roj, cov thwj tim txav los ze Yes Xus, lawv nug nws twj ywm tias : “Koj qhia peb saib, yog thaum twg tej xwm ntawd thiaj yuav tshwm sim tuaj. Yuav muaj lub cim dab tsi ua kom paub tias txog lub caij koj yuav rov los thiab lub ntiaj teb yuav kawg.”

### **Lub caij yuav pib txom nyem.**

**24 : 4 - 14.**

4 Yes Xus teb rau cov thwj tim tias : “Nej ceev faj kom luag txhob ua nej yuam kev. 5 Vim yuav muaj coob leej siv kuv lub npe tuaj, lawv yuav hais tias : ‘Kuv yog Leej Pleev.’ Lawv yuav ua kom coob leej yuam kev. 6 Nej yuav hnov luag tham txog kev ua tsov ua rog, thiab hnov moo ua tsov ua rog. Nej txhob txhawj :

vim tias tej yam ntawd yuav tsum tshwm sim tuaj, tab sis tsis tau yog lub caij kawg. 7 Ib lub kuj cuab yuav sawv los tiv lwm lub kuj cuab, ib lub teb chaws yuav sawv los tiv lwm lub. Nyob qhov ub qhov no, yuav muaj kev tshaib kev nqhis, lub ntiaj teb yuav qeeg. 8 Tej yam ntawd nyuam qhuav yog pib chiv mob nyob hauv txoj kev yug tub yug kiv."

9 "Luag yuav muab nej rau kev tsim txom, thiab yuav muab nej tua. Tas txhia haiiv neeg yuav ntxub nej vim kuv lub npe. 10 Coob leej yuav ntog. Ib co neeg yuav ntxeev siab rau lwm cov ; ib co neeg yuav ntxub lwm cov.

11 Cov yaj saub cuav yuav sawv coob, lawv yuav ua kom ntawd leej yuam kev. 12 Kev ua txhaum yuav hlob zuj zus, hos txoj kev nyiam hauv feem coob yuav txias zuj zus. 13 Tab sis tus nyob ruaj mus txog hnub kawg, mas Ntuj yuav cawm nws.

14 "Lub Moo Zoo no hais txog lub Ceeb Tsheej yuav ncha mus thoob ntiaj teb, yuav mus ua pov thawj rau ib tsoom haiv neeg tso. Ces mam yog lub zim txwv kawg.

#### **Yes Lus Xas Les yuav raug xww txheej loj. 24 : 15 - 25.**

15 "Thaum nej pom qhov phem uas tsiv saib tshaj sawv ntsug hauv Kem Ntshiab, raws li Yaj Saub Das Nias xub hais tseg, (kom tus nyeem ntawv to taub !), 16 mas cov nyob Yus Das teb kav tsij khiav mus pem roob, 17 hos tus nyob saum ru tsev tsis txhob nqes los nqa cuab yeej hauv nws tsev, 18 tus uas tseem nyob nruab teb, tsis txhob rov qab mus nqa nws lub tsho tshaj sab ! 19 Lub caij ntawd, cov poj niam uas cev xeeb tub, thiab cov muaj

me nyuam mos noj mis ntawm xub ntiag yuav txom nyem loj. 20 Nej thov Ntuj kom lub sij hawm nej khiav txhob raug rau lub caij ntuj no los txhob raug rau hnub Xas Npas Tos. 21 Vim tias lub caij ntawd mas kev txom nyem yuav loj heev. *Txij thaum ntuj tsim teb raug los txog hnub ntawd, tsis tau muaj kev txom nyem loj cuag li ntawd,* thiab yuav tsis rov muaj dua ib zaug ntxiv. 22 Yog Ntuj tsis ua kom tej hnub ntawd dua sai, mas yuav tsis muaj ib tug dim txoj sia li. Tab sis vim muaj cov neeg Ntuj xaiv, mas ~~Ntash~~ ~~Tais~~, **Zaj 24** ntawd yuav dua sai.

23 "Yog muaj neeg hais rau nej tias : "Ntsia saib ! Leej Pleev nyob ntawm no." los hais tias : "Leej Pleev nyob tod !" mas nej tsis txhob ntseeg.

24 Vim tias yuav muaj ib cov pleev cuav thiab ib co yaj saub cuav sawv los. Lawv yuav ua tej lub cim loj thiab ua tej yam hwj huam yees ntxwv loj. Lawv yuav ua zaj ua ntxeev saib ua puas tau kom cov neeg Ntuj xaiv yuam kev. 25 Ua li mas kuv xub qhia nej paub ua ntej.

#### **Thaum Neeg Leej Tub yuav rov los nyob. 24 : 26 - 36.**

26 "Yog luag hais rau nej tias : "Leej Pleev nyob hauv teb chaws suab puam", mas nej tsis txhob tawm mus xyuas. Luag hais tias : "Leej Pleev nyob hauv tej qhov chaw nraim", los nej txhob ntseeg.

27 Thaum Neeg Leej Tub yuav rov los, mas yuav zoo li cov kab xob laim tawm sab hnub tuaj ci mus txog sab hnub poob.

28 Tsiaj tuag qhov twg, cov dav noj nyuj sib sau ua tej pawg rau qhov ntawd.

29 "Thaum lub caij txom nyem loj nyuam qhuav dhau plaws, mas lub hnub yuav tsaus nti, lub hli yuav tsis xa qhov ci tuaj,

cov hnub qub yuav poob saum ntuj los, hos txhua yam muaj hwj huam nyob saum ntuj yuav co ua zog koog.

30 Ces lub sij hawm ntawd, Neeg Leej Tub lub cim yuav tawm los rau saum ntuj. Tas txhua tsav neeg nyob ntiaj teb yuav ntaus lawv hauv siab. Sawv daws yuav pom Neeg Leej Tub tawm hauv cov huab saum ntuj los muaj hwj huam thiab muaj hwj chim loj. 31 Nws yuav xa nws cov Tshiab mus tshuab hom nrov nrov sau cov nws xaiv nyob plaub ceg kaum ntuj los ua ke, txij qab ntug mus txog hauv ntuj.

32 “Nej kawm zaj paj lug no ntawm tsob txiv ncuav pias. Thaum nws cov ceg pib zooj, nplooj pib hlav, nej paub tias lub caij ntuj sov los txog ze lawm. 33 Nej kuj ib yam, thaum nej pom tej xwm ntawd, nej yuav tsum paub tias Neeg Leej Tub los txog ze lawm, nws los txog ntawm qhov rooj lawm.

34 Kuv hais tseeb rau nej, tiam neeg no dua tsis tau tas, tej xwm ntawd twb yuav tshwm sim tuaj. 35 Lub ntuj lub teb yuav dua mus, tab sis kuv cov lus yuav tsis dua.

36 Hais txog lub hnub nyooq thiab lub zim txwv ntawd, mas tsis muaj neeg paub. Cov Tshiab nyob saum ntuj tsis paub, Leej Tub kuj tsis paub, yeej tsis muaj leej twg paub. Kawg yog Leej Txiv tib leeg xwb thiaj paub.

#### **Yuav zov hmo tos. 24 : 37 - 44.**

37 “Lub caij Neeg Leej Tub yuav rov los nyob, yuav zoo li thaum Nos Hes ua neej nyob. 38 Thaum dej tsis tau nyab ntiaj teb, sawv daws noj, sawv daws haus, sawv daws yuav poj niam thiab muab tej ntxhais pub tshoob mus txog hnub Nos Hes nkag mus hauv lub nkoj. 39 Zeej tsoom tsis nco faj txog dab tsi mus txog

thaum dej tuaj nyab kiag, thiab tshoob sawv daws tas huv tib si. Thaum Neeg Leej Tub yuav rov los nyob, kuj yuav zoo li ntawd thiab. 40 Ces ob tug neeg uas nyob tom liaj, luag yuav coj ib tug mus, tseg lwm tus. 41 Ob tug poj niam uas tab tom zom zeb, luag yuav coj ib tug mus, tseg lwm tus. 42 “Nej zov hmo mog, vim nej tsis paub hnub twg nej tus Huab Tais yuav los. 43 Nej yuav to taub tias : yog tus tswv tsev paub tias hmo ntuj, lub sij hawm twg tub sab yuav **Mas Hais, Zaj** yuav zov hmo, tsis cia tub sab tho qhov tsev.

44 Nej kuj yuav ua li ntawd, nej yuav sawb sim kom txhij, vim Neeg Leej Tub yuav los lub sij hawm uas nej tsis nco faj.

#### **Zaj paj lug hais txog tus tub txib xyuam xim. 24 : 45 - 51.**

45 “Leej twg yog tus tub txib pheej xeeb thiab xyuam xim, uas tus tswv tsev tsa nws ua tus saib cov neeg nyob hauv tus tswv lub tsev, kom thaum txog caij noj, nws faib txhiam xws rau sawv daws noj ? 46 Tus tub txib uas tus tswv tsev rov los pom tab tom lis tej num li ntawd, yuav tau txoj hmoov zoo. 47 Kuv hais tseeb rau nej, tus tswv yuav tsa nws ua tus saib tus tswv lub cuab tam tas huv si. 48 Tab sis yog tus tub txib ntawd siab phem nws xav tias : “Kuv tus tswv yuav los lig.” 49 Ces nws muab cov nrog nws nyob ntaus, nws nrog cov quav cawv noj haus. 50 Nws tus tswv yuav rov los hnub uas nws tsis nco faj, thiab lub sij hawm uas nws tsis paub. 51 Tus tswv yuav ntiab nws mus nrog cov neeg zoo nraum daim tawv nyob. Nyob ntawd, sawv daws yuav quaj tom hniav nkawv.”

**24 thiab 25**

**Zaj paj lug hais txog kaum leej  
niam txais ntsuab. 25 : 1 - 13.**

**25** 1 “Ntuj lub Ceeb Tsheej yuav zoo xws li kaum leej ntxhais taws teeb tawm mus tos nraug vauv. 2 Nyob hauv lawv, muaj tsib leeg ruam, hos tsib leeg xyuam xim.  
3 Cov ruam nqa teeb, tab sis tsis nqa roj nrog. 4 Hos cov xyuam xim nqa teeb thiab ntim roj rau hauv hwj nrog. 5 Nraug vauv los lig, ces lawv qaug dab ntub. Sawv daws tsaug zog. 6 Thaum ib tag hmo, ib lub suab nthe tias :  
“Nraug vauv los txog lawm ! Nej tawm los txais nws !”  
7 Ces tas cov ntxhais hluas sawv los npaj teeb. 8 Cov ruam hais rau cov xyuam xim tias :  
“Nej pub ib qho roj rau peb mas, peb cov teeb tuag lawm.”  
9 Tab sis cov xyuam xim teb rau cov ruam tias :  
“Ntshai roj yuav tsis txaus rau nej thiab rau peb. Nej mus muas roj tom cov tub luam rau nej.”  
10 Thaum cov ntxhais ruam mus muas roj lawm, ces nraug vauv los txog. Cov uas tau npaj txhij tos, nrog nraug vauv chaws mus hauv chav tsev ua tshoob, ces luag kaw qhov rooj. 11 Thaum kawg, lwm cov ntxhais los txog thiab, lawv hais tias :  
“Huab Tais, Huab Tais, thov koj qhib qhov rooj rau peb.”  
12 Tab sis nraug vauv teb tias :  
“Kuv hais tseeb rau nej, kuv tsis paub nej yog leej twg !” 13 Ua li mas nej zov hmo mog, vim nej tsis paub hnub twg thiab lub sij hawm twg.”

**Zaj paj lug hais txog cov nras nyiaj.  
25 : 14 - 30.**

14 “Yog zoo li ib tug neeg uas yuav mus tawm rooj deb, nws hu nws cov tub txib los, nws muab nws lub cuab tam rau lawv ceev. 15 Nws muab tsib nrás nyiaj rau thawj tug, muab ob nrás rau tus ob, hos muab ib nrás xwb rau tus peb. Nws muab rau lawv raws li lawv lub peev xwm, ces nws mus tawm rooj deb lawm.  
Tam sis ntawd, 16 tus uas tau txais tsib nrás nyiaj, nqa cov nyiaj ntawd ~~mas~~ <sup>ntawd</sup> ~~ntais~~ <sup>ntais</sup>, Zaj 25 ntxeev, nws tau paj tsib nrás ntxiv.  
17 Tus tau txais ob nrás kuj ua li ntawd thiab : nws tau paj ob nrás ntxiv.  
18 Hos tus tau txais ib nrás xwb mus khawb ib lub qhov rau hauv av, nws muab tus tswv nrás nyiaj coj mus faus rau hauv.  
19 Ib lub sij hawm ntev loo tom qab, cov tub txib tus tswv rov los txog. Nws nrog lawv txheeb nws cov nyiaj. 20 Tus uas tau txais tsib nrás nyiaj tuaj txog. Nws cev tsib nrás ntxiv, nws hais tias :  
“Huab Tais, tsib nrás nyiaj no yog koj muab rau kuv : hos ntawm no yog tsib nrás uas kuv coj mus ntxeev tau paj ntxiv.”  
21 Tus tswv hais rau nws tias :  
“Zoo kawg, tub txib siab zoo siab ncaj, thaum koj saib tej yam tsawg, koj ua ncaj. Kuv yuav tsa koj saib ntau yam. Koj los nyob hauv koj tus huab tais txoj kev zoo siab mog.”  
22 Ces tus tau txais ob nrás tuaj txog, nws hais tias :  
“Huab Tais, ob nrás nyiaj no yog koj muab rau kuv : hos ntawm no yog ob nrás uas kuv coj mus ntxeev tau paj ntxiv.”  
23 Nws tus tswv hais rau nws tias : “Zoo kawg, tub txib siab zoo siab ncaj. Thaum koj saib tej yam tsawg li no, koj ua ncaj. Kuv yuav tsa koj saib ntau yam. Koj los nyob hauv koj tus huab tais txoj kev zoo

siab mog.”

24 Tus tub txib uas tau txais ib nrás nyiaj xwb tuaj txog, nws hais tias : “Huab Tais, kuv paub tias koj yog ib tug neeg siab heev. Koj hlais nplej hauv tej teb koj tsis tau tseb, koj sau qoob hauv tej chaw koj tsis tau pov noob rau. 25 Kuv ntshai, kuv thiaj coj koj nrás nyiaj mus faus rau hauv av. Saib ntawm no, koj rov tau Yam uas yog koj tug.”

26 Ces tus tswv teb rau nws tias : “Tub txib siab phem thiab tub nkeeg, koj twb paub tias kuv hlais nplej hauv tej teb uas kuv tsis tau tseb, thiab kuv sau qoob hauv

tej chaw uas kuv tsis tau pov noob rau.

27 Tsim nyog koj yuav nqa kuv cov nyiaj mus rau cov tub ceev nyiaj. Thaum kuv rov los, kuv yuav tau kuv cov nyiaj nrog cov paj. 28 Nej rho nrás nyiaj ntawm nws, nej muab rau tus uas muaj kaum nrás lawm.

29 Vim tias Ntuj yuav pub rau tus uas twb muaj lawm, ces nws yuav tau ntau ntxiv. Hos tus uas tsis muaj, Ntuj yuav thau qhov me me uas nws muaj. 30 Nej muab tus tub txib tsis tsim txiaj ntawd pov rau nraum zoov hauv qhov tsaus ntuj : nyob ntawd yuav quaj tom hniav nkaww.”

### Kev txiav txim lub zim txwv kawg. 25 : 31 - 46.

31 “Thaum Neeg Leej Tub yuav rov los, nws yuav muaj koob meej. Tas tsoom Tshiab yuav nrog nws los. Nws yuav zaum saum nws lub theej kiab muaj koob meej. 32 Tas ib tsoom haiv neeg yuav sib sau nyob ntawm nws xub ntiag. Nws yuav cais tsoom neeg xws li tus zov yaj cais cov yaj ntawm cov tthis. 33 Nws yuav cia cov yaj rau ntawm nws sab xis,

cia cov tthis rau ntawm nws sab laug.

34 Ces tus Vaj yuav hais rau cov nyob sab xis tias :

“Nej los mog ! Nej yog cov uas kuv Txiv pub txoj hmoov zoo rau. Nej txais lub Ceeb Tsheej uas Ntuj npaj tseg rau nej txij puag thaum pib tsim lub sim ceeb los ua nej tug. 35 Vim tias kuv tshaib plab, nej pub rau kuv noj ; kuv nqhis dej, nej pub rau kuv haus, kuv yog ib tug pej kum neeg, nej txais kuv ; 36 kuv ~~Mas Tais, Vaj~~ muab rau kuv hnav ; kuv mob, nej tuaj xyuas kuv ; kuv nyob hauv tsev loj faj, nej tuaj tsham kuv.”

37 Ces cov neeg ncaj yuav teb tias : “Huab Tais, thaum twg peb tau pom koj tshaib plab ces peb tau pub rau koj noj, pom koj nqhis dej, ces peb tau muab rau koj haus, 38 pom koj yog ib tug pej kum neeg, ces peb tau txais koj, pom koj liab qab ces tau muab rau koj hnav ? 39 Pom koj mob los nyob hauv tsev loj faj, ces peb tau tuaj xyuas koj ?”

40 Tus Vaj yuav teb rau lawy li no : “Kuv hais tseeb rau nej. Nej tau ua npaum li cas rau cov me tshaj hauv kuv tsoom kwv, mas yog nej ua rau kuv.”

41 Ces tus vaj yuav hais rau cov nyob sab laug tias :

“Nej txoj hmoov phem. Nej khiav mus deb kuv, mus nyob hauv cov hluav taws kub tsis txawj tuag, uas Ntuj npaj rau tus dab phem thiab nws cov dab. 42 Vim thaum kuv tshaib plab nej tsis pub rau kuv noj, kuv nqhis dej nej tsis pub rau kuv haus, 43 kuv yog ib tug pej kum neeg nej tsis txais kuv, kuv liab qab nej tsis muab rau kuv hnav, kuv mob thiab kuv nyob hauv tsev loj faj nej tsis tuaj xyuas kuv.”

44 Ces cov ntawd yuav teb rau tus Vaj tias :

“Huab Tais, thaum twg peb tau pom koj

**25 thiab 26**

tshaib plab los nqhis dej, pom koj yog ib  
tug pej kum neeg, pom koj liab qab, pom  
koj mob los nyob hauv tsev loj faj, ces peb  
tsis tau pab koj ?”

45 Ces tus Vaj yuav teb rau lawv tias :  
“Kuv hais tseeb rau nej, nej tsis tau ua rau  
cov me tshaj hauv kuv tsoom kwv npaum  
li cas, mas yog nej tsis tau ua rau kuv.”

46 Ces cov no yuav mus raug txim ib  
txhiab ib txhis. Hos cov siab ncaj yuav  
mus txais txoj sia nyob mus li.

### **Lawv tuav tswv yim yuav muab**

**Yes Xus tua. 26 : 1 - 5.**

**26** 1 Thaum Yes Xus hais tej lus  
ntawd tas, nws hais rau nws cov  
thwj tim tias :

2 “Nej paub tias, tshuav ob hnub xwb  
txog lub Ntees Hla. Thaum ntawd, Neeg  
Leej Tub yuav raug muag rau luag , ces  
luag yuav muab nws dai saum ntoo  
cuam.”

3 Cov thawj leej choj thiab pej xeem cov  
txwj laus sib sau nyob hauv tus Tuam  
Leej Choj hu ua Kais Fas lub loog.  
4 Lawv tuav xam nrhiav ib txog kev nyas  
ntes Yes Xus thiab muab nws tua. 5 Tab  
sis lawv kuj hais tias :

“Txhob ntes thaum tab tom nqaum paj  
nqaum nruas, ntshai tsam tsoom pej xeem  
yuav ua ntxhov hnyo.”

### **Hliv tshuaj tsw qab rau Yes Xus nyob Npes Tas Nias. 26 : 6 - 13.**

6 Thaum Yes Xus nyob Npes Tas Nias,  
hauv tus Xis Moos mob ruas tsev, 7 muaj  
ib tug poj niam txav los ze Yes Xus. Nws  
nqa ib hwj zeb dawb ntim ib co tshuaj tsw  
qab muaj nqis kawg. Thaum Yes Xus  
zaum ntawm rooj mov, nws hliv cov  
tshuaj ntawd rau saum Yes Xus taub hau.

8 Cov thwj tim pom qhov ntawd, lawv  
tsis zoo siab, lawv hais tias :

“Ua cas yuav nkim tshuaj pov tseg li  
ntawd ? 9 Yuav muab cov tshuaj tsw qab  
ntawd muag kim kuj tau, ces muab pub  
rau cov pluag.”

10 Yes Xus paub qhov lawv xav, nws  
hais rau lawv tias :

**Mas Tais, Zaj 26**

“Vim li cas nej ua kom tus poj niam no  
ntxhov siab ? Nws ua ib “txog hauj lwm  
zoo nkauj” rau kuv. 11 Vim tias, cov  
pluag, mas nej yuav muaj nrog nej nyob  
mus li. Hos kuv, mas nej yuav tsis muaj  
kuv nrog nej nyob mus li. 12 Nws hliv  
tshuaj tsw qab rau kuv lub cev, yog nws  
ua los pam kuv. 13 Kuv hais tseeb rau  
nej, nej tshaj lub Moo Zoo no mus txog  
txhua txhia qhov chaw, nyob thoob qab  
ntuj, mas sawv daws yuav piav txog qhov  
nws nyuam qhuav ua kom nco txog nws.”

### **Yus Das ntxeev siab.**

**26 : 14 - 16.**

14 Muaj ib tug nyob hauv pab kaum ob,  
hu ua Yus Das Kas Lis Yaus. Nws mus  
cuag cov thawj leej choj, 15 nws hais rau  
lawv tias :

“Nej muab dab tsi rau kuv, kuv yuav  
muab nws muag rau nej ?”

Ces lawv them peb caug lub txiaj nyiag  
rau Yus Das. 16 Txij hnub ntawd los,  
Yus Das nrhiav ib lub sij hawm zoo cob  
Yes Xus rau hauv lawv txhais tes.

### **Npaj Pluas Hla. 26 : 17 - 19.**

17 Thaum txog thawj hnub noj cov ncuav  
mov tsis muaj poov xab, cov thwj tim txav  
los nug Yes Xus tias : “Koj xav kom peb  
npaj Pluas Hla rau koj noj nyob qhov  
twg ?”

18 Yes Xus hais tias :

“Nej mus tom nroog, hauv ib tug neeg tsev, nej hais rau nws tias :  
‘Xib Hwb hais tias : Kuv lub caij nyoop los txog ze lawm. Kuv yuav nrog kuv cov thwj tim noj Pluas Hla nyob hauv koj tsev.”

19 Cov thwj tim ua raws li Yes Xus qhia. Ces lawv npaj Pluas Hla.

### **Xub qhia tias Yus Das yuav ntxeev siab. 26 : 20 - 25.**

20 Thaum tsaus ntuj YesXus nrog pab Kaum Ob nyob ntawm rooj mov.

21 Thaum lawv noj mov, Yes Xus hais tias :

“Kuv hais tseeb rau nej, nej ib tug yuav muab kuv muag. 22 Lawv ntxhov siab tas nrho, lawv nyias nug nyias tias :

“Huab Tais, puas yog kuv ?”

23 Yes Xus teb tias :

“Tus yuav muab kuv muag, yog tus tau nrog kuv cev tes ntsw hauv lub phaj ! 24

Neeg Leej Tub rov mus raws li Ntaww xub sau txog nws. Tab sis tus muab Neeg Leej Tub muag, nws raug txoj hmoov phem ! Txhiaj khoov tus ntawd tsis txhob yug los !” 25 Yus Das, tus muab Yes Xus muag, kuj teb tias :

“Xib Hwb, puas yog kuv ?”

Yes Xus hais rau Yus Das tias :

“Yog li koj hais.”

### **Lub Cim Cav Txiaj Ntsim. 26 : 26 - 29.**

26 Thaum lawv noj mov txog tog, Yes Xus tuav lub ncuav mov, nws hais zaj foom hmoov zoo, nws muab ntais, thiab nws cev rau cov thwj tim, nws hais tias :  
“Nej txais, nej noj, qhov no yog kuv lub

cev.”

27 Yes Xus kuj tuav ib lub ntim, nws ua ntuj tsaug, nws cev rau lawv, nws hais tias :

“Nej sawv daws haus, 28 vim qhov no yog kuv cov ntshav, yog cov ntshav cog lus, uas yuav ntws los daws coob leej cov txhaum. 29 Kuv hais rau ne**Masi Tais, Zaj 26** mus, kuv yuav tsis tau haus cov kua txiv cawv no ntxiv, mus txog hnub kuv yuav rov nrog nej haus dua nyob hauv kuv Txiv lub Ceeb Tsheej.”

### **Yes Xus qhia tias Pob Zeb yuav tsis lees Yes Xus. 26 : 30 - 35.**

30 Thaum lawv hu cov nkauj cav lus zootas, lawv tawm mus pem lub roob Txiv Ntoo Roj. 31 Yes Xus hais rau lawv tias :

“Hmo no, nej sawv daws yuav ntog tas, vim kuv. Vim Ntaww sau tias :

*Kuv yuav ntaus tus zov yaj,  
ces pab yaj yuav tawg tas.*

32 Tab sis thaum kuv sawv rov los, kuv yuav ua nej ntej mus Nkas Lis Lais teb.”

33 Pob Zeb teb rau Yes Xus tias : “Yog tas sawv daws ntog vim koj, los kuv yuav tsis ntog ib zaug.”

34 Yes Xus teb rau Pob Zeb tias : “Kuv hais tseeb rau koj : hmo no kiag, thaum qaib tsis tau qua, koj yuav tsis lees kuv peb zaug.”

35 Pob Zeb hais rau Yes Xus tias : “Tab yog kuv yuav tsum nrog koj tuag, los kuv yuav lees koj.”

Tas cov thwj tim puav leej hais ib yam li ntawd.

### **Nyob Nkes Txes Mas Nis. 26 : 36 - 46.**

- 36 Yes Xus nrog cov thwj tim mus txog ib qho chaw hu ua Nkes Txes Mas Nis. Nws hais rau lawv tias : “Nej zaum ntawm no, kuv yuav mus teev Ntuj nyob tod.”
- 37 Yes Xus coj Pob Zeb thiab Ntxes Npes Dais ob tug tub nrog nws mus. Nws pib tu siab thiab pib txhawj. 38 Nws hais rau lawv tias :  
“Kuv tus plig tu siab yuav tuag, nej nyob ntawm no, nej nrog kuv zov hmo.”
- 39 Yes Xus mus deb me ntsis ntawm lawv, nws khoov ntsej muag ti av. Nws thov Ntuj li no :  
“Kuv Txiv, yog koj kheev no, thov kom lub ntim no hla mus deb ntawm kuv ! Tab sis, txhob ua raws li kuv xav, koj ua raws li koj xav.”
- 40 Yes Xus rov los ntawm nws cov thwj tim. Nws pom lawv tsaug zog. Nws hais rau Pob Zeb tias :  
“Ua li mas, nej tsis muaj peev xwm nrog kuv zov hmo ib teev. 41 Nej zov hmo mas, nej teev Ntuj kom nej txhob poob rau hauv txoj kev ntxias. Lub tswv yim kub lug, tab sis lub cev nqaij tsis muaj zog.”
- 42 Yes Xus rov mus teev Ntuj dua, zaum ob. Nws hais tias :  
“Kuv Txiv, yog kuv tsis haus, lub ntim no yuav tsis hla mus, mas cia ua raws li koj lub siab xav.”
- 43 Yes Xus rov qab los, nws pom cov thwj tim rov tsaug zog, vim lawv qhov muag tawv. 44 Yes Xus cia lawv nyob lawv, nws rov mus. Nws rov teev Ntuj dua zaum peb. Nws rov hais tib co lus li qub. 45 Yes Xus rov los ntawm cov thwj tim, nws hais rau lawv tias :  
“Nej tseem tsaug zog. Nej so mas. Yuav txog lub sij hawm uas luag muab Neeg Leej Tub rau hauv cov neeg txhaum txhais tes. 46 Nej sawv ! Peb mus. Tus muab kuv rau luag tuaj yuav txog.”
- Lawv ntes Yes Xus. 26 : 47 - 56.**
- 47 Thaum Yes Xus tseem hais lus li ntawd, ces Yus Das tuaj txog. Yus Das yog ib tug hauv pab Kaum Ob. **Mas Tis, Zaj 26** pab neeg coob nqa ntaj nqa qws nrog nws tuaj. Yog cov thawj leej choj thiab pej xeem cov txwj laus xa lawv tuaj. 48 Tus muab Yes Xus muag xub qhia lub cim no rau lawv : “Yes Xus yog tus kuv yuav nwj, nej ntes nws.”
- 49 Ces tam sis ntawd, Yus Das txav zog los ntawm Yes Xus, Yus Das hais tias :  
“Koj nyob kaj lug, Xib Hwb !”  
Ces Yus Das nwj Yes Xus.
- 50 Yes Xus hais rau nws tias :  
“Phooj ywg, koj kav tsij ua qhov koj tuaj ua.”  
Ces pab neeg ntawd txav zog los, lawv cev tes nthos nkaus Yes Xus : lawv ntes nws.
- 51 Nyob hauv cov neeg nrog Yes Xus, muaj ib tug cev tes rho hlo nws rab ntaj, tib ntag rau tus Tuam Leej Choj ib tug tub txib, txiav nws ib ya pob ntseg tu nrho.
- 52 Yes Xus hais rau tus ntawd tias :  
“Koj rov ntxig ntaj rau hauv hnab, vim tias cov xuas ntaj tua luag, yuav raug ntaj tua tuag. 53 Koj tsis nco txog tias yog kuv thov kuv Txiv, mas kuv Txiv yuav muab tshaj kaum ob vam leej Tshiab tam sis no rau kuv ? 54 Tab sis, yog kuv ua li ntawd, cov lus uas Ntaww Ntshiab sau cia tias yuav tsum muaj tuaj zoo li no, yuav ua cas tsheej xeeb tau ?
- 55 Thaum ntawd, Yes Xus hais rau cov neeg tuaj ntawd tias :  
“Nej nqa ntaj nqa qws tuaj ntes kuv, xws li ntes tub sab. Kuv niaj hnub zaum qhia hauv lub Tuam Tsev Teev Ntuj, nej ho

tsis ntes kuv."

56 Tas ib puas tsav yam no tshwm sim tuaj kom muaj raws li cov yaj saub cov Ntawv. Ces cov thwj tim tso Yes Xus pov tseg, lawv sawv daws khiav tas.

### **Yes Xus nyob ntawm cov txwj laus Xas Nes Nrees. 26 : 57 - 68.**

57 Pab neeg tuaj ntes Yes Xus coj Yes Xus mus hauv tus Tuam Leej Choj Kais Fas tsev. Cov Kws Ntawv Ntshiab thiab cov txwj laus tuaj sib sau nyob hauv. 58 Hos Pob Zeb raws Yes Xus qab, nws tuaj deb raws mus txog ntawm tus Tuam Leej Choj lub loog. Nws nkag mus rau sab loog hauv, mus nrog cov tub qhev zaum. Nws xav pom saib lawv yuav ua li cas ntxiv.

59 Cov thawj leej choj thiab cov txwj laus Xas Nes Nrees sib koom nrhiav ib zag liam rau Yes Xus, kom tau kev muab nws tua. 60 Muaj coob tus tim khawv cuav tuaj, tab sis lawv nrhiav tsis tau ib zag liam rau Yes Xus.

61 Nyob nyob, muaj ob tug tuaj txog. Nkawd hais tias :

"Tus neeg ntawd hais tias : Kuv muaj peev xwm rhoav Tswv Ntuj lub tsev Ntshiab. Peb hnub kuv rov txhim tau."

62 Ces tus Tuam Leej Choj sawv los hais rau Yes Xus tias :

"Koj tsis teb dab tsi lod ? Cov neeg no ua pov thawj liam dab tsi rau koj ?"

63 Yes Xus tsis teb. Tus Tuam Leej Choj hais rau Yes Xus tias :

"kuv hu txog tus Tswv Ntuj muaj Txoj Sia, koj hais meej rau peb saib koj puas yog Leej Pleev, puas yog Tswv Ntuj Leej Tub ?"

64 Yes Xus teb rau nws tias :

"Yog li koj hais ntawd. Kuv tseem hais rau nej tias : txij no mus, nej yuav pom

Neeg Leej Tub zaum ntawm Leej Muaj Hwj Huam sab xis, thiab los saum cov huab saum ntuj los."

65 Ces tus Tuam Leej Choj dua nws tej tsoos tsho, nws hais tias :

"Nws thuam Ntuj ! **Mas Tais, Zaj** 26 thiab 27

nrhiav tim khawv ua dab tsi ? Nej nyuam qhuav hnov nws lo lus thuam Ntuj !

66 Nej xav li cas ?"

Lawv teb tias :

"Nws tsim nyog tuag."

67 Ces lawv nto aub ncaug rau Yes Xus ntsej muag. Lawv ob peb ncuav piás rau Yes Xus. Muaj ib txhia ntaus Yes Xus, 68 thiab lawv hais tias :

"Leej Pleev ! koj ua yaj saub qhia peb saib tus ntaus koj yog leej twg ?"

**27**

### **Pob Zeb tsis lees Yes Xus.**

**26 : 69 - 75.**

69 Pob Zeb zaum nraum zoov, hauv lub tshav loog. Ib tug ntxhais txib txav los hais rau Pob Zeb tias :

"Koj kuj nrog tus Nkas Lis Lais Yes Xus ntawd ua ke thiab."

70 Tab sis Pob Zeb tsis lees, nws tab meeg hais rau sawv daws tias :

"Kuv tsis paub koj hais dab tsi."

71 Ces Pob Zeb tawm mus rau ntawm lub qhov rooj loog. Muaj dua ib tug pom Pob Zeb, nws hais rau cov neeg nyob ntawd tias :

"Tus ntawd nrog tus Yes Xus Nas Xaus Les ua ke."

72 Pob Zeb twv ntuj twv teb tsis lees, nws hais tias :

"Kuv tsis paub tus neeg ntawd."

73 Ib me ntsis tom qab, cov neeg nyob ntawd txav los hais rau Pob Zeb tias :

"Yeej yog xwb, koj yog lawv ib tug : txawm li cas los koj lub suab hais lus ua

kom paub koj."

74 Pob Zeb haj Yam twv ntuj twv teb heev dua tias :

"Kuv tsis paub tus neeg ntawd."

Ces tam sis ntawd, ib tug qaib qua.

75 Pob Zeb thiaj nco dheev txog lo lus uas Yes Xus hais tias : "Qaib tsis tau qua, koj twb tsis kam lees paub kuv peb zaug." Pob Zeb tawm mus nraum zoov, nws quaj tu siab tas nrho.

neeg.

8 Vim li no, daim teb ntawd thiaj hu ua 'Teb Ntshav' los txog niaj hnub no.

9 Qhov no tshwm sim raws li Yaj Saub Yes Les Mias lo lus hais tias : **Mas Tais, Zaj 27**  
*Peb caug lub txiaj nyiag uas yog nqi muag tus Tsim Txiaj raws li cov tub His Xas Lais txiaav, 10 lawv muab coj mus paув tus puab lauj kaub daim teb, raws li Huab Tais qhia kuv kom ua.*

### **Lawv coj Yes Xus mus rau Pis Las Tos. 27 : 1 - 2.**

1 Thaum kaj ntug, tas cov thawj leej choj thiab pej xeem cov txwj laus sab laj kom tau muab Yes Xus tua. 2 Lawv muab nws khi tas, lawv coj nws mus rau tus nom tswj teb chaws hu ua Pis Las Tos.

### **Yus Das tuag. 27 : 3 - 10.**

3 Yus Das yog tus muab Yes Xus muag. Thaum nws pom tias lawv txiaj lub txim tuag rau Yes Xus, mas nws khuv xim. Ces nws nqa peb caug lub txiaj nyiag rov qab mus rau cov thawj leej choj thiab cov txwj laus. Nws hais tias :

4 "Kuv ua txhaum lawm, vim kuv muag ib co ntshav tsis txhaum."

Tab sis lawv hais tias :

"Peb tsis quav ntsej. Qhov ntawd, yog koj hauj lwm."

5 Ces nws muab cov txiaj nyiag pov rau hauv lub tsev ntshiab, nws tawm mus dai tuag. 6 Cov thawj leej choj khaws cov nyiag ntawd, lawv hais tias: "Kev cai tsis pub khaws cov nyiag ntawd rau hauv lub txhab nyiag, vim yog nqe ntshav."

7 Thaum lawv tuav xam haum lawm, lawv muab cov nyiag ntawd muas tus puab lauj kaub daim teb cia faus cov pej kum

### **Yes Xus nyob hauv Pis Las Tos lub tsev kab xwm. 27 : 11 - 26.**

11 Lawv coj Yes Xus mus cuag tus nom tswj teb chaws. Ces tus nom tswj teb chaws nug Yes Xus tias :

"Koj puas yog cov Yus Das tus vaj ?" Yes Xus teb tias :

"Yog li koj hais ntawd."

12 Cov thawj leej choj thiab cov txwj laus liam rau Yes Xus, Yes Xus tsis teb dab tsi li. 13 Ces Pis Las Tos hais rau Yes Xus tias :

"Koj tsis hnov lawv liam pes tsawg zaj rau koj lod ?"

14 Yes Xus tsis teb ib lo lus li, mas tus tswj teb chaws poob siab tas nrho.

15 Niaj xyoo, thaum ua lub ntees Hla, tus nom tswj teb chaws tso ib tug neeg raug txim mus. Tsoom sid xav kom tso tus twg mas nws tso tus ntawd. 16 Muaj ib tug neeg raug txim nto moo, hu ua Npas Las Npas.

17 Thaum lawv sib sau ua ke, Pis Las Tos hais rau lawv tias :

"Nej xav kom kuv tso tus twg rau nej, tso Npas Las Npas, los tso tus Yes Xus uas luag hu nws ua Leej Pleev ?" 18 Pis Las Tos paub zoo tias tos lawv coj Yes Xus tuaj rau nws, yog vim lawv khib.

19 Thaum Pis Las Tos zaum saum lub

theej kiab txiav txim, nws poj niam fi xov tuaj hais rau nws tias :  
 "Koj txhob raus tes ua dab tsi rau tus neeg ncaj ntawd. Hnub no, kuv ua npau suav txog nws, kuv ntxhov siab kawg."  
 20 Cov thawj leej choj thiab cov txwj laus cob tsoom pej xeem kom taij tso Npas Las Npas, hos muab Yes Xus tua.  
 21 Tus nom tswj teb chaws hais rau lawv tias :  
 "Ob tug neeg no, nej xav kom kuv tso tus twg rau nej ?"  
 Lawv teb tias :  
 "Npas Las Npas."  
 22 Pis Las Tos hais rau lawv tias : "Kuv yuav ua dab tsi rau Yes Xus, tus uas luag hu nws ua Leej Pleev ?" Lawv sawv daws hais tias :  
 "Muab nws tua saum ntoo cuam !"  
 23 Pis Las Tos hais tias :  
 "Nws tau ua dab tsi phem ?"  
 Lawv haj Yam nthe nrov tias :  
 "Muab nws tua saum ntoo cuam !"  
 24 Pis Las Tos pom tias nws ua tsis tau dab tsi, vim sawv daws pheej ua ntxhov hnyo, ces Pis Las Tos muab dej los ntxuav nws tes rau sawv daws ntsia, nws hais tias :  
 "Kuv tsis ris cov ntshav ntawd, nej mam saib nej !"  
 25 Tas tsoom pej xeem teb tias :  
 "Cia nws cov ntshav poob los saum peb thiab peb cov me nyuam !"  
 26 Pis Las Tos tso Npas Las Npas los rau lawv, nws muab Yes Xus rau cov tub rog nplawm tas, nws tso Yes Xus rau lawv cia lawv muab nws dai saum ntoo cuam.

**Lub kauj pos.**  
**27 : 27 - 31.**

27 Tus nom tswj teb chaws cov tub rog coj Yes Xus nrog lawv mus hauv lub tshav txiav txim. Lawv txhib tas npoj peeb zeej los hiam Yes Xus. 28 Cov tub rog hle Yes Xus cov ris tsho, la **Mas Tais, Zaj 27** ib lub tsho tshaj sab liab los rau nws hnay.  
 29 Lawv muab ib co pos sib qhaib ua ib lub kauj tso saum nws taub hau. Lawv muab ib rab pas tauj rau nws sab tes xis tuav. Cov tub rog txhos caug ntawm Yes Xus xub ntiag, lawv thuam Yes Xus tias : "Nyob kaj lug, cov Yus Das tus vaj !" 30 Lawv nto aub ncaug rau Yes Xus, lawv muab rab pas tauj ntaus Yes Xus taub hau. 31 Thaum lawv thuam Yes Xus tas, lawv muab lub tsho tshaj sab liab hle, lawv rov muab Yes Xus cov ris tsho rau Yes Xus hnay. Ces lawv coj Yes Xus mus dai saum ntoo cuam.

**Lawv tsa Yes Xus rau saum ntoo cuam. 27 : 32 - 38.**

32 Thaum lawv tawm mus lawm sab nraud, lawv pom ib tug neeg tuaj Xis Les Nas tuaj. Nws hu ua Xis Moos. Lawv kom Xis Moos kwv Yes Xus tus ntoo cuam. 33 Lawv mus txog ib thaj chaw hu ua Nkos Nkos Tas, txhais tias chaw Khauj Khaum Taub Hau, 34 lawv muab ib co cawv xyaw tsib rau Yes Xus haus. Yes Xus saj me ntsis, nws tsis xav haus. 35 Thaum cov tub rog muab Yes Xus ntsia rau saum ntoo cuam tas, lawv ntaus kuam sib faib Yes Xus cov ris tsho. 36 Ces cov tub rog zaum, lawv nyob zov Yes Xus.  
 37 Lawv sau ntawv dai rau ntawm Yes Xus taub hau, piav txog Yes Xus lub txim tias :  
 "Tus no yog Yes Xus, cov Yus Das tus vaj."

38 Lawv muab ob tug tub sab dai saum ntoo cuam zoo li Yes Xus thiab : ib tug nyob sab xis, ib tug nyob sab laug.

**Yes Xus nyob saum ntoo cuam nws raug luag thuam.**

**27 : 39 - 44.**

39 Cov neeg dua kev co taub hau thuam Yes Xus, 40 lawv hais tias :

"Koj yog tus yuav rhoav lub Tuam Tsev Ntshiab, rov txhim peb hnub tau li qub, koj rov cawm koj mas ! Saib koj yog Tswv Ntuj Leej Tub no, koj nqes saum ntoo cuam los !"

41 Cov thawj leej choj nrog cov Kws Ntawy Ntshiab thiab cov txwj laus hnyos Yes Xus tias :

42 "Nws cawm tau luag tej, nws rov cawm tsis tau nws ! Saib nws yog His Xas Lais tus vaj no, kom nws nqes saum ntoo cuam los nyem no, peb thiaj yuav ntseeg txog nws ! 43 Nws tso siab rau Tswv Ntuj ; nyem no cia Tswv Ntuj tuaj nro nws dim, saib Tswv Ntuj puas nyiam nws ! Nws yeej hais tias : "Kuv yog Tswv Ntuj Leej Tub !"

44 Tab yog ob tug tub sab uas dai saum ntoo cuam nrog Yes Xus, kuj thuam Yes Xus.

**Yes Xus tuag. 27 : 45 - 56.**

45 Txij tav su mus txog peb teev, tas lub ntiaj teb tsaus ntuj nti. 46 Ze ntawm peb teev, Yes Xus qw ib suab nrov nrov tias : "Es Lis, Es Lis, les mas xas npas thus nis ?", txhais tias "Kuv tus Tswv Ntuj, kuv tus Tswv Ntuj, ua cas koj tso kuv pov tseg ?"

47 Cov neeg nyob ntawd, muaj ib txhia hais tias : "Saib, nws hu txog Es Lias !"

48 Tam sis ntawd muaj ib tug khiau mus muab ib qho rwb coj mus tub dej qaub, nws muab chob rau ntawm ib tug ntsis pas tauj cev mus rau Yes Xus haus.

49 Tab sis muaj ib co hais ra **Lawv Tias, Zaj 27 thiab 28** "Tos me ntsis tso ! Cia saib peb puas pom Es Lias tuaj cawm nws !"

50 Yes Xus rov qw ib suab nrov nrov tas, ces nws txoj sia tu.

51 Thaum ntawd, daim ntaub thaiiv Kem Ntshiab ntuag rhe ua ob sab, txij yav saud thoob plaws rau hauv taw ; lub ntiaj teb qeeg, pob tsuas tawg, 52 tej rooj ntxas qhib los, coob leej neeg ntshiab uas tau dua nra tas lawm, lawv lub cev sawv rov los. 53 Thaum Yes Xus sawv rov los, lawv tawm hauv ntxa, lawv chaws mus hauv lub Nroog Ntshiab, lawv tawm tuaj rau coob leej pom.

54 Tus xab txheeb thiab cov tub rog uas nrog nws zov Yes Xus, pom ntiaj teb qeeg thiab pom tej xwm tshwm tuaj zoo li ntawd, lawv ntshai kawg, lawv hais tias : "Tus no yog Tswv Ntuj Leej Tub tiag !"

55 Muaj ib pab poj niam coob nyob tsis deb ntawd ntsia. Yog cov poj niam uas raws Yes Xus hauv xeev Nkas Lis Lais tuaj, lawv tsob hwb Yes Xus. 56 Cov poj niam ntawd, ib tug yog Mab Liab Mas Ntas Las, thiab tus Mab Liab uas yog Yas Kos thiab Yos Xes nkawd niam, hos ib tug yog Ntxes Npes Dais ob tug tub niam.

**Lawv muab Yes Xus lub cev zwm ntxa. 27 : 57 - 61.**

57 Thaum tsaus ntuj, muaj ib tug neeg nplua nuj nyob As Lis Mas Tias tuaj, nws lub npe hu ua Yos Xes. Nws kuj yog Yes Xus ib tug thwj tim thiab. 58 Nws mus cuag Pis Las Tos, nws thov Yes Xus lub cev. Pis Las Tos txib kom lawv muab

Yes Xus lub cev rau Yos Xes. 59 Yos Xes nqa Yes Xus lub cev, nws muab qhwv hauv ib chaws ntaub huv, 60 ces nws coj mus tso rau hauv ib lub ntxa tshiab, uas nws kom luag txaug rau hauv ib phab tsua. Nws dov ib daim txiag zeb dav los kaw rooj ntxas ; ces nws rov mus tsev. 61 Nyob ntawd, muaj Mab Liab Mas Ntas Las thiab lwm tus Mab Liab zaum ncaj lub rooj ntxas.

### **Lawv zov lub ntxa. 27 : 62 - 66.**

62 Tag kis sawv ntxov, yam li dhau Hnub Npj Hmoov Hla lawm, cov thawj leej choj thiab cov Fas Lis Xais ua ke mus hauv Pis Las Tos tsev, lawv hais rau nws tias :

63 "Huab tais, peb nco ntsoov tias tus niag dag ntawd, thaum ua neej nyob, nws hais tias : "Peb hnub tom qab, kuv yuav sawv rov los !" 64 Ua li mas koj txib kom muaj neeg zov lub ntxa zoo zoo mus txog hnub peb, tsam nws cov thwj tim mus nyiag nws lub cev, ces lawv hais rau tsoom pej xeem tias 'Nws sawv hauv cov tub tuag rov los lawm !' Ces cov lus dag no haj yam yuav phem dua qub."

65 Pis Las Tos hais rau lawv tias : "Nej twb muaj ib pab zov keeb, nej kom lawv zov raws li nej siab."

66 Lawv rov mus npaj txhua yam zov lub ntxa, lawv muab daim txiag zeb cam, lawv tso ib pab zov keeb nyob ntawd zov.

### **Lub ntxa khoom. Ntuj Tus Tshiab xa xov. 28 : 1 - 8.**

**28** 1 Dhau hnub Xas Npas Tos lawm, yog thawj hnub hauv lub lis piám, thaum sawv ntxov, Mab Liab Mas Ntas Las thiab lwm tus Mab Liab nkawd

mus xyuas lub ntxa. 2 Ib sij huam, av qeeg loj kawg : Huab Tais tus Tshiab **Mas Tais, Zaj 28** saum ntuj los dov daim txiag zeb, nws zaum saud. 3 Nws ib ce ci li xob laim, nws cev tsoos tsho dawb li daus. 4 Cov zov keeb pom, lawv ceeb, lawv ntshai tshee na, zoo li lawv tuag lawm. 5 Tus Tshiab hais rau ob tug poj niam tias : "Neb txhob ntshai mog : kuv paub tias neb nrhiav Yes Xus, tus tuag saum ntoo cuam. 6 Nws tsis nyob ntawm no lawm, nws sawv rov los raws li nws tau hais. Neb los xyuas qhov chaw lawv tso nws lub cev saib mas ! 7 Neb maj zeeg mus hais rau nws cov thwj tim tias : 'Nws sawv hauv cov tuag los lawm, nws ua nej ntej mus Nkas Lis Lais ; nej yuav pom nws nyob ped.' Kuv hais li no rau neb xwb."

8 Ob tug poj niam tso plhuav lub ntxa tseg. Nkawd ntshai thiab zoo siab tas nrho. Nkawd khaiv mus xa lub moo ntawd rau cov thwj tim.

### **Yes Xus tawm los rau ob tug poj niam pom. 28 : 9 - 10.**

9 Yes Xus tuaj tos ob tug poj niam kev, nws hais tias :

"Neb nyob kaj lug".

Ces nkawd txav los ze Yes Xus, nkawd puag Yes Xus ko taw, nkawd pe nws.

10 Yes Xus hais rau nkawd tias :

"Neb txhob ntshai mog, neb mus qhia kuv cov kwv tij kom lawv mus lawm Nkas Lis Lais teb, lawv yuav pom kuv nyob ntawd."

### **Cov thawj coj Yus Das dag.**

### **28 : 11 - 15.**

11 Lub sij hawm ob tug poj niam tab tom  
rov mus, cov zov keeb ob peb leeg kuj  
rov mus hauv nroog. Lawv mus qhia tej  
xwm uas lawv tau pom rau cov thawj leej  
choj. 12 Cov thawj leej choj nrog cov  
txwj laus sib sau tuav xam. Lawv muab  
nyiaj ntaj rau cov zov keeb, 13 lawv hais  
tias :

"Nej hais li no : 'Hmo ntuj, thaum peb  
tsaug zog, Yes Xus cov thwj tim tuaj  
nyiag nws lub cev.' 14 Yog tias tej lus  
no nrov txog tus nom tswj teb chaws pob  
ntseg, peb yuav npliag kom nej tsis txhob  
raug dab tsi nyuaj." 15 Cov zov keeb  
khaws cov nyiaj, lawv ua raws li cov hlob  
qhia lawv. Cov lus no thiaj ri mus hauv  
cov Yus Das txog niaj hnub no.

**Yes Xus xa cov thwj tim kom mus  
thoob ntiaj teb. 28 : 16 - 20.**

16 Pab Kaum Ib leeg mus txog Nkas Lis  
Lais teb. Lawv mus saum lub roob uas  
Yes Xus teem rau lawv. 17 Lawv pom  
Yes Xus, lawv pe ; ib txhia tseem ua  
xyem xyav. 18 Yes Xus txav los ze  
lawv, nws hais cov lus no rau lawv :

"Ntuj pub ib puas tsav yam hwj huam rau  
kuv nyob saum ntuj thiab nyob ntiaj teb  
no. 19 Nej mus, nej ua kom tas ib tsoom  
haiv neeg los ua kuv thwj tim. Nej hu  
txog Leej Txiv, Leej Tub thiab Leej Ntuj  
Plig Ntshiab lub npe, nej ntxuav lawv.  
20 Nej qhia kom lawv coj tas puas tsav  
yam uas kuv qhia rau nej. Hos kuv, mas  
kuv niaj hnub nrog nej nyob mus txog lub  
zim txwv ntiaj teb kawg.